

東北邊疆檔案文獻叢書

中國邊疆史地研究中心

黑龍江省檔案館

合編

東北邊疆檔案選輯

(一四四)

(清代 民國)

廣西師範大學出版社

東北邊疆檔案文獻叢書

中國邊疆史地研究中心
黑龍江省檔案館

合編

東北邊疆檔案選輯(二四四)

(清代 民國)

廣西師範大學出版社·桂林

目錄

- 黑龍江墾殖有限公司為遵飭更正公司章程等送請咨部立案事給黑龍江省巡按使朱慶瀾稟文
民國四年三月六日 一
- 署黑龍江財政廳廳長魁升為填送民國二年分田賦統計表事給黑龍江巡按使朱慶瀾詳文 附田賦統計表
民國四年三月八日 五
- 署五常縣知事龔方梅為復墾荒情形事給濱江道道尹李鴻謨詳文
民國四年三月十一日 一
- 吉林巡按使公署為保護移民等事給濱江道道尹公署飭文
民國四年三月二十三日 一五
- 濱江道道尹公署為保護過境墾民事給雙城縣等公署飭文
民國四年四月六日 一八
- 同賓縣知事張允升為報墾荒情形事給濱江道道尹公署詳文
民國四年四月十五日 二〇
- 寶縣糧戶盧云等為懇請緩繳積谷事呈文 附保條
民國四年四月二十二日(到) 二六
- 同賓縣知事張允升為陳請設立甲寅墾殖社股份有限公司轉部立案事給濱江道道尹公署詳文 附章程
民國四年四月二十三日 三一
- 吉林巡按使公署為保護赴江山東墾民事給濱江道道尹公署飭文
民國四年四月二十七日 四五
- 吉林巡按使公署為提倡植樹事給濱江道道尹公署飭文
民國四年四月二十七日 四八

- 吉林巡按使公署為派警保護第二起山東赴江墾民事給濱江道道尹公署函
民國四年四月二十九日 五〇
- 吉林巡按使公署為飭警保護第三起山東赴江墾民事給濱江道道尹公署函
民國四年五月二日 五一
- 吉林巡按使公署為飭警保護第四起赴江山東墾民事給濱江道道尹公署函
民國四年五月五日 五三
- 濱江道道尹公署為同賓縣設立墾殖股份有限公司轉部立案事批
民國四年五月十一日 五四
- 濱江道道尹公署為復赴江省山東墾民過境哈爾濱情形事給吉林巡按使公署詳文
民國四年五月十三日 五六
- 龍江道道尹何煜為請文撥安遠縣既定牧場地點事給黑龍江巡按使朱慶瀾詳文
民國四年五月十三日 五八
- 黑龍江巡按使公署為文撥安遠縣既定牧場地點轉行文撥事給省清丈兼招墾總局飭文
民國四年五月十九日 六一
- 綏蘭道道尹于馴與為轉報綏楞設治員規劃設治情形備案事給黑龍江巡按使朱慶瀾詳文
民國四年六月四日 六二
- 代理通河縣知事高登甲為丈放江沿公地由領戶自修堤壩按年收租事給黑龍江巡按使公署詳文
民國四年六月十六日 六九
- 同賓縣知事張允升為核準志城墾殖有限公司規則及議決書等事給濱江道道尹公署詳文 附規則等
民國四年六月十六日 七二
- 綏蘭道道尹于馴與為呼蘭縣請劃留學田以便開墾而裕學款事給黑龍江巡按使朱慶瀾詳文
民國四年六月二十八日 一一一

黑龍江巡按使公署為準呼蘭縣請劃留學田事給省清文兼招墾總局飭文

民國四年七月九日

一一五

吉林巡按使公署為育苗造林事給濱江道道尹公署飭文

民國四年七月二十一日

一一七

吉林巡按使公署為造林育苗事給濱江道道尹公署飭文

民國四年七月二十八日

一二一

黑龍江省清文兼招墾總局為通河縣擬放縣城沿江街基辦法事給黑龍江巡按使公署詳文

民國四年八月三日

一二四

黑龍江巡按使公署為通河縣擬放縣城沿江街基辦法事給通河縣公署飭

民國四年八月十二日

一二七

吉林巡按使公署為查照辦理游惰恃強勒索鄂民事給濱江道道尹公署飭文

民國四年八月十九日

一二九

吉林巡按使公署為轉行籌設苗圃及造林事給濱江道道尹公署飭文 附抄件

民國四年八月二十日

一三五

五常縣知事羅方梅為查復造林險地事給濱江道道尹公署詳文

民國四年八月二十二日

一四九

吉林巡按使公署為阿城縣詳請變賣倉谷裁撤倉官事給濱江道道尹公署飭文 附阿城縣原詳及批文飭文

民國四年八月二十八日

一五一

五常縣知事羅方梅為報勘分四合川管界事給濱江道道尹公署詳文 附會字元號會詳文稿等

民國四年九月八日

一六四

黑龍江財政廳廳長唐宗愈為農戶滯納地租擬請明定期則事給黑龍江巡按使朱慶澗詳文 附罰則

民國四年九月二十五日

一六九

- 吉林巡按使王揖唐為轉行濱江等縣會勘江面界址事給濱江道道尹公署飭文
 民國四年九月二十八日 一七六
- 吉林巡按使王揖唐為興墾區先興水利事給濱江道道尹公署飭文
 民國四年九月二十九日 一七九
- 吉林全省土地清丈局為濱江縣清丈東四家子地基等事給濱江道道尹公署咨文
 民國四年九月三十一日 一八二
- 代理呼瑪縣知事孫繩武為籌設墾牧試驗場擬訂簡章請立案事給黑河道尹公署詳文及批 附章程
 民國四年十月一日 一八四
- 呼蘭縣知事鐘毓為呼屬連年水患請續撥水災賑款以濟災黎事給黑龍江巡按使朱慶澗詳文
 民國四年十月五日 一九五
- 吉林巡按使公署為擬定道屬各縣辦理積谷規則事給濱江道道尹公署飭文 附規則
 民國四年十月五日 二〇〇
- 同賓縣知事張允升為籌議森林辦法及提倡造林事給濱江道道尹公署詳文及批
 民國四年十月十二日 二〇七
- 吉林全省土地清丈局為本局具詳旗地續報升科核明給照准立案事給濱江道道尹公署咨文 附原詳
 民國四年十月十三日 二一二
- 黑龍江省清丈兼招墾總局為報第三牧場段內水勢甚大刻難丈撥事給黑龍江巡按使公署詳文
 民國四年十月十四日 二一五
- 黑龍江巡按使公署為準撥款賑濟呼蘭縣水災災民事給財政廳等飭文
 民國四年十月十五日 二一七
- 黑龍江省清丈兼招墾總局為呼蘭縣應留學田改由訥河縣劃撥事給黑龍江巡按使公署詳文
 民國四年十月十八日 二一九

駐索倫山宣撫委員周召棠為荒火蔓延擬請嚴禁通行事給黑龍江巡按使朱慶瀾詳文

民國四年十月十八日

二二二

吉林巡按使公署為覆勸同賓縣夾信子等處水災情形事給濱江道道尹公署飭文

民國四年十一月十日

二二五

濱江道道尹公署為辦理阿城縣倉廩積噎及派員會同監視出糶事給吉林巡按使公署詳文

民國四年十一月十九日

二三一

龍江道道尹何煜為嫩江縣劃撥鄂倫春生計地事給黑龍江巡按使朱慶瀾詳文 附呼瑪路正白旗頭佐官兵花名數目

民國四年十一月二十一日

二三四

代理慶城縣知事劉善徽為送催征租賦續限考成清冊事給黑龍江巡按使朱慶瀾呈文 附分續限考成冊

民國四年十一月二十四日

二四〇

同賓縣知事張允升等為會報夾信子等處受災地畝分數事給濱江道道尹公署詳文

民國四年十二月十日

二四四

黑龍江巡按使公署為部咨呼瑪縣擬訂墾牧試驗場章程應立案修改事給黑河道尹公署飭文

民國四年十二月十一日

二四八

濱江道署委員張耀翔為阿城縣所存倉谷事給濱江道道尹公署稟文

民國四年十二月十一日

二五〇

署理五常縣知事周擇為籌辦春季賑糶勸捐積谷等事給濱江道道尹公署詳文

民國四年十二月十一日

二五二

賓縣知事李德鈞為張貼招墾告示事給濱江道道尹公署詳文 附黑龍江省清丈兼招墾總局布告等

民國四年十二月十五日

二五七

試署湯原縣知事李映庚為報救濟災荒飭民辦法事給黑龍江巡按使朱慶瀾詳文

民國四年十二月十七日

二六三

署理阿城縣知事施世杰為鄉民聚眾阻撓清鄉事給濱江道道尹公署詳文

民國四年十二月十八日

二六七

試署湯原縣知事李映庚為擬將江通柳通對跨學校以資補助事給黑龍江巡按使公署詳文

民國四年十二月二十日

二七六

雙城縣知事魏紹周為報義倉積谷施行細則事給濱江道道尹公署詳文 附義倉積谷施行細則

民國四年十二月二十日

二七九

張錫福為報告調查軍畜牧場情形事給黑龍江巡按使公署呈文

民國四年十二月二十二日

二九三

黑龍江清丈兼招墾總局為核議官荒段內撥給山巡隊生計地畝事給黑龍江巡按使公署詳文

民國四年十二月二十九日

三〇四

吉林巡按使王揖唐為籌設苗圃事給濱江道道尹公署飭文

民國四年十二月三十日

三〇九

龍江道道尹何煜為劃留克山學田并分別劃留補給肇州大賚兩縣學田事給黑龍江巡按使朱慶瀾詳文

民國四年十二月三十一日

三一二

黑龍江巡按使公署為撥給山巡隊生計地畝事給鎮安右將軍行署咨文

民國五年一月十二日

三一七

綏蘭道尹于驥與為轉報湯原民國四年先后被災秋收實不及分情形事給黑龍江巡按使朱慶瀾詳文

民國五年一月十三日

三一九

黑龍江巡按使公署為龍江道詳請劃留克山學田并劃留補給肇州大賚縣學田事批

民國五年一月十四日

三二四

黑龍江財政廳為巴彥縣賑款應否仍照原撥數目撥付事給黑龍江巡按使朱慶瀾詳文

民國五年一月十五日

三二六

同賓縣知事張允升為補送志城墾殖公司規則表簿請準註冊事給濱江道道尹公署詳文 附公司註冊稟請書

民國五年一月二十四日

三三二

黑龍江清丈兼招墾總局為核議湯原縣請將未放之江通柳通對歸學校事給黑龍江巡按使公署詳文

民國五年一月二十七日

三三八

黑河道尹王杜為招商試辦牧場藉興實業轉請鑒核事給黑龍江巡按使朱慶瀾詳文 附公司簡章

民國五年一月二十九日

三四一

濱江道尹公署為轉送同賓縣志城墾殖公司註冊稟請書請鑒核事給吉林巡按使王揖唐詳文

民國五年一月三十一日

三五五

黑龍江巡按使公署為湯原縣未放之江通柳通對歸學校事給綏蘭道尹公署飭文

民國五年二月七日

三五七

署理阿城縣知事邱正夔為永遠機磨面粉無限公司註冊事給濱江道道尹公署詳文 附公司簡章

民國五年二月九日

三五九

黑龍江清丈兼招墾總局為西布特哈總管公署照章價領或出放溢額學田事給黑龍江巡按使公署詳文

民國五年二月二十二日

三七〇

黑龍江清丈兼招墾總局為報緩化等縣劃留學田事給黑龍江巡按使公署詳文

民國五年三月三日

三七五

黑龍江巡按使公署為劃留緩化慶城等屬額定學田事給綏蘭道尹公署飭文

民國五年三月九日

三七九

哈爾濱木石稅費總局為報已放林照區域及承領人姓名表冊事給濱江道道尹公署詳文 附一覽表

民國五年三月二十二日

三八一

黑河道尹王杜為轉報蘿北縣遵飭填造畜牧調查表事給黑龍江巡按使朱慶瀾詳文 附報告表

民國五年三月二十五日

三八六

龍江道尹何煜為安插墾戶和清理蒙旗生計地糾葛等事給黑龍江巡按使朱慶瀾詳文

民國五年四月二十六日

三九二

同賓縣公民張文衡等為李炳文違令繼續清丈懇乞電飭其回省事給濱江道道尹公署稟文

民國五年五月六日

三九四

黑龍江巡按使公署為酌擬烏雲遜河設治招墾辦法轉行瓊璋等縣遵照事給黑河道尹公署飭文

民國五年五月六日

四〇一

吉林巡按使公署為農商部準予阿城永遠機磨面粉有限公司註冊事給濱江道道尹公署飭文

民國五年五月十三日

四〇九

黑河道尹王杜為轉澳河設治局遵飭填送調查牧畜報告表事給黑龍江巡按使公署詳文 附報告表

民國五年五月二十日

四一一

黑龍江巡按使公署為清丈總局議復緩東放荒收價辦法轉行遵照事給黑河道尹公署飭文

民國五年六月二十日

四一六

黑龍江清丈兼招墾總局為轉報劃留肇東縣額定學田請備案事給黑龍江省長公署詳文

民國五年七月十五日

四二一

雙城縣知事魏紹周為報彙災情形事給濱江道道尹公署詳文

民國五年七月十六日

四二四

黑龍江清丈兼招墾總局為轉報通河分局出放鳳山鎮鎮基辦法備案事給黑龍江省長公署詳文

民國五年七月十九日

四二五

黑龍江牧畜籌辦處為報籌辦牧畜經過及改本處為模範牧場等事給黑龍江巡按使公署詳文

民國五年七月二十六日

四三〇

黑龍江清丈兼招墾總局為第七分局查覆甘井子一帶并無開荒可撥牧場事給黑龍江省長公署詳文

民國五年八月五日

四三八

濱江道尹公署委員福平安等為會同勸報雙城縣災數事給濱江道尹公署呈文

民國五年八月二十六日

四四三

景星設治員李澤為具報大興川等處雹災大概情形事給黑龍江省長公署呈文

民國五年九月二十日

四四五

龍江道道尹張壽增為轉送龍江縣調查自治戶口清冊事給黑龍江省長舉桂芳呈文 附清單

民國五年九月二十六日

四四六

烏雲設治局設治員孫佛三為擬訂招墾簡章事給黑河道尹公署呈文 附簡章

民國五年十月六日

四五四

黑龍江清丈兼招墾總局為拜泉貞字段迤東夾荒核收荒價事給黑龍江省長公署呈文

民國五年十月十八日

四六三

綏蘭道尹于顯興為匯報木蘭縣并綏楞設治局秋成分數事給黑龍江省長舉桂芳呈文 附印結

民國五年十月十九日

四六六

黑龍江清丈兼招墾總局為墾殖公司指領拜泉夾荒自相商換事給黑龍江省長公署呈文

民國五年十月二十二日

四六八

綏蘭道尹于顯興為匯報通河湯原兩縣被災欠收事給黑龍江省長舉桂芳呈文

民國五年十一月七日

四七二

龍江道道尹張壽增為景星設治局查覆濟沁河雹災情形備案事給黑龍江省長舉桂芳呈文

民國五年十一月七日

四七五

黑河道道尹王杜為轉報琿琿縣本年秋收分數備案事給黑龍江省長舉桂芳呈文

民國五年十一月十日

四七七

綏蘭道尹于顯興為轉報呼蘭縣本年秋收分數事給黑龍江省長舉桂芳呈文

民國五年十一月十日

四八一

黑龍江省長公署為甘井子董達霖等呈請蠲免租賦事給龍江道尹公署等訓令

民國五年十一月十日

四八三

黑龍江牧畜籌辦處處長金純德等為請咨轉飭軍畜牧養場及早還牛免誤耕作事給黑龍江省長畢桂芳呈文

民國五年十一月十三日

四八五

烏雲設治局為轉請援照龍門設治成例酌予撥款招墾事給黑河道尹公署呈文

民國五年十一月二十日

四九二

黑河道尹王杜為轉報羅北縣屬境民國五年分秋收分數事給黑龍江省長畢桂芳呈文

民國五年十一月三十日

五〇一

甘井子民人董達霖等為田地被淹請蠲免租賦事給黑龍江省長畢桂芳呈文

民國五年十一月

五〇三

稟為遵飭更正送請咨部立案事竊本公司於本年正月二十八日奉

鈞署三百二十八號飭開案據該公司稟送公司章程計畫書各件請轉
咨立案等情當經咨部查核在案茲准

農商部咨開准咨陳內開據墾殖股分有限公司發起人寧世福等稟稱

本年二月聯名呈請在拜泉訥河通北之間貞字段北七道溝地方價領
夾荒十餘井組織公司奉批照准仍將公司章程另呈候核奪以憑送部

立案奉批後當即集資價領荒地八井原擬集資二十萬元現僅招到六
萬五千元擬即縮小範圍改為十萬元為定額遵照公司條例開具存款

商號存條送請查驗並擬具章程及計畫書各一分請鑒核咨部立案等情據此除查驗收款按照股本原額實已收過半數外查核章程計畫書等件大致均尚妥協相應驗同章程計畫書各一分請查核立案等因前來查該公司領荒招墾以闢利源既據稟稱試墾有四百八十餘畝似與包攬大段者不同復核所送計畫書關於資本分配招墾半期以及公司與地戶平分辦法均尚妥協應准先予備案惟買地蓋房及購具各項統計實需銀六萬九千三百三十元該計畫書內開八萬九千三百三十元之數顯有差誤應飭更正再行送部備查至關於公司組織檢閱來章亦有未

盡妥洽之處如該章程第五條內稱本公司每千元為一大股每百元為一小股按公司條例第一百二十四條規定股分公司之資本項分為各股每股銀數須一律平均應飭將大股小股名稱刪除另訂劃一銀數又該章程第十條內稱入股在三千元以上者得享有議決權按公司條例第一百四十五條規定公司各股東每一股有一議決權惟一股東而有十一股以上者得以章程限制其議決權數原章所訂核與定例未合應飭更正又按公司條例第一百十三條規定創立會應選任董事及監察人原章於監察人一項並未詳及應飭增添其董事額數據原章第十八條內稱擬設八人按公司條例關於

董事額數雖未明定然證以該條例第一百五十七條規定有董事之執行業務以其過半數決之等語細繹條文董事額數自應訂為單數以便過事決議應飭修改相應咨行查照辦理此咨等因准此合亟飭行該公司仰即遵照修改稟覆以憑轉咨此飭等因奉此當將本公司前送章程並計畫書逐一按條更正理合具稟呈送為此稟請

巡按使鑒核咨部施行右稟
黑龍江省巡按使朱

墾殖有限公司



詳為填送民國二年分田賦統計表請鑒核事業奉

財政部電開該省二年度田賦統計表迫經電催未據編送本部現有查核之處務即迅速造報再二年度係指二年七月一日至三年六月底而言幸勿誤會財政部文士等因奉此查江省租賦並不分忙係屬一期盡納之制且因地處邊寒農事告竣係在霜降以後

所以當年租賦例於十月一日開徵至次年九月底一年限滿逾限作為滯納於次年帶徵較之內地徵納期間本有不同前經國稅廳將

此情形詳報在案若以年度為期是二年租賦當年七八三箇月內尚未開徵次年七八三箇月內復未屆限殊屬碍難填報是以酌量變通核填二年分田賦統計表一仍從前起訖日期辦理以期與事實相符至編送稍遲緣因是以屬境遼濶交通不便兼之各屬原報錯誤幾經駁改尚未悉合更有因駁回更正迄今未據覆送者茲奉電催勢難緩候爰將報到各表依據彙編其因駁改未覆者權由本廳查照各該屬按月冊報數目遵照前頒表式一

併編列成表俾資完全除分詳

財政部查核外理合



具文詳送

鈞使鑒核備案施行謹詳

計詳黑龍江田賦統計表一紙

黑龍江巡按使朱

署黑龍江財政廳廳長魁陛



黑龍江省民國二年分田賦統計表

縣別

龍江省民國二年分田賦統計表

合

本年度租政頗比

縣別	租	計	免	增	減
龍江縣地	租 二千三百零六	二千三百零六	無	二千三百零六	二千三百零六
呼蘭縣地	租 六千七百零八	六千七百零八	無	六千七百零八	六千七百零八
海倫縣地	租 四千四百零九	四千四百零九	無	四千四百零九	四千四百零九
嫩江縣地	租 二千九百零六	二千九百零六	無	二千九百零六	二千九百零六
綏化縣地	租 一萬九千零零八	一萬九千零零八	無	一萬九千零零八	一萬九千零零八
巴彥縣地	租 四十二九零六	四十二九零六	無	四十二九零六	四十二九零六
蘭西縣地	租 六〇三〇〇	六〇三〇〇	無	六〇三〇〇	六〇三〇〇
木蘭縣地	租 一八〇九零九	一八〇九零九	無	一八〇九零九	一八〇九零九
慶城縣地	租 二〇四三零三	二〇四三零三	無	二〇四三零三	二〇四三零三
拜泉縣地	租 九三六零五	九三六零五	無	九三六零五	九三六零五
大春縣地	租 四七九零六	四七九零六	無	四七九零六	四七九零六
肇州縣地	租 一五九零五	一五九零五	無	一五九零五	一五九零五

安遠縣地	租	八分六釐	五分	二分九釐	一分	一分	一分	一分	一分
愛理縣地	租	無	無	三分六釐	無	二分八釐	無	一分	一分
初河縣地	租	五分五釐	無	十分	無	二分三釐九釐	六分	一分	一分
青岡縣地	租	五分六釐	丁四分五釐	四分五釐	七分	一分七釐六釐	一分	一分	一分
馮原縣地	租	五分	七分六釐	丁三分七釐	無	五分八釐	無	一分	一分
通河縣地	租	三分三釐	三分	二分八釐	無	九分七釐	無	一分	一分
肇東縣地	租	無	無	六分三釐	無	六分三釐	無	一分	一分
本原鎮舊地	租	五分六釐	五分八釐	無	無	八分五釐	無	一分	一分
統計地	租	二分五釐	二分五釐	九分三釐	二分八釐	四分	五分	一分	一分

備

一、本列各縣地畝，前經各該縣官紳，將地畝詳報本縣，由本縣核辦，茲將各該縣地畝，分別開列於左：
 一、青岡縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、初河縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、愛理縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、安遠縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、馮原縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、通河縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、肇東縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、本原鎮舊地，前經該縣官紳，將地畝詳報本縣，由本縣核辦，茲將該地畝，分別開列於左：
 一、統計地畝，前經該縣官紳，將地畝詳報本縣，由本縣核辦，茲將該地畝，分別開列於左：
 一、本列各縣地畝，前經各該縣官紳，將地畝詳報本縣，由本縣核辦，茲將各該縣地畝，分別開列於左：
 一、青岡縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、初河縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、愛理縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、安遠縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、馮原縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、通河縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、肇東縣地畝，前經該縣官紳，將地畝詳報本縣，由本縣核辦，茲將該縣地畝，分別開列於左：
 一、本原鎮舊地，前經該縣官紳，將地畝詳報本縣，由本縣核辦，茲將該地畝，分別開列於左：
 一、統計地畝，前經該縣官紳，將地畝詳報本縣，由本縣核辦，茲將該地畝，分別開列於左：

一、價定其標準以維持其價值而利於其流通之用也此項規定

一、本行所定之標準其標準之高低應以本行所定之標準為標準而本行所定之標準應以本行所定之標準為標準

一、本行所定之標準其標準之高低應以本行所定之標準為標準而本行所定之標準應以本行所定之標準為標準

一、本行所定之標準其標準之高低應以本行所定之標準為標準而本行所定之標準應以本行所定之標準為標準

一、本行所定之標準其標準之高低應以本行所定之標準為標準而本行所定之標準應以本行所定之標準為標準

為詳覆事民國四年三月八日奉

鈞署尹字第三百三十七號飭開為飭知事案奉

吉林巡按使公署第五百五十七號飭開案准

政事堂封寄本年一月二十七日第六號包封一件內開本日國務卿
內奉

大總統諭據肅政史李映庚呈稱國計艱難民力殫竭請將吉黑二省
墾務選員經理直隸水利責成道尹縣知事實力經營等語原呈
著鈔交農商部全國水利局直隸吉林黑龍江各巡按使閱看體

察情形妥慎籌辦以開利源而重民食等因遵此郵寄到吉自
應遵照辦理查原呈墾荒條內所言利弊雖係就吉江兩省籠統而
言亦有不盡然者現在通省舉辦清丈清賦第不知該道所屬地
方情形究竟如何自非切實調查不足以資籌辦除咨復外合亟抄粘原
呈飭仰該道尹即便遵照確查所屬各縣現辦墾荒實在情形切實
具報以憑核辦幸毋視為具文計抄粘原呈等因奉此除分行外合亟
抄錄原呈飭仰該縣遵照將現辦墾務實在情形切實具報以憑
轉詳核辦毋得視為具文切切此飭附抄原呈一紙等因奉此遵查五

常並無現辦墾務委因縣屬放荒均在前清光緒八年設治以前自經設治而後曾辦清賦並未續放新荒通現在全境而論除大青川一隅係屬官荒業於上年詳蒙

轉詳到部准作林場歸林務局勘辦在案此外皆民有土地西境縱橫百餘里地勢較平墜隴彌望惟東境叢山繞瘠施墾不易近年因戶繁地貴亦漸日事展闡伏讀附抄原呈官吏障害一段知事亦洞如其弊

溯自元年到任以來對於此項案件力主保護人民固有之權利雖至被謗被誣亦所不辭豪強勢不得逞故年來爭地涉訟者條理較

清數亦銳減私竊以為五常民荒僅餘東山裡一帶未盡着墾一則本非上腴一則交通深阻一則林獵攸資一則匪蹤不淨雖有上列種種原因誠非可與西境並論但使於行政司法各方面隨時隱與維持不必居督墾之名而地利積久自盡並取獄市勿擾之義而進行庸以較優因地制宜固當如此有司修職術亦存焉奉飭前因用敢推類言之是否有當理合具文詳覆伏乞

道憲鑒核施行謹詳

吉林濱江道道尹李

署五常縣知事瞿方梅

吉林巡按使公署飭 第一千零三五號

為飭道事民國四年三月十日准

黑龍江巡按使公署咨開案據龍江通詳稱為洮河縣移殖燕民派
員查辦請分咨保護等語查前據該縣知事趙秉璋詳請借墊移民
川省先接運此二百名來洮寺情業經核詳並奉准在案茲該縣
函陳春融在即房架亦未打絕編查均應核為籌備現據移殖委員胡祝中
撥員賀存誠徐鍾麟周作霖賈希慶等以前北京北甯鐵路皮棧
運此二百名來洮以為將來房架具之預備俟陰曆二月廿九日

西將夫婦二人接運到段誠恐該員等到後不無與地方官應行接洽并
及經過沿途火車各站雖芦台設有總招待事務所奉天長春哈爾濱設有分
招待所而旅民太多火車中在在需人照料請分咨保復等語自應准
為此詳請鈞署迅咨京兆尹飭飭實地等知且及直奉吉三省是務使務
飭徑過各關道各知各鐵路交涉局一俟暨民到站分飭字警會同妥籌
招待各員妥為保護實為公便等情按此除批示并咨外相應咨請查照
飭飭施行等因准此除分行外合並飭仰讓道尹並飭所屬各員遵照
會同鐵路局妥為辦理可也此飭

吉林巡按使孟憲彝

吉長道尹郭宗熙

右副清江道尹雅此

吉林濱江道尹兼哈爾濱交涉員李

鐵路交涉局總辦

四

月

日

日

案由

濱江道尹兼哈爾濱交涉員李

長春張家灣各分局

為飭道尹案奉

吉林巡按使公署第一千零二十四號飭開民國四年三月

十一日准

里龍江巡按使公署咨開云及鐵路道監辦理可也等

因奉此除分行外合亟飭仰該分局遵照一俟此項難民
經過時即便飭警妥為保護可也此飭

道尹兼交通局長

右飭

漢口以城

林佐榆樹各縣

張家灣分局
長春

准此

中華民國

四年

三月

廿日

尹字第

王學煥
科員王學煥擬
號
9月
日發

詳為據實陳報事中華民國四年三月八日奉

鈞尹第三百三十七號飭開為飭知事案奉

吉林巡按使公署第五百五十七號飭開案准

政事堂封寄本年一月二十七日第六號包封一件內開本

日國務卿內奉

大總統諭據肅政史李映庚呈稱國計艱難民力殫竭請將

吉黑二省墾務選員經理直隸水利責成道尹縣知事實
力經營等語原呈著鈔交農商部全國水利局直隸吉

林黑龍江各巡按使閱看體察情形妥慎籌辦以闢
利源而重民食等因遵此郵寄到吉自應遵照辦理查原
呈墾荒條內所言利弊雖係就吉江兩省龍統而言亦有
不盡然者現在通省舉辦清丈清賦第不知該道所
屬地方情形究竟如何自非切實調查不足以資籌辦
除咨復外合亟抄粘原呈飭仰該道尹即便遵照確查所
屬各縣現辦墾荒實在情形切實具報以憑核辦幸毋
視為具文計抄粘原呈等因奉此除分行外合亟抄錄原

呈飭仰該縣遵照將現辦墾務實在情形切實具報以憑
轉詳核辦毋得視為具文切切此飭計附原呈一紙等因奉
此查縣境地方雖設治未久處在邊陲而辦理墾務事宜
進步尚速謹為我

憲台分晰陳之以供垂覽接縣屬全境地畝約有二十五萬
餘垧除已報升科納租地六萬九千五百餘垧外其餘開墾成
熟尚未升科之地亦有六七萬垧將及一倍有奇此縣境地
畝開墾較速者一也此外未經開墾生荒雖為數尚有十

餘萬垧惟推其未墾原由蓋緣此次地畝大半處於山深林
密之所入跡罕到之區其中能出地者不過三分之二兼之

前數年間鬻匪充斥人民裹足烟戶星稀開墾非易

知事

有鑒於此當於民國元年間上次在任時迭次出示曉諭並
召集紳商集資興墾切實進行迨甫經議有端倪即奉
文調考事遂中止茲奉飭回任隨督飭士民王子斌等組
織墾植公司在葦沙河一帶經營開墾之
烏吉密一帶購地墾荒以興地利而免荒蕪如果該公司

等始終不懈因勢利導守量不出數年

開墾成熟行見變荒蕪以成膏腴闢地

可出地之處多可
開墾成熟行見變荒蕪以成膏腴闢地

桑田亦在指顧之間此縣境地畝未開墾者將來可望墾
熟者又一也且查現在外省人民來同購地經營農業者日見
增加其戶口既繁地價因之而翔貴核其前數年間每熟
地一垧不過售洋十元左右今則每地一垧售洋須三十四元
或五六十元不等今昔比較相差何啻倍蓰此墾務日見
起色者又一也以上所陳各端均係現辦墾務實在情形除

仍督飭紳民人等認真開墾以盡地利而重民生外理合
具文詳報

鈞尹鑒核俯賜轉詳實為公便謹詳

吉林濱江道道尹公署

縣知事張允升



具呈糧戶盧雲孫發刁同祿等年歲不一均係賓縣城東八區管界朝陽
河北住民為奉催積穀祈懇緩限條文轉知賓縣查核以便緩繳而恤民生
事情因於宣統三年八區管境惟朝陽河村屯一帶連年荒旱歉收經許前
監督因民等呈請借食積穀飭八區區官發放積穀接濟各戶所有領糧各
戶姓名均經本區造冊存查在案於去年十月間民等因積穀奉警催傳甚
急碍難照數措交實因朝陽河北村一帶僻處山隅地瘠民窮連年荒旱歉收
人民均屬苦累難堪連日警區百嚴催因民等艱窘萬難籌措照交以祈懇緩
限各情懇次呈懇賓縣公署先後稟奉

批示蒙恩照准緩限兩期交到本區殷實糧戶劉景春家存各情在案民等即由起邀
集各戶前曾經手一放糧之百十家長及領糧各戶公議將積穀交到糧戶劉
景春妥為存儲以備不虞而重倉粟所有領糧殷實之戶業已遵批交
本區保証高號劉福鋪內不過糧石二十八石餘斗若以去年糧價核錢不
過二仟餘吊以俟秋季豐稔均行呈交其餘貧乏各戶苦累難堪本年春季萬
難照交我

憲台視民如傷關懷甚切痼瘼在抱諒卑涸悉此情尚祈逾格 鴻慈
俯念小民艱窘惟祈備文飭知實縣轉飭管屬警區暫緩催傳以

恤苦累而安民生如蒙允准再行緩展限期至本年秋麥豐稔之際悉
數措齊均行交還民等出具限狀以資信據呈明縣署備案查核如再
有逾限不交情事民等不但均願重咎甘願以各戶地照逕交本管
縣署以作抵押變產折還斷不敢有負我

憲台籌邊賑濟撫民之至意是否可行出自

鴻慈鈞裁倘蒙

俞允祈速條文飭知賓縣公署轉飭民等周知均感大德無極矣除
分呈吉林巡按使公署外理合叩乞

觀察大人案下恩准鑒核施行

中華民國四年四月

日具呈人

王 張 劉 曹 呂 蔣 刁 盧 孫 趙 李 張 楊 劉 任
永 建 萬 振 鴻 同 雲 發 文 萬 炳
吉 福 寶 清 福 喜 雲 科 珍 發 南 福 震

趙 楊 康 孫
守 守
祥 信 發 海

劉李月呂趙孫



萬同文

保

福珍祿福科峰雲

劉張孫蔣楊齊王杜

萬建 滿守振永
寶福 海喜信清吉雲

四月十九日
保條



詳為陳請鑒核俯賜轉詳立案事案據士民龔克生劉垢吾稟稱為設立公司
遵例稟請轉詳咨部註冊發給執照事竊克生等於去年春間發起甲寅墾生
殖社邀集同志集資二萬元在東鐵道沿線兩旁選購荒地招佃墾種以期發達
農業正初業就縣屬烏吉密河小站設立本店著手招墾頃集股東議決援照公
司條例改組為股分有限公司業已訂立章程準公司條例第一百二十一條及公司註
冊規則第一第二兩條等所規定應即開列條款抄粘章程及營業概算書等稟請
核準轉詳咨部發給執照沾感無暨矣謹稟計開應列條款並附粘營業概算
書及章程各一紙等情據此查該士民組織甲寅墾植公司係為振興墾務開闢地利

起見似應准予轉詳立案俾垂久遠除批候轉詳請示遵再行飭知照辦外理
合繕錄章程規則及營業概算書並列具該董事等簡明履歷表併具文詳請
鈞尹鑒核俯賜轉詳立案實為公便再此事如蒙批示照准仍按公司註冊條例飭
令繳費註冊以符定章又此案因原送各件每有不合屢飭更正致延時日合併聲明
謹詳

吉林濱江道道尹公署

計詳送

章程三份
營業概算書三紙
簡明履歷表三紙

甲寅墾殖社股分有限公司章程

第一章 總則

第一條 本公司發起於甲寅歲以墾荒殖民發達農業為目的依據股分有限公司條例以為組織故定名甲寅墾殖社股分有限公司

第二條 本公司以購領荒地招佃墾種為所營之專業但因招墾之必要得附設其他商店以為補助機關

第三條 本公司於吉林省同賓縣屬烏吉密河小站設立本店於哈爾濱及北京與吉林省城設置辦事處以後推廣墾殖得因地制宜

酌添支店

第四條 本公司存立以三十年為限滿三十年後得由股東會之議決再

繼續辦理

本公司非基於法律不能解散

第二章 資本及股分

第五條 本公司資本金額暫定大洋二萬元分為二百股每股一百元

第六條 股東之出資概納大洋不許以物產或其他物品作價充抵

第七條 本公司股票為有記名式凡以之轉售或移贈他人者須雙方於

原股票之裏面記名簽押並其請求書交由本公司認可更換名義註簿方為有效

第八條 本公司成立後如資本不敷得依股東之議決推廣資額

第三章 職員及會議

第九條 本公司置總經理一人協理二人董事三人監察人一人

第十條 本公司之總協理與董事監察人均由股東會投票選舉其他執行業務人員則由總協理僱聘

前項之總協理須認股在十股以上董事監察人須認股在五股以上

者方得被選否則選出作為無效

第十一條 本公司總協理及董事之任期以三年為限監察人以一年為限但
任期滿後得再被選者可以連任

第十二條 本公司總協理及董事監察人目前暫不給薪俸有成效後再由
股東會公議

第十三條 總協理與董事監察人缺員時開臨時股東會補選之其任期
以補足前者之任期為限

第十四條 本公司股東大會每年一次於三月內行之但有急要時得由臨時會

第十五條 股東因事不克赴會時許託他人代理但所託者除法定代理人外仍限於本社之股東

第十六條 股東會議每股一議決權由多數議決之

第十七條 凡會議遇出席權數不足不能開議時得由總協理詳叙應議決之各項事由分條通告各股東核計往返程途限期取其答覆而以答覆案中過半數之同意取決之

前項之答覆案交到時如逾限期者作為無效

第四章 計算及公告

第十八條 本公司之營業年度每年由三月初起至翌年二月底止為一
年度

第十九條 本公司資金二萬元限以萬元為購地費萬元為經營費儘
三年將所購地經營完畢

第二十條 本公司於三年將所購地經營完畢後所獲淨利以百分之五
為創始經營人龔煥辰之酬勞金其餘概照股分給各股東

第二十一條 本公司於各股東除三年後按股分紅外並無其他利息

第二十二條 本公司以後分給紅利於定期股東會開始時行之如股東中有不

能親到領取託公司代匯者其匯水須歸自認

第二十三條

本公司每年集賬後除將一年內收支賬目報告股東會外並
摘錄概要編成報告書分寄各股東

本公司於前項之報告外並將營業狀況每三月報告一次其報
告期以每年五月八月十一月二月底為率

第二十四條

本公司應行公告之事件概以登載政府公報或吉林公報者為
準但有特為欲達傳播廣遠之目的起見得於登載公報外酌擇
其他中外商營日報登載之

第五章 附則

第二十五條 本公司於未開正式股東會以前暫由發起人中互推二人為臨時總協理俟開成立大會後乃為正式之選舉

第二十六條 本章程所未規定者照公司條例辦理

第二十七條 本章程自發起人簽押後施行以後得依據法律修改之

中華民國四年四月 二十三

日

甲寅墾殖社股份有限公司營業概算書

年款
年度利款 目數目^{以大}備

第 進 股 款二萬元 括集二百股 每股百元 分兩次繳納 共應收入此數

一、 購地費一萬元 營地路邊附近荒地 或向官家其領或向民間轉買 值此萬元為率

年 支 華商店資本一千元 於哈埠設辦事處 兼營錢莊 以便銀錢之兌換 及為開墾處購置所需 物品 而以所獲利息 交補辦事經費

島商店資本一千元 於島店設雜糧棧 凡墾戶必需之品 均為籌備 即以所獲利息 交 補本店辦事經費

開地費五千元 開荒地五百垧 每垧墾費平均以十元計

借給佃戶費三千元 墾戶蓋房墾井及籽種食糧 平均以每地一垧借給六元計

民國三年至四年

項

考

第二 進租糧收入 三千元

第一年所開地五百垧平均以每垧收穫一石計每石糧價平均以六元計

二年 項收 四個戶借項三千元 第一年借給佃戶之款春借冬還應收回原數

四年 支開地費四千元 開新荒四百垧每垧墾費平均以十元計

五年 項借給佃戶費二千元 平均以每開新荒一垧借給五元計

第三 進租糧收入 五千四百元

第二年開地四百垧合以第一年之五百垧共九百垧收穫九百石每石價平均以六元計

三年 項收 四個戶借項二千元 第二年借出之數

五年 支開地費五千元 開新荒五百垧墾費仍以每垧十元計

六年 項借給佃戶費二千四百元 平均每新荒一垧約借給五元之數

附 以上三年合計共開地千四百垧當共收穫千四百石平均以每石六元計當共合銀八千四百元加以收回佃戶借款二千四百元合計一萬零八百元之收入以後進行依股東之議決以為斷

同賓縣甲寅墾殖社股分董事等簡明履歷表

職	別姓	名年	歲籍	貫住	址
董	事	龔克生	三十	四川	江津縣 現住北京皮庫胡同
董	事	劉垢吾	四十	四川	內江縣 現住北京宣武門大街
董	事	楊希仲	三十六	四川	巴縣 現住漢口聚興城
發起	人	趙時敏	四十二	四川	江安縣 現住北京濬川源銀行
同	上	吳連炬	三十二	四川	樂至縣 現住北京彭德門大街
同	上	龔煥金	二十三	四川	江津縣 現住本公司
同	上	陳耀庭	四十五	同	上同

明

說

同

上胡寅安

三十二

四川隆昌縣

現任高成鄉張良

同

上龔相又

二十二

四川江津縣

現任北京宣武門大街

同

上龔煥辰

三十六

四川江津縣

現任本公司

吉林巡按使公署飭 第千四百五號

為飭知事民國四年四月二十一日

山東巡按使公署皆聞桑查移災民赴黑龍江開
墾一案業將查文各整戶護照並准標識赴墾等文
咨送查也查桑所有核定各種整戶約在每月二十日前
由濟南津浦鐵路分作五起節續運赴江省辦
於天津山海關等天長春哈爾濱及處各派招待整民
食宿查各二人前赴等備一切除擇定啟程日期外電

道至不察外相及滙文會為此合造貴地揭使清煙
以希印結飭長委等處地方官暨該管警察署一體
知照俟東省揭符到境務須注意指導一切實細並
旋於二十六日接准甯國魯省赴江鄂民第一起一萬九
九人二十五日由濟上車乞電附路及蘇署一體保護
為感等因准此除分行外合亟飭仰該道戶立即遵
以上各節漢江及鄂警察署查照妥為指導保護切
此令

吉林巡按使孟憲彝

右飭濱江道尹唯此

吉林巡按使公署飭 第 五 卅 號

為飭知事案准

農工商部咨開查林木一項關係各種工程用品並足隱
消水旱災情亟應多為播殖去年春間本部曾於京西
一帶荒山栽植洋槐苗木四十餘萬株今仍繼續進行本總
長當於本月六日親往視察手植一株並飭部員各自栽
種以為鼓勵勸導之舉因思各省林業同待振興前經本
部檢送樹種分咨飭屬勸種尤賴賢長官躬為提倡

藉廣十年樹木之謀相應咨請於省方問俗之餘因使擇
地手植良^材樹請飭屬推行以樹風聲而資興起是所至盼
等因准此查提倡^木森林實為今務之急吉省地多山荒栽植
尤易各縣知事如能悉心計畫效果不難立見准咨前因
除躬親提倡暨分行外合亟飭仰該道尹即便遵照廣為
勸種飭屬提倡此飭

吉林巡按使孟憲彝

右飭濱江道尹准此

逕啓者頃接

四
五
初

山東巡按使電開吉林孟巡按使鑒魯省赴江墾
民第二起二百五十四人四月二十九日由濟啓行乞
再電附路縣警為感儒楷印等因准此相應備函
佈達

台端查照即請轉行附路縣警一體保護為要
此致

濱江道李道尹鑒

吉林巡按使公署啓

四月廿九日

選啟者頃准

山東巡按使蔡雷開魯墾民第三起二百八十一人五月二日由濟行乞仍電飭保護為感東印等因准此除分函通知外仍希

貴處飭警妥為保護是要此致

濱江道道尹

吉林巡按使公署啟

五月二日

遷啟者頃准

四
五
六

山東巡按使雷開魯鑿民第四起三百八十八五
月五日由濟開車乞再通電保護為感等因准此
除分函外合即函致

貴處即便飭警照前保護為要此致

濱江道道尹

吉林巡按使公署啟

五月五日

吉林濱江道尹兼哈爾濱交涉員李

鐵路交涉局總辦

五月二十日

日

案由批同查知設之鑿植有限公司請轉詳由

詳表呈章程概算等項均業經呈准全融日促生計日報
惟開闢地利從之鑿植為天然利茲據詳請克生等
發起設之鑿植有限公司請核章程為屬周妥頓首
乞上世詳由查准轉詳咨部之案仰廉奉到批示

文部省
文部省
文部省

中華民國四年五月

尹字第

號

號

五月

十一

日發

王
王
王

為詳復事案查前奉

鈞署茅千四九五號飭開民國四年四月二十一日准

以東巡按使公署咨開云云妥為指導保護等因奉此遵即
轉飭侯江縣遵照在案嗣又迭奉

鈞署示因前因小姓道尹轉行南路各縣暨各分局飭警保護

查此項墾民於本月初九日有三百餘名到哈初十日由

通河縣知事高登甲議定半價乘之江輪船乘之共

一百四十五名其餘二百四十餘名由

待身中
六

車匠往江省以有匠飭照料墾民過境

由理各具大詳

鉤署鑒核謹詳
吉林巡按使孟

詳為安達縣踏定牧場地，點請飭局轉行大撥事，竊道尹自到任後，即注重興辦實業，曾通飭所屬籌擬辦法，旋於上年十二月間，據代理安達縣知事趙佩光詳稱：知事體察民力所能及，擇一適宜辦法，莫若從牧養入手。業經集紳會議，僉稱本縣荒曠草料滋多，以廢棄之荒甸作豢養之場合，所費無多，獲利甚巨。情願首先提倡，惟現當風雪載道，牧養地點，碍難踏定。請俟冰春清丈到段後，照辦等情。當經批飭侯春融，即應踏擇，並切實興辦。妥擬章程等因。在案。茲復據該知事覆稱：現據各紳等踏

得城西二十五里戚家店西南有不可墾草甸數井留作牧場
最為相宜惟其中有無領戶包套在內未經清丈無從查悉仍
須丈到該段查無膠轕方可酌留數井用作牧場請轉詳

巡按使飭知清丈總局轉飭安達清丈分局查無包套即行丈
撥並免收荒價等情前來查籌辦實業為近今刻不容緩之圖
而牧養一端尤為江省最溥之利細審蒙荒一帶民間牧羊數
隻牧牛數頭不數年而孳生繁衍獲利甚厚其成效已可概見
况安達素多草甸天然畜牧之區既能由紳戶籌集資本開辦

牧場再參以養新法以防疫病流行收效必較他種實業為
速自應准照辦理以資提倡惟集股籌辦牧場本係營業性質
雖據該縣詳請免收荒價所有丈撥草甸值價若干仍應列作
官股以昭公允除批示該縣查照妥擬章程詳候察核外理合
備文詳請

鑒核飭局查照施行謹詳

巡按使朱

龍江道道尹何煜



如詳照准候飭清文兼招墾總局遵照辦理此批
為飭知事據龍江道尹詳稱為安達縣踴定牧場
地點請飭局轉行文撥事云云詳請鑒核飭局查
照施行等情據此除批准照辦外合亟飭仰該
局遵照辦理此飭

巡按使

在飭清文兼招墾總局此准

詳為轉報綏楞設治員規畫設治一切情形請准予備案事案查綏楞設治一案前經荐委上集廠絲佐徐國順充任已奉批運委並刊發關防各在案茲據該設治員覆稱遵於四月十一日即由絲佐改組任事並籌備設治一切應行手續當將奉文實行設治日期詳報在案伏查上集廠係綏化縣東北門戶地多荒曠近山林民風犷悍難化盜匪出沒無常茲蒙詳准設治以期鎮撫仰見因地制宜行圖治之至意設治員奉文之次悉心計畫遵查綏化縣知事常蔭走上年詳請上集設治文內附送地圖劃分疆域說明東臨慶城西

接海倫北連大青山南至太和堂劉順金店應即先行查照管轄一
俟冰融水消再行會勘挖立封堆以作標準而清界限計南北長一
百里東西寬約十里不等總計面積約有七千方里除未墾生荒七

縣
界
圖

八萬胸間有已墾熟地四萬六十餘胸按現定章每胸徵收租賦三
角五分折合市行歲入可得錢二十八萬九千餘吊此係隨徵隨解
之款擬於四年度開徵以昭整齊惟查附加學警民團自治各經費
胸捐歲入可得錢十六萬八千吊又稅局代收關於學警各費如糧
捐車捐旅店木炭等捐按照該局預算歲入可得錢十三萬五千餘

吊合而計之歲入捐經費錢三十萬零三千餘吊除設治局經費及經徵經費監獄司法等經費自四年度按月請由首庫支領不計外所有常年應需學警歲出經費即以歲入附加捐經費等款通融支配並請准予儘數歸於學警兩項實用實銷且量入為出前經綏化縣設立上集城內初等小學兩班女子小學校兩處鄉村小學校兩處茲當設治伊始學務一項實為切要之圖擬在城內添設高等一班通俗教育社一處俾教育普及並擬即附設勸學所設置勸學員長學視學等員用期漸次整頓此項人員均有應行添設之必

行添設之必

要縱限於經費酌減開支歲出經費亦應需錢九萬六千一百二十餘吊下餘之款不過二十萬零六千八百餘吊按屬境地方幅曠遼濶控制維艱惟有計餉募兵以謀保衛查警察一項前經綏化縣派駐上集城鄉派出所計共六處加以守衛隊統計馬警一百七十二名應需餉項挹彼注茲或可支持今既分治警款益形不敷不得不畧與裁減俾免虧累以俟將來招墾招商人烟輻輳附加經費充足再當隨時推廣學校添募警兵以及應辦新政同時併舉俾得日起有功茲擬先行遵章附設警察所暨設置警佐并學習警佐等員藉

資襄助以便積極進行至各派出所除公雞林子一處查與陸軍馬

連駐防較近擬咨請移駐一牌以資防守即將該處派出所裁去以

節餉項此外山林警察原不在常警款內容再另議辦法惟原有派

出所地點如農業公司雙泉鎮正白旗頭井三井等處警所照舊分

駐警兵概行的減並守衛隊統共練馬警一百名步警二十名連同

警佐巡官雇員夫役人等薪餉及公費歲出計二十五萬三千四百

七十吊核之歲入仍不敷錢四萬六千餘吊查核警兵裁無可裁而

經費亦減無可減其不敷之款只可再為設法籌補除將各項歲入

歲出經費分別列表追加預算另文詳請核轉以符審計惟查設治局開辦經費暨籌備兩月開支尚無規定明知庫款支絀何敢再四請求祇有自行捐備然辦公房屋原係縣佐署改組固當因陋就簡設治員遇事求實向不敢稍涉鋪張惟監織重要不能不先行籌備以昭慎重擬蓋堅固草房五間並添蓋徵收租賦室警察勸學辦公室共十間雖則必需之事而必需之款仍屬無著擬就地商諸商務會報効捐修如能辦到再行詳請鑒核所存案據進行各緣由是否有當理合具文詳請道尹鑒核轉詳並批示施行等情據此查

該員規畫設治一切情形似可准行惟劃分行政區域圖關係報部
自應仍由該員另行繪送以憑核入彙案一併轉詳除批示外理合

轉報

巡按使鑒核先予備案謹詳

黑龍江巡按使朱

綏蘭道尹于印



為詳請事竊查縣治南門外距松花江沿七十餘丈除留公地二十餘丈外舊有街基一條東西六百餘丈南北四十丈係前清三姓旗署出放商民修蓋房屋均係南面大江街基之南尚有沿岸官地十餘丈岸如壁立土質多沙性最鬆散一經風浪衝激或江水暴漲急流冲刷坍塌甚易此次^{知事}蒞通親往查看較三年前坍塌二三丈不等若不設築壩隄防誠恐年久日深商民受害第此項工程需款頗鉅公家財絀既不敢聲請籌撥而地方連年災歉商民亦無力

創修再四籌維惟有就沿岸官地招商承領由領戶按照
丈尺打樁築壩保固岸根一面修蓋市房與舊有民房成
一對面街市街心留東西官道一條寬五丈分留道口五處各
修碼頭以備上下船路凡估戶先行修壩密釘木樁橫排木
板內墊粘土石沙靠外再釘斜樁一層貼板墊土栽種柳條
以緩水力修成之後始准建房由縣署發給執照不收領價
酌定年租每方丈年租五角撥充縣屬學務經費官道口
堤壩碼頭需款另籌措出如此則岸根可免坍塌商市可

以振興縣屬學費亦得永久之收入於商務學務兩有裨益
是否可行除分詳綏蘭道尹外為此繪圖具說詳請
鑒核示遵施行謹詳

黑龍江巡按使公署

計詳送圖說一紙

代理通河縣知事高登甲



中華



民國四年
月十六日

詳為陳請核轉事民國四年三月八日奉

鈞戶第三百四十五號批本縣詳為前據士民王子斌等
稟請設立志城墾植有限公司檢同規則請鑒核轉詳並
乞批示祇遵由蒙批據總字第三十八號詳送志城墾植
無限公司規則請鑒核轉詳等情查公司條例祇有代表
及經理之名稱而選任代表或經理人又須全體股東過
半數取決該公司既以王子斌為總經理或將張光遠為
副經理較為合宜並應取其全體股東議決書經理籍貫

住址荒地均數營業概算均應聲叙具案其規則第八條
核與公司條例第二十九條之規定不符規則第二十二
條核與公司條例第四十二及四十四兩條之規定不符
仰該知事轉飭按照以上所指各節分別更正並取其全體
股東選任經理議決書開具營業概算書一併詳送來署
以憑核轉此批規則暫存等因奉此當經錄批轉飭更正
去後茲據該經理王子斌等稟稱竊民等遵照指飭各節
分別更正查本公司購買荒地坐落同濟縣屬葦沙河周

家營並部利七道河子大肚川亮珠河六段共計地七
千均嗣後擴充再行續報業已列入規則第五條並營
業概算書第一年支項購地費欄內其餘一切詳細辦
法亦均列入規則及書表各件以內以昭核實並具更
正規則全體股東選任經理議決書經理籍貫表營業
概算書及股東名簿各四份暨之分別存轉再前詳規
則內舉有董事六人本應遵照公司條例改稱代表惟
近因吉林公報登載

憲飭所有遺派官員不准擅用代表字樣是以祇有舉
定總副經理二人以總其成至前舉董事六人擬仍暫
為理事協助總副總理辦理墾務事宜一俟批准註冊
後指定名稱再將該六人籍貫住址列表補報合併聲
明謹稟等情前來據此知事覆核無異除將送到規則
書表各件各留一份備案並批候轉詳核示再行飭知
外理合檢同規則及書表等件具文詳
鈞尹鑒核俯賜轉詳並乞批示祇遵
為公便謹詳

吉林濱江道道尹公署

計詳送

更正規則三份

議決書三份

經理籍費表三份

營業概算書三份

股東名籍簿三份

縣知事張允升



規則

謹將墾殖公司理由辦法列左

(甲)理由

衆擎則易舉獨立則難成此理之固然者民等此次購荒六段俱係樹川挨界東北及東南處森林綿亙數百里盜賊時起近雖稍靖然零星佃戶不敢驟入是以民等集股合買即集股合墾公同贊成設立墾殖公司以期合併多數之人力財力組織墾地殖民一致進行况既經立案得蒙軍隊隨地保護庶一切各股東扶老攜幼踴躍而來兼以僱工

招佃團聚一方出入相友守望相助不數年墾成熟地裕國家之課賦
便人民之生計以副移民實邊之至意由是依漸擴充將墾成熟地者
尤不止此六段矣此為設立公司之理由特舉其要

(乙)辦法

既立公司所有一切開辦方法係徵求公眾意見斟酌盡善其入手次
第推行方法均照以下所擬各條件經公同表決以便實行

第一條 本公司取眾志成城之意定名曰志城墾殖股分無限公司

第二條 集股戶數共計一百二十戶均係業農通力合作以速墾成

熱移植人民為宗旨

第三條 本公司設在葦沙河站買到房屋一所

第四條 墾地時傭工佃戶各房屋隨地修築

第五條 本公司購買荒地坐落葦沙河周家營五部利七道河子大肚

川亮珠河六段共計七千垧嗣後擴充再行續報

第六條 本公司基本金合原買荒價及籌集開墾費預定共籌洋五萬元為度以小洋銀為本位按股籌備每小股籌洋一百元五小股為一大股籌洋五百元現已實收小洋銀二萬五千元作定小股二百五十個嗣後應籌

墾費若干固屬無限按原定各股均攤並由本公司開創發起人中公舉
總副經理各一人簽字發行股票

第七條 股票發行之後無論待至何年月日更換片舉他人為總副經理仍
得擔任原發股票之責

第八條 股東非經他股東全體允許不得以自己股分之全數或若干轉
讓於他人

第九條 本公司總副經理各一人以總其成復公推理事人六名協理墾務
俱義務職惟川資膳費出自公司此外無論何人到來酌一公平膳費
着其如數清交不得拖欠

第十條 選舉經理諸人須由各股東當選不得濫舉他人

第十一條 本公司以五年為一期各股所出壘費倘不足五年開壘之用公議加增各股東不得推諉

第十二條 本公司應行組織要件須開股東會議其大股東有發言權及表決權小股東有發言權無表決權以維持秩序

第十三條 總副經理必須常駐公司以便總理一切而免曠廢其一已有何事宜應行輪流替換倘一時俱有特別要務勢逼他往應於期前者

請理事人某代理

第十四條 總副經理以五年為一期倘未滿期而辦理不善者應由各股

東另舉接辦

第十五條 總副經理未滿期時不得無故自行謝絕辭歸以專責成

第十六條 總副經理於五年期滿辦有成效應由公司持平議定酌予

酬勞金

第十七條 總副經理於五年期滿後另行推舉其勝任者仍許連次

被舉

第十八條 本公司理事人六名每年每人各來公司一次按春秋兩季每

李同來三人輪流前來理事往返以兩個月或三個月為限

第十九條 本公司設立於民國三年十二月一號開創

第二十條 開墾之事歸公司主辦各股東俱宜協力齊助僱工招佃設身處地極力張羅以期五年荒地俱成熟田

第二十一條 理事人有調理一切人位等事之權有要件得通過總副經理施行方為有效

第二十二條 買契及隨帶印照俱由公司收存股東遇有不得已之事故亦得商請隨時退股其有違背公司條例第四十四條所列執行業務或

代理公司時確有不正之行為者非執行業務之股東干預公司業務濫用公司牌記圖記銀錢貨物者不盡重要之義務各款者由其餘股東之同意通知以除其名

第二十三條 每年每股應備壅費若干由公司期前刷印公啟通知各股東將錢備妥俱交理事人設法會帶限一個月內繳齊

第二十四條 各股東交納壅費時倘逾限半月加息若干逾限一月加息若干逾限兩月後即由原股票作扣

第二十五條 各股東倘有培植力絀可將股票照時價轉賣若股東內

有欲買者仍不許他人參入買權

第二十六條 本公司所發股票無論何人轉買仍須按照公司定章隨時續備認費不得特別要求另行更張

第二十七條 本公司不收外洋股分不准股東轉售股票於外人或者暗參股資一經查明作為無效

第二十八條 本公司所發出股票倘有丟失速報公司總副經理查明限三個月後准覓妥實確保另行補給新股票

第二十九條 股東自行丟失股票或被他人拾去復行轉賣中外人經本公

司查明無論何時立即作廢

第三十條 本公司概不准擔負作保

第三十一條 本公司倘有交操作事用保仍得總副經理認可方為有

效

第三十二條 本公司之股票不准抵押外債

第三十三條 各股東若有遷居該地及自僱傭工來墾者借墊納租宜照公司規則與外戶一律不得稍有偏袒

第三十四條 凡招佃戶應墊給墾費若干元至何年納租以及所僱傭工辛

金若干俱由公司隨時酌定

第三十五條 段內街基已築之房每年所得租錢俱作墾費俟五年期滿地已成熟而款尚有餘按股均分或仍合夥生財臨時核計

第三十六條 每年開墾難易情形墾地若干需費若干獲利若干一切收入支出決算清楚由公司刷印公啟報告一次俾各股東週知以昭信用

第三十七條 本公司通信處奉天莊河縣永盛福為地點

第三十八條 今歲所得租糧擇價出售除當年辛火一切應支外儲作來年墾費五年內各股東概不得浮挪動用以期的款充實勢力擴張備五

年墾費之需

第三十九條 每年冬季由公司預定日期先日函知各股東至期俱來
公司會議來年辦法川資膳費概由自備其或有特別事項不得親來者
准其來函及倩人代理

第四十條 五年期滿各股東無論有何事項俱宜齊來公司會議一切
進行辦法概不得倩人代理

第四十一條 股東開會之日即是交替之期倘在期內有何弊端經股東

查出公議按理擬罰

第四十二條 本公司刻志城墾殖公司圖章一方以昭信守

第四十三條 照各條推行或有阻碍應行改革或有遺漏應行增加須隨時會議變通辦理以期組織完善不得拘泥舊轍致碍進行

發起人

王子斌

總經理

張光遠

副經理

崔達九

張日亭

王德三

劉冠三

許齊忱

曲甲三

王俊卿
姚俊德
于殿臣
曲雲生
孫潤鳳
于錦堂
于世五
黃恩魯
王竹亭
張利言
王廷瑞
王禹慶

田儉堂
宋子和
潘酉山
戰壽山
張宗山
任義庭
王威周
范聖魁
李德山
張子恕
林子楨
宋樹堂

慕慎修
張靜安
于文溥
景有化
殷郁忱
梁樂亭
華餘九

議決書

議決選任經理事謹按股東等購得同賓縣境內荒地擬請設立志城墾殖無限公司查照公司條例應舉總副經理遵即於民國三年十一月十五日由奉天莊河縣假定會場先日招集各股東就近到場開創立會議修訂規則至期全體到會推舉王子斌為總經理張光遠為副經理俱經全體表決謹請

公佈施行

股東 王子斌

張光遠

崔遠九

張日亭和 王德三 劉冠三魁

許慶忱虎 曲甲三魁 王俊卿十

姚俊德押 于殿臣十 曲雲生十

孫潤鳳十 于錦堂押 于世五押

馬子生十 黃恩普十 王竹亭十

張利言和 王延瑞押 王禹慶十

田儉堂押 張宗三川 潘西山十

戰壽山入 范聖魁切 王紹文十

王威周川 林子植本 任義庭十

張子恕強 張靜安押 李德山切

慕慎修十 殷郁忱入 宋樹堂十

景有化入 寇吉臣十 于文薄志

華餘九立 李彩亭利 梁樂亭應

單瑞卿漢 于清泉仍 于殿相押

曲振仁十 宋子和十 曲振吉押

曲振邦 王仁堂 曲振山

王北 王平 辛鑑 底

董克 拜 樂永喜 錢子萬

林 富 鄭協卓 馬寶忠

宋汝亭 董成芳 郭正君

閻麟閣 趙中福 辛殿寬

周子君 王德潤 劉顯文

張吉恩 張富堂 田介臣

彭雲五 劉化均 馬金山

孫永福 崔銘聖 楊夢九

徐文盛 遲仁山 馬曉峰

尹永武 盧子白 于天和

吳殿 周天修 張景明

民國三年十一月十五日

張景春十張景旭十張景昶十
張昆賢十呂子盛押王延珍十
王延珠壓王延琳十王鳳運十
時伊齊十董玉順十蕭國義十
蕭雲崇十劉星五十宋富華十
潘曰春十潘曰榮回潘玉田十
咸希福十于玢子宋天英五
宋天芝文張雨亭宮張景文考
張景宸初張景廷以張景福去
萬河川執張景祚多宋邦麟可
鄧樾棠十于文仲河于文彩河

同賓縣志城墾殖股分無限公司經理籍貫表

職 別 姓 名 年 歲 籍 貫 住 址

總經理 王子斌 五十三 奉天莊河縣城西王家染房
副經理 張光遠 四十八 奉天莊河縣城西張家屯

明 說

營業概算書

志城墾殖股分有限公司營業概算書

年度別 款目數目 以洋計備

考

第一進股 款二萬五千元 共二百五十股每股百元業已如數繳齊至每年墾費按股另籌不在此內

一項墾 費五千元 每股二十元共籌此數按每年議備墾費若干周屬無限但定照荒地均數統計五年期內俱墾成熟預算每年每股應籌二十元至每年每股共籌百元

購地費二萬三千元 葦沙河周家營並郭利七道河子大肚川亮珠河地六股計七十均地價及稅契費在內

開辦費五百元 辦事人一概川資雜費以及公司買房舖墊等項

附設 商舖資本一千五百元 於葦站公司附設雜貨舖陸陸個戶川資籽使食糧船隻農器各借冬運毫不取利外其他個戶有他項應用物品均為籌備辦理兩行救他舖價廉祇以所獲利息抵足舖內用人及雜項為定此為初設資本數

辦公費五百元 經理及理事人川資雜費以及辦公用人等費

民國三年十二月二十四日

年
十項

僱工費 五百元 房并碾磨以及日用木器等必需之工程專僱常年傭工之勞金

月
底

借墊費 四千元

墊給佃戶川資籽種食糧等春借冬還所開地至第四年秋後納租以後按年類推平均每人墊洋十元此一年內抬携眷與不携眷戶共四百人內有開地肚丁二百人共能開地四百垧

第 進 墾 費 五千元 二百五十股每股仍籌二十元

二 租錢收入 一百元 亞部利站地段內街基經各商舖已築之房每年抽收地皮租錢

年 項 收 借墊費 四千元 第一年借給佃戶之款春借冬還應收回原數

四 年 支 辦公費 五百元 經理及理事人辦公等費

至 僱工費 六百元 佃戶若自行蓋房另有規定至期作價辦法故佃戶每年加倍而傭工無須多加

五 年 項 借墊費 八千元

第一年各戶仍種其已墾之地自有儲蓄無須再事借墊此年新招佃戶照借墊費數目每垧平均仍以十元計約開新荒八百垧

第 壑 費 五 千 元 每 股 仍 籌 二 十 元

三 進 租 錢 收 入 一 百 元 街 基 地 皮 租 錢

年 項 借 墊 費 八 千 元 第 二 年 借 出 之 數

五 年 支 辦 公 費 五 百 元 經 理 及 理 事 人 辦 公 等 費

至 年 支 僱 工 費 六 百 元 常 年 傭 工 之 勞 金

六 項 借 墊 費 一 萬 二 千 元 第 二 年 各 戶 種 其 已 壑 之 熟 地 未 至 納 租 之 期 此 一 年 內 僅 借 墊 費 新 招 佃 戶 約 開 新 荒 一 千 二 百 畝

第 壑 費 五 千 元 每 股 仍 籌 二 十 元

四 進 租 錢 收 入 一 百 元 街 基 地 皮 租 錢

年 項 借 墊 費 一 萬 二 千 元 第 三 年 借 出 之 數



六 年支 辦公費 五百元 經理及理事人辦公等費

至 傭工費 六百元 常年傭工之勞金

七 年支

借墊費一萬六千元 以上三年各戶種其已墾之熟地仍未至納租之期此一年儘借墊費新招佃戶約開新荒千六百垧

第 墾 費 五千元 每股仍籌二十元

進

五 項 租錢收入 四千九百元 第一年所開地四百垧已至納租之期每垧納租二石共收租八百石每石以六元計合洋四千八百元加以街基租百元共此數

年 收 借墊費一萬六千元 第四年借出之數

七 年支 辦公費 五百元 經理及理事人辦公等費

至 傭工費 八百元 常年傭工之勞金

八 年支

借墊費一萬零壹元 除以上四年已墾地不計外儘此費約開新荒二千四百六十垧

附 以上五年合計開地六千四百六十垧至進項支項依次增加類推每年出入相抵惟至第五年冬季期滿其第一第二兩年所開地千二百垧俱至納租之期每垧二石當收租二十四石每石以六元計當共銀一萬四千四百元加以收回借費二萬四千六百元合共三萬九千元之收入以後如何進行依股東之議決以為斷

同濟縣志城墾再會全體

股東姓名籍貫股本簿

姓	名	年	歲	籍	貫	任	址	股	款	股	數
王	子	斌	五	十	三	奉天莊河縣	王家梁房	五	百	元	五
張	光	遠	四	十	八	奉天莊河縣	張家屯	五	百	元	五
崔	達	九	五	十	六	奉天莊河縣	崔家屯	五	百	元	五
張	日	亭	三	十	六	奉天莊河縣	張家屯	二	百	元	二
王	德	三	十	五	奉天莊河縣	吳家屯	三	百	元	三	

劉冠	三四	十二	奉天莊河縣	劉家店	二百元	二
許廣忱	四十一	一	奉天莊河縣	木耳山	二百元	二
曲甲	三十三	九	奉天莊河縣	楊樹房	四百元	四
王俊卿	三十七	七	奉天莊河縣	現移舊賓蓋	二百元	二
姚峻德	四十二	二	奉天莊河縣	大孤山	二百元	二
于殿臣	五十五	五	奉天莊河縣	梁家屯	二百元	二
曲雲生	五十六	六	奉天莊河縣	三家子屯	二百元	二
孫潤鳳	四十三	三	奉天復縣	梁家溝	二百元	二
于錦堂	四十五	五	奉天岫巖縣	集市屯	二百元	二
于世	五十七	七	奉天莊河縣	大派山	三百元	三
黃恩普	四十五	五	奉天鳳城縣	黃土坎	二百元	二
王竹亭	三十七	七	奉天莊河縣	萬家屯	三百元	三
張利言	三十三	三	直隸寧津縣	城西東自莊	二百元	二

王廷瑞	三十二	奉天莊河縣王家屯	二百元	二
王禹慶	四十八	奉天莊河縣前炮台子	一百元	一
田儉堂	二十二	奉天莊河縣田家屯	七百元	七
宋子和	四十三	奉天莊河縣宋家派子屯	二百元	二
潘酉山	二十九	奉天莊河縣羊拉山子屯	三百元	三
戰壽山	三	山東蓬萊縣長山島	二百元	二
張宗三	三	十奉天莊河縣張家屯	二百元	二
任義庭	四十一	山東掖縣	三百元	三
王盛周	四十五	山東寧海縣養馬島	五百元	五
范聖魁	四	山東蓬萊縣長山島	一百元	一
李德山	三十一	奉天莊河縣石城島	一百元	一
張子恕	三	山東蓬萊縣	一百元	一
林子楨	四十四	山東蓬萊縣長山島	一百元	一

姓	名	年	歲籍	貫住	址	股	款	股	數
宋	樹堂	四	十	奉天莊河縣	石城島	一	百	元	一
慕	慎修	三	十	九	山東蓬萊縣	長山島	一	千	十
張	靜安	四	十	一	直隸樂亭縣		一	百	一
于	文溥	三	十	八	奉天莊河縣	姜家屯	二	百	二
景	有化	三	十	九	奉天莊河縣	大孤山	二	百	二
殷	郁忱	四	十	奉	天莊河縣	大孤山	二	百	二
梁	樂亭	四	十	二	山東蓬萊縣	長山島	二	百	二
華	餘九	四	十	一	奉天莊河縣	大孤山	二	百	二
寇	吉臣	三	十	二	奉天莊河縣	青堆子	一	百	一
于	殿相	四	十	一	奉天莊河縣	梁家屯	一	百	一
單	瑞卿	三	十	四	奉天莊河縣	單家屯	二	百	二
李	彩亭	四	十	出	東蓬萊縣	朱潘疇	二	百	二

曲振吉	三	十奉天莊河縣孔家店	二百元	二
曲振仁	三	十二奉天莊河縣鑄子爐屯	二百元	二
于清泉	四	十五奉天莊河縣大孤山	一百元	一
王紹文	六	十五奉天莊河縣萬家屯	三百元	三
曲振邦	三	十一奉天莊河縣楊樹房屯	四百元	四
王仁堂	三	十二奉天莊河縣石城島	一百元	一
曲振山	三	十三奉天莊河縣三家子屯	二百元	二
王兆升	五	十四奉天莊河縣王家染房	二百元	二
王甲章	二	十一奉天莊河縣王家染房	一百元	一
辛鑑庭	二	十九山東蓬萊縣城裏	二百元	二
董克邦	五	十五奉天莊河縣前炮台子	二百元	二
樂永喜	三	十六奉天莊河縣大孤山	一百元	一
錢子萬	四	十一奉天莊河縣錢家屯	二百元	二

姓	名	年	歲籍	貫住	址股	款股	數
林	富	五	十五	奉天莊河縣東	島子	一百元	一
鄭	協卓	六	十	奉天莊河縣	岡子	一百元	一
馬	寶忠	四	十一	奉天莊河縣	馬家粉房	一百元	一
宋	汝亭	三	十三	山東	文登縣	一百元	一
董	成芳	三	十一	奉天莊河縣	前炮台子	二百元	二
郭	正君	二	十八	奉天西安縣	遼河源	一百元	一
閻	麟	閻	四十五	直隸樂亭縣		二百元	二
趙	中福	三	十八	奉天莊河縣	趙家屯	一百元	一
辛	殿寬	四	十三	奉天莊河縣	樓上屯	一百元	一
周	子君	二	十五	奉天莊河縣	青堆子	二百元	二
王	德潤	三	十八	奉天莊河縣	王家嵐子	一百元	一
劉	顯文	五	十	奉天莊河縣	萬家屯	一百元	一

張吉恩	二十四	奉天莊河縣	梁家屯	一百元	一
張富堂	五十一	奉天莊河縣	梁家屯	一百元	一
田介臣	四十二	奉天西豐縣	大青陽屯	六百元	六
彭雲	五十三	奉天莊河縣	移住同賓書莊	一百元	一
劉化均	五十六	奉天莊河縣	劉家屯	四百元	四
馮金山	二十五	奉天莊河縣	楊樹房屯	一百元	一
孫永富	五十四	奉天莊河縣	張家莊	一百元	一
崔銘聖	二十八	奉天莊河縣	大崔家屯	四百元	四
楊夢九	三十五	奉天莊河縣	夾道子屯	二百元	二
徐文盛	三十一	奉天莊河縣	徐家崗屯	一百元	一
遲仁山	二十三	奉天莊河縣	大孤山	二百元	二
馮曉峰	四十四	奉天莊河縣	本街	二百元	二
尹永武	四十五	奉天莊河縣	理移倚靈書莊	一百元	一

姓	名	年	歲籍	貫住	址股	百	元	款股	數
盧	子白	四十五	山東蓬萊縣長	山島	一百元	一百元	一百元	一	一
于	天和	四十五	奉天莊河縣	楊樹房屯	一百元	一百元	一百元	一	一
吳	殿	四十五	奉天西安縣	崔家窩鋪	一百元	一百元	一百元	一	一
周	文修	二十五	奉天鐵嶺縣	東拉河子	一百元	一百元	一百元	一	一
張	景明	四十五	奉天莊河縣	張家屯	一百元	一百元	一百元	一	一
張	景春	四十三	奉天莊河縣	張家屯	一百元	一百元	一百元	一	一
張	景旭	四十八	奉天莊河縣	張家屯	一百元	一百元	一百元	一	一
張	景昶	三十八	奉天莊河縣	張家屯	一百元	一百元	一百元	一	一
張	昆賢	二十四	奉天莊河縣	張家屯	一百元	一百元	一百元	一	一
呂	子盛	三十五	奉天莊河縣	王家島	一百元	一百元	一百元	一	一
王	廷珍	四十四	奉天莊河縣	王家屯	一百元	一百元	一百元	一	一
王	廷珠	二十八	奉天莊河縣	王家屯	一百元	一百元	一百元	一	一
王	廷琳	二十五	奉天莊河縣	王家屯	一百元	一百元	一百元	一	一

于	盛希福	潘玉田	潘日榮	潘日春	宋福華	劉景五	馬子生	蕭雲崇	蕭國義	董玉順	時伊齋	王鳳運
圻	五	三	五	五	三	五	四	五	四	五	六	六
六	十	十	十	十	十	十	十	十	十	十	十	十
	奉天莊河縣	奉天莊河縣	奉天莊河縣	奉天莊河縣	奉天莊河縣	奉天莊河縣	奉天莊河縣	奉天莊河縣	奉天莊河縣	奉天莊河縣	山東文登縣	奉天莊河縣
	于家屯	于家屯	半拉山子屯	半拉山子屯	半拉山子屯	台埠	馬家粉房	蕭家泊	蕭家泊	梁家屯		王家屯
	屯	屯	屯	屯	屯	屯	房	泊	泊	屯		屯
	一	一	二	二	一	一	一	一	一	一	一	一
	百	百	百	百	百	百	百	百	百	百	百	百
	元	元	元	元	元	元	元	元	元	元	元	元
	一	一	二	二	一	一	一	一	一	一	一	一

于文彬	于文仲	鄧樾棠	宋邦麟	萬河川	張景祚	張景福	張景廷	張景宸	張景文	張雨亭	宋天芝	宋天英
二	二	四	三	四	三	四	三	二	三	五	二	二
	十	十	十	十	十	十	十	十	十	十	十	十
同	同	同	同	同	同	同	同	同	同	同	奉天莊河縣	奉天莊河縣
上姜家	上姜家	上姚家	上平房	上萬家莊	上張家	上張家	上張家	上張家	上吳家	上吳家	增屯	增屯
元	元	元	元	元	元	元	元	元	元	元	元	元
一百	一百	一百	一百	一千七百	一百	一百	一百	二百	一百	一百	一百	二百
元	元	元	元	元	元	元	元	元	元	元	元	元
一	二	一	一	十七	一	一	一	二	一	一	一	二

借 股東共二百十名所出股款共小洋二萬五千元現俱數齊作定二百五十股每年
應脩墾費若干按股均攤另籌不在此限簿內填註住址俱指各股東家
眷住所而言至直隸山東較遠之股東其個人均係於奉天莊河安
考 東等縣充有職務此公司遇有會議之事招集亦頗捷便

詳為呼蘭縣詳請劃留學田以便開墾而裕學款據情轉請
核示事案據呼蘭縣知事鍾毓詳稱案查本縣迭奉省飭趁
此清丈之時各縣均應劃留三千晌設法開墾以裕學款等
因當准第二清丈兼招墾局咨開呼蘭開闢最早并無大段
餘荒可以撥留隨即轉飭勸學所核議去後嗣據覆稱查呼
屬既無餘荒可撥宜由鄰縣劃留聞訥河拜泉兩縣南段丈
出餘荒甚多如就該處劃留呼蘭學田地既膏腴距離較近

從事開墾亦殊便於經理等情由縣詳請到道當查該縣既無餘荒可作學田擬由鄰縣劃撥自與省訂劃留學田辦法十條內第三條所規定相符惟劃留學田務須在本縣附近地方始易經理該縣所指之餘荒係在訥拜兩縣南段之某處相距呼蘭縣城寔有若干里是否果於經理無所障礙並該段餘荒能否足敷學田三千畝之數以及該縣附近之鄰境尚有無適宜地段可以指撥飭行查復去後茲據覆稱呼蘭附近各縣開闢均已百年並無大段間荒可以指撥惟聞

詢河南段僚克音設治局屬以及烏爾爾河以北三站一帶
餘荒及撒佃之地甚多如清丈局力予維持學務一處即不
足學田三千晌之數而就大段荒田指一處或二處湊集之
當無不敷之理至該二處距離呼蘭均四五百里不等雖云
道路窳遠不易經理然近處蕪荒自必惟遠是求較之龍江
縣學田之在訥河女子教養院新購地之在拜泉均以近處
無荒而推及於遠呼蘭情形相同應請准在該處劃留屆時
本縣或派人前往開墾或託殷實大戶有荒在該處者代為

經營似亦無甚妨碍等情查覆前來查該縣近處無荒惟遠
是求自屬出於不得已據稱屆時經營無甚妨碍所請擬在
酌拜兩縣劃撥該縣學田之處似亦可行據詳前情除批候
詳奉

鈞示再行飭遵外理合詳請

核示施行謹詳

黑龍江巡按使朱

綏蘭道尹于細興




詳志查該縣近處既無餘荒可作學田所請在訥拜西縣
劃撥該縣學田之處自應照准候飭清丈兼招墾總局轉飭
遵照此批

為飭知事案據綏蘭道尹詳稱詳為呼蘭縣詳請劃留學田

云詳請核示施行等情據此除批云此批等因即發外合飭該

總局轉飭遵照此飭





吉林巡按使公署飭 第二千八百五十九號

為飭事案准

農商部咨開本年六月二十六日承准政事堂第八十三號
交內閣國務卿面奉

大總統諭興辦森林為發展實業要圖外國人論森林缺乏
之國每引中國為例所有產料多由外輸遂致利權坐
溢沃壤就荒廣土眾民時虞艱困近日外國教習北黎
在南京紫荆山創辦林業救濟貧民甚眾成效已著饒

有云有外國人前往考察予昔時履河於芬門洹上三
間植樹不下十萬株該地人民至今利賴現在各省整
亟待擴充雖設有東三省林務局及試驗場等然皆由
實力舉辦用圖普及應先由各省地方官體察情形
酌土宜廣勸種樹以利推行俟造林獎勵規則及森
法施行細則核定頒布後再通行遵照辦理著委農商
部先分別轉行各省認真提倡切實籌議具奏等
因以交等因承准此查保育森林可資各種材料

兼增社會職業且為農田水利隱消災情於國計
民生關係至鉅現在森林法施行細則及造林獎
勵條例於六月三十日已奉

令公布自應切實遵辦除由本部籌擬辦法並分飭
外相應遵轉咨行飭屬認真提倡應先準備種
子養育苗木以便及時栽種並就地方情形妥
籌辦法報部查核等因准此除分行外合亟飭
仰該道尹即便遵照轉飭所屬認真提倡並先準

備種子養育苗木以便及時栽種並就地方情形
妥籌辦法彙案詳候覆奪以憑報部查核毋違此
吉林巡按使孟憲彝

右飭濱江道道尹准此

吉林巡按使公署飭

第_{二千七百卅一}號

為飭知事彙准

農商部咨開准浙江巡按公署咨陳內開懲損林業視為
當務之急查照森林法規規定團體人民請領官荒山地
造林之條通飭各縣查明官私所有山荒辨別土宜購辦
樹秧或親自造林或勸諭布種如係私有山畝經勸諭
而不允從者即先栽種以免荒廢其購買樹秧及
植經費就各縣縣稅一成準備金項下支銷奉飭以

圓為半至私有山畝由官稅糧管理之林地其成林後權
利之支配按照產主種戶四六或三七或對成分派辦法就各地
情形成數辦理除咨財政部外咨請查照備案等因到部
查各省林業亟待振興浙省能於各縣縣稅一成準備
全項下提出二百圓作為造林經費各該省情形相類似
可仿行此款所取費多而將來獲利至鉅惟造林應先預
苗若購办樹苗事雜而費鉅自應集合數縣或就原來
府屬區域由各縣採集款項設共同苗圃選購佳種養

育樹苗俟二三年後再移栽各縣底於土壤氣候可期適
宜且用費相同而獲苗較多似此辦理洵足以薄林利
而厚民生相應咨行查照酌核辦理可也等因准此查
浙江整頓林業法良意美自應做辦冀圖利源惟
各省情形不同措置互異吉省究應如何辦理應
由各該道尹斟酌著辦以期盡善除分行外合亟
飭仰該道尹即便查照酌核辦理具報候奪此飭

吉林巡按使孟憲彝

右飭濱江道道尹准此

詳為通河縣擬放縣城沿江街基辦法可否按照三等城基收價請核示事案奉

鈞署第三四四九號飭開據代理通河縣知事高登甲詳為擬放南門外未放街基一案除原文免敘外尾開查所擬辦法頗屬可行應准照辦除分飭外飭局遵照等因奉此查該縣原擬辦法係為便商興學起見自屬可行惟不收領價由縣署發給執照是與本局劃離將未通河分局圖冊自無此

項地基未免遺漏且民戶所有權亦未確定將流為官產處
分條例之承租一項辦法殊覺欠妥似應變通辦理按照清
丈規則三等城基每十丈方收價三角發給本局執照以固
定其所有權或慮人民交價不領為公家墊修不妨即由學所
具領領後招租以之補益學費自較該局請辦法為穩所擬
是否有當理合詳請

鑒核批示施行謹詳

巡按使公署

名譽局長金純德

名譽局長何煜

局長杜蔭田

名譽局長于駟興

名譽局長張壽增



據詳已悉仰候轉飭通河縣

縣原擬

照此批

為飭知事案查前據該縣詳稱擬放
縣城南門外沿江未放街基不收領
價酌定年租於充縣屬學務經費
等情當經轉飭清丈總局批平與一面遵照去
後茲據該局詳稱該縣原擬辦
法係為便商興起見自屬可行惟不

收領價由縣署發給執照是與本局

劃離將來通河分局無此項

地基未免湊云理合詳請鑒核等

情前來除批示外合飭該縣即便

在係為可料此係
通河山飭

巡按使

右飭通河縣准此

吉林巡按使公署飭 第二十九九七號

為飭知事案准

黑龍江巡按使公署咨開據綏蘭道道尹于駟興詳稱案據試署興隆鎮縣佐程汝霖詳稱本年七月一日據湖北難民領袖張士彬來署稟稱現率男女五十人逃難抵此要求放糧接濟並陳該省天門縣所發護照請予掛號鈐印以便帶赴鄉屯作為乞糧之証等情當查護照之上已經安達青岡拜泉三道鎮上集廠餘慶等處行政公署掛

蓋我自由各該處輾轉而來。雖係逐親赴該難民住店逐
一點驗實僅二十七人。問其與護照何以不符。則緝分途乞討尚未
到齊。惟已到者。率係年富力強。衣履完全。既無飢寒淒涼之色。
復鮮流離困苦之狀。以此為難民。則國中幾無人不難民矣。詳加
訪察。該民等實以逃難為營業。習染慣經。由來已久。成羣結
黨。到處滋事。茲即就江言。江該難民。每到一處。索錢索米。必
飽其慾壑。而始去。猶不如意。則紛呶叫噪。或關門而坐。臥或
圍聚而不散。名為乞討。實同強取。鄉民畏之如虎狼。如蛇蝎。地

方有司不為之取締禁阻反予以掛號蓋截俾其特作護符隄行
無阻流毒閩閩此真事之大惑不解者也縣佐一偏之見不但拒絕
掛號並督同巡警勒令即時出境不許在鎮逗留然此為一時治
標之策究非永久根本之圖因思本省現正注重實邊至於春間
委派多員分赴燕魯移民聚墾所費不貲是對於未來者尚設
法以招徠之安有對於已者轉置之不聞不問耶擬請通飭各屬
俟此等難民入境一律扣留一面請省署飭知清丈兼招垦總局
擇地安插如實係游手好閑不能耕種者即分別送入軍用

被服廠暨女子教養院嚴加拘束施以相當教育將來學成
一藝能自謀生則國家少一游惰惰之民即地方多一生利之人可否
之處除詳報知事外理合詳請鑒核等情據此查該縣佐持
論各節甚有見地所擬安插辦法不無可行如蒙採納伏乞由
鈞署分飭辦理一面再由道尹通飭所屬一體遵辦以維治安而免
游惰除詳批示並先行飭屬知照外理合詳請鑒核施行等情
據此查該縣佐所稱各節俱實情鄉民受其擾者不一而足除批
詳悉查此項鄂民每於夏秋間成羣結隊所經城鎮鄉屯到處

特強勒索形同無賴並非安分窮民該縣佐擬請擇地安插或分
別送入軍用被服廠暨女子教養院嚴加拘束施以教育不為無見
惟恐游惰性成未必有志學業嗣後各屬遇有此項鄂民到境
不准再予掛號發印以免特為護符應即派警按人詢問有願
耕種及學業者分別安置否則驅逐出境倘有恃眾恣擾情事
即行嚴拿辦以安閭閻仰候通飭遵照再查此項難民來自
湖北天門奉天吉林兩省為必經之地茲誤咨行湖北行政公署轉飭
天門縣取銷此項護照暨天吉林兩省公署飭屬一體查照辦理

可也此批等因印發暨分行外相應咨行查照轉飭施行等因
准此除分行外合亟飭行該道尹即便轉飭所屬查照辦理
此飭

吉林巡按使孟憲彝

右飭濱江道尹准此

吉林巡按使公署飭

第千零四十一號

為飭知事案准

農商部咨開本年六月二十五日承准政事堂轉交國務卿
面議

大總

統詢籌議森林保護等因封文到部當經遵飭轉咨行飭
承認真提倡在案茲由本部遵詢籌議森林保護並將
提倡造林情形繕具覆奏

批
令黑龍江擬責成各道尹及各農會分別籌設苗圃云云

處應准也。茲即由該部通行遵此。此等同在此相應未便
批令抄附原呈咨行查。只轉飭各道尹及各農會切實辦理。並
將辦理情形隨時詳請咨部查核。等因。准此。除分行外合
且仰該道尹即便遵辦。並轉飭所屬各農會切實著
務。隨時具報。以憑咨部查核。此飭。

附抄件

吉林巡按使孟憲彝

右飭濱江道尹准此

謹

呈為遵諭籌議森林採法并將本部提擬造林情

形恭呈仰祈

鈞鑒事本年六月八日承准政事堂片交在

大總統諭有人條陳中國河道氾濫宜亟疏通荒地

繁多宜亟種植各等語事閱疏河種樹疏河一

節分交內務部會同籌辦分着農商部趕速現

查辦行毋任荒廢不此是為至要原文摘鈔

閱者等因嗣於六月二十五日准政事堂片交奉
大總統諭興孫森亦為發展實業要圖外國人論森
林缺乏之國多引中國為例所有產料多由外輸
逆致利權坐溢沃壤就蕪廢土眾民時虞艱困近
日外國教習北黎在南京紫荊山創孫林業救濟
窮民甚眾成效已著皖省亦有外國人前往考察
予昔時養疴於蘇門恒上之間植樹不下數十萬
株汲地人民至今利賴現在各省林業亟待擴充雖

設有系三省林務局試驗場等茲皆應實力舉辦
用因普及應先由各省地方官體察情形斟酌土
宜及勸種樹以利推行俟達此獎勵規則及森林法
施行細則核定頒布後再通行並派理着交農商
部先分別轉行各省認真提倡切實籌議具復等
因封交各列部仰見

大總統獎勵興業提倡森林五至查我國林政失
修童山滿目亟應通盤籌畫普及造林一以備

社會材木之需一以爲國土保存之計惟森林
施業宜重試驗育苗植樹以示模範而利推行
本部於民國二年就本京天壇及西山先後設
五德分兩場合計圃地八百畝栽我塔樹種三
十餘類產出苗木二百五十餘萬株民國三年
在京西一帶火山植樹四十七萬餘株本年繼
續植樹三千餘萬株當春季遠近之日當自齊
車同本部全體職員親赴西山植樹紀念附近

居民願資觀感同而又通咨各省巡撫使於水
巡之便因地植樹並特飭各地方官做無不理
以示提倡此本部擬設試業試驗場育苗造出
之情形也我國之農產考公私荒山所在皆是
經營林業宜思普及之方亦本部呈准籌設林
業試驗場三處一在黃河流域一在揚子江流
域一在珠江流域業於本年四月在山東長清
縣提督團第一處擬平法苗圃播種育苗預備

沿澤浦路綫及泰山一帶次第造林之外並先
由北京試驗場運往苗木二十萬株在五峰山
先行栽植甚佳兩處現正選擇地點次第籌設
此又本部擴充試驗場推廣事業之情形也培
養苗木實為植樹之要圖選擇樹種尤為育苗
之基礎若樹種既不易得造林又將烏望故為
今之計宜先集多數之樹子察各地之土宜逐
一分給委令播種事半功倍易圖普及本部於

去年迭經選購外國優美樹種並分飭由林業
試驗場就北京附近採集果松扁柏槐栗等樹
之種子亦三省林務局就長白山一帶採集楓
木松栲等樹之種子亦迭奉部酌量分給各省
廣為勸種嗣據各省紛紛請給成效可期此又
本部採購樹種普及播植之情形也 王 亥

論南京紫荊山創設林業等因稟查該山林業
係由南京義農會承辦該會於去年稟請本部

立案當以紫荊山屏蔽江表為金陵附郭名區
正宜培植森茂咨商江蘇巡撫撥給官荒山
地補助常年經費以資興辦後由本部每月酌
助經費並派技士常駐該會相助為理邊檢該
技士詳報查該祖林取績尚佳此又本部補助
義農會振興林業之情形也茲承

鈞諭垂訓彌感至幸

申令公布在案施行細則並請獎勵條例各等

因奉此遵即分別行知各省廣為勸種切實提倡
並就地方情形妥議擬辦法咨部彙核另案具覆
所有本部推廣林場選造種子已擬各項事宜
自應按期規畫積極進行此外為督促地方實
行造林之計謹就所及者言之一議責成
各道尹著各苗圃經理事宜查核興林業之任
舉以責之各省行政長官則管區廣乘時勸
長莫及之處舉以責之各縣知事則民事紛紜

不免虛糜具文之弊二者於林業前途難期實效惟各道區域道中職務較簡若責成各該道尹就地著設苗圃隨時採購樹種分市各縣按期種植由此逐漸推行則全國林業似不難於普及一議通飭各農會遵照森林法第三章各條之規定承領官有森林切實造林查省農會縣農會為各地方人民依法集合之團體現已次第組織對於地方興業事項有勸導提倡之

查檢規定增縣農會承領官荒山地應各籌設
苗圃一區省農會苗圃須有百畝以上縣農會
苗圃須有三十畝以上選擇於該地適宜樹種
養成苗木以供實行植樹之需兼備分給造林
之用於該農會蘇有成績得依造林獎勵條例
優予核獎以資鼓勵而利推行以上兩項均蒙
俞允即由本部通行遵辦以明於國於民兩
收實利除疏河一項謹遵本年一月十二日

中令會商內務部及全國水利局隨時籌洽等
辦理外所有遺議與森林井陳各部提倡造
林情形是否有當理合呈請

大總統鑒核訓示施行謹

呈

大總統批令

呈請所擬奏成各道尹及各農會分別籌設苗圃
三處應准如所即由該部通行遵此批

中華民國四年七月

十九

為詳覆事本年八月九日奉

鈞署尹字一一二七號飭以奉

吉林巡按使二六五九號飭准

農商部咨承准

政事堂八三號交片奉

大總

統諭興辦森林由地方官體察情形斟酌土宜廣勸種樹以利推行

一案除原文有案不錄外後開各區飭行該縣仰即遵照並察核屬境情形有無隙地能否栽種切實具覆以憑轉詳毋違此飭等因奉此遵查五

常全境偏處東山除久經墾熟之地不便養林暨低窪甸子不能養林而外
大都林木森森所在多有知事到任之初訪悉時有野火延燒情事迭
飭警察防禁並諭鄉董鄉正副傳誡民戶仍隨地隨時幫同防禁尚能
恪遵勿懈茲奉前因知事覆加詳查實大段隙地可資栽種理合據實
詳覆詳請

道憲鑒核施行謹詳

吉林濱江道道尹李

五常縣知事瞿方梅



吉林巡按使公署飭 第三零六五號


為飭知事案查前據阿城縣知事顏之樂先後詳請變賣倉穀裁撤
倉官一案當經本公署分別批飭財政廳核議飭



據阿城縣詳

稱案查知事前因縣屬永順公倉年久失修竊恐陰雨潮濕積穀紅朽
並因倉官書役薪工各費無處籌撥擬請變賣儲穀裁撤倉官各辦
法於二月初十日暨四月十四日先後兩次詳請示遵在案於五月初九日奉
鈞署批開詳悉仰候飭財政廳核議飭遵此批等因奉此知事伏
候至今尚未奉到省飭指定辦法該倉官以倉廩行將傾圮薪費久未

支發送經聲請前來揆厥情形實係事迫情急勢難稍緩且今春雨
雪連綿所有倉廩半多滲漏儲藏谷石已難免有潮濕之患况再事
牽延轉瞬盛夏大雨時行倉廩一定頽圯則積穀亦一定紅朽知事不敢
負此重責所以再三請求指示辦法查近准全省旗務處咨稱官莊馬場
各項公產業經省定辦法歸併土地清丈局價放此項公倉額穀均係官
地糧租今若將官莊地畝價放則永順公倉更無存在之理伏查該倉
官徐德恒暨書役等自三月後迄未領支新費修葺倉廩又除變
賣倉谷別無良策知事再四躊躇不決於緘默理合備文詳請鑒

核迅予轉飭示遵等情復經催廳速議去後茲據財政廳詳稱查此案前奉鈞飭當以該縣舊存新收積谷若干修葺倉廩經費共需若干未據詳覆到廳事關倉儲不得不詳加審度正核辦間又奉鈞使飭同前因查積谷為地方備荒要政事隸內務應否出陳易新
委員監糶之處除咨濱江道尹查核分別飭遵見覆外理合詳請鑒核分別飭遵等情據此除批詳悉查阿城縣倉廩既多滲漏應將所存積谷先行出糶以免腐朽至額設倉官書役應否裁撤嚴飭濱江道尹體查情形核議覆奪並由道尹就近派員監視出糶仰即知照此批等因印

發外合亟抄詳飭行該道尹即便遵照批示分別辦理並先轉飭阿
城縣知照此飭

計抄發阿城縣原詳並批文飭文共五件

吉林巡按使孟憲彝

右飭濱江道尹准此

為詳請事查旗署公倉自歸縣署接管後僅裁留倉官書記斗夫更
夫各一人以資監守除倉官歲有俸穀例不支薪外其書役仍沿用旗署
舊例月支膏伙錢一百吊零七百四十文嗣以倉穀陳朽費用無着經前任

張知事鳳墀以倉穀變價發商生息作為修繕津貼各費等情一再呈請於財
字三百二十九號指令內得蒙核准在案查前任原詳謹加津貼六十吊後奉飭
俸穀停放該倉官以奈難純盡義務請求經前任批准自陽歷八月起連同
原額月給錢三百六十吊以資津貼由該倉官自行支配知事視事伊始正
倉穀開征之際該倉官以經費支絀請求辭差第念倉政重要須支熟手
並體恤該倉官半係義務清苦已極天氣嚴寒消耗尤鉅酌量收穀特
間自十二月分起加給四個月津貼於原額外每
谷成本暨穀價發商生息項下提支查兩款



六百七十吊按年一分生息穀價本銀一千二百兩

大倉生息民捐以谷年計

利穀價以一年六個月計利兩共折錢一千六百八十

倉經費現將告罄三月分無款可抵縣署公費節經減裁亦無可整補民
捐與穀價本銀未經省批詎敢動支况倉谷征收未竣來日方長除臨
時津貼不計外預算全年應須經費四千三百餘吊更加倉廩漸次傾
圯修繕需款不能不先行籌備即倉穀收訖後力加減裁以公倉重務
縣屬人少事繁既不能兼顧如責就今近警區守護事關公積倘有疏虞
谷將誰任再四思維必須設有妥員以專責成尤必須措有的款以資接

濟處此進退維谷之際惟有詳陳原委呈候

批示或由民捐及穀價成本項下暫行支付或援照前任請求倉穀變價生息辦法俾為久遠伏乞迅

賜核准以便遵守而維倉政尤有陳者卷查前奉省飭旗員俸穀停支公倉存穀留為備荒之用固屬至計然倉穀年額收入無多尤須用人給費日久遷延不惟坐耗基本且恐易致朽腐以

知事

管見所及似應變通辦

理將舊存與本年新收之糧或發商存儲或變價生息責由商會担保以備荒嗣後征收倉穀辦法可由省頒定簡章通告各莊丁每年應支各

數按時價折作大洋交由縣署租賦股代征得款仍歸商務會生息將來公倉既無糧可存人員全裁費用自節且歷年生息滋多對於備荒亦饒有利益一舉誠有數便所有請求核定專款既陳請公倉辦法各緣由理合備文詳請

鈞署鑒核批示遵行謹詳

吉林巡按使孟

阿城縣知事顏之樂

吉林巡按使公署批

詳悉仰財政廳核議飭遵此批

右批財政廳准此

為詳請事案查

知事

於去歲十二月初一日到任適值旗署永順公倉征收額穀

之際據該倉官徐德恒面稱管倉書役等按月領支薪俸不堪糊口請於原

定額薪外加給四個月津貼等情

知事

覆查屬實當經照准每月加給津

貼錢一百吊以示體恤均於穀價生息項下撥支延至本年三月則穀價

息款支用無存又無他項以資挹注再四設籌

陳原委應如何變通辦理各情於二月十日詳



鈞批現屆四月分該倉官請領經費均係

知事

稱各倉廩年久失修勢將傾圮應急招工

知事

查驗原築倉廩三十間分中東西三座中廩早經倒塌維西廩東廩因當日

修蓋時工料不甚堅實半皆滲漏值此春初雨水連綿之際若不及早修葺

一經陰雨潮濕積穀必致紅朽惟是款無所出管倉之公費尚不能按月支

給則修倉之鉅款又從以資應付

知事

再四思維仍擬變通辦理將舊存

新收各項倉穀儘數按照阿市時值酌中定價出售即由此款內提用

少許將各倉廩略加修葺俟修繕完竣另文詳請核銷其餘概行發商生



息批支管倉常年膏伙並歲修廩房等致專為備荒要需外絲毫不准提
作別用再知事更有請者查征收倉穀含有田賦性質可否按照大租辦法
飭令各社丁每垧地年共納穀若干按照通中穀價改收大洋責由縣署隨因
大租帶征另款存儲仍儘數發商生息以防荒歉似此變通辦理倉穀
既不存儲倉官即可裁撤且倉廩亦勿庸修補一舉而數善備

知事
管

見所及不敢安於緘默所有覈擬變賣倉穀修葺倉廩暨請裁倉官
以節經費各緣由是否有當理合備文詳請
巡按使鑒核示遵施行謹詳

吉林巡按使孟

署阿城縣知事顏之樂

吉林巡按使公署批

詳志仰候飭財政所核議飭遵此批

右批阿城縣

吉林巡按使公署飭 第十二零三號

為飭知事案查前據阿城縣詳請公倉經費並詳陳公倉辦法一案業經批飭該廳核議飭遵等因在案茲據該縣詳稱案查云理合備文詳請鑒

核示遵施行等情據此查徵收積穀原為備荒起見如改徵錢穀不惟失其本
意且於事實上亦多不便所請應毋庸議至擬將舊存新收各項倉穀按
照市價酌中出售即於舊得款內提用若干將倉廩畧加修葺其餘概行
發高生息各節應先由縣將舊存新收積穀各若干修葺倉廩經費共需
若干分別詳細聲明候核事聞倉穀除原詳批詳悉仰候飭財政廳核議
飭遵等因印發外合亟飭知該廳即便遵照連同前案併案核議飭遵切
切此飭

吉林巡按使孟

右飭財政廳准此

為詳報事案查 職署 前奉

省飭會同舒蘭縣勘分四合川管界等因當經委員會勘明白具圖會詳在案茲於民國四年八月二十九日奉

巡按使批開詳悉查此案既據該縣會同舒蘭縣委員勘明擬將張廣才嶺暨歲呼嶺迤南地方為額穆縣屬境其歲呼嶺迤北劃歸舒蘭縣管轄張廣才嶺迤北劃歸該縣管轄中以拉林河即蘭陵河為界河流以西屬諸舒蘭河流以東屬於該縣披閱圖說界限分明應准如議劃撥至四合川內原有三班亮甸子王文相等屯大租地畝既在蘭陵河東應

准仍歸該縣納租以昭捷便除行額移縣外仰五常縣遵辦並函舒蘭縣知照此批圖存等因奉此查事關行政區域變更理合具文詳報為此抄錄原詳連同界圖詳請

道憲鑒核備案實為公便謹詳

附抄會字元號會詳文稿一件四合川界圖一紙

吉林濱江道道尹李

五常縣知事瞿方梅



舒蘭
五常 縣署呈會字第一號

為會呈事案奉

前民政司韓以據署額穆縣李令署舒蘭縣易令會詳稱四合全川由

蘭陵河迤東宜歸五常西歸舒蘭令即會議詳奪等因奉此

知事方梅

遵即查檢卷宗當因劃界地圖曾經劃前有送請額穆縣會查戶口地租

未及取回無從稽考一面備文查取過縣復經

知事方梅

函商

知事茶

委員

會勘去後嗣據委員張炳奎呈以會同舒蘭縣委員萬廷珍勘得四合全



川正南有東西橫嶺一道略分東西兩段東段曰張廣才嶺西段曰歲呼嶺
應以議二嶺以南為額穆縣屬境該二嶺以北則由舒蘭五常兩縣分管又當以
拉林河為天然界限拉林河即蘭陵河發源張廣才嶺由南趨北適當全
川之中該河流以西應屬舒蘭該河流以東應屬五常再川內僅有三屯大
租地一百八十餘垧均在蘭陵河東向在五常納租今仍其舊毋用分撥並繪
圖列摺請核奪等情據此

知事方梅

詳加稽考認為可行函商

知事蔡意

見相同除俟奉准批示函達額穆縣備查外理合繪圖呈請

民政長鑒核指遵再此案係由

知事方梅

主稿

知事蔡

會印呈報合併聲

明謹呈

附圖一紙

吉林民政長齊

舒蘭縣知事鄭 茶

五常縣知事程方梅



詳為農戶滯納地租擬請明定罰則以便稽徵而收實效仰乞鑒核事
竊查田賦為國家收入大宗納稅本人民應盡天職江省草萊新闢從前
出放荒地逐年遞屆升科開闢利源尤以整理租賦為亟上年奉

財政部頒發田賦考成條例通飭各屬亦尚切實奉行第此間農民
狃於習慣滯納田賦習以為常本年六月間據海倫縣知事王岳燧詳

請明定罰則並抄送民國三年三月十二日湖北國稅廳訓令頒發限期
輸納條例前來本廳當以江省田賦開徵時期暨初續定限業經詳請

部示尚未奉覆無從核訂嗣於八月二十六日奉

鈞使飭知本省徵收田賦期限已准

財政部咨仍照向例每年陰曆十月開徵以次年九月底為續限期滿

之日為縣冊到省之期以次年年底為省冊到部之期等因奉此遵即

通行各縣各設治局按照定限催徵在案是徵收官吏既忱於考成之

嚴密思勉副其常期似輸納農民宜示以懲獎之分明俾勿踰此定限

用特根據湖北成案參酌江省情形擬訂農戶滯納田租罰則八條於

限制則務極其嚴於科罰則不為過刻行之既久庶人民知納稅為義務不復故意延宕致國課之未能早完是否有當除分詳財政部暨通飭外理合檢同罰則具文詳請

鑒核示遵計罰則謹詳

黑龍江巡按使朱

黑龍江財政廳廳長唐宗愈



中華民國四年九月二十五

日

農戶滯納地租罰則

第一條 每年自陰曆十月一日開徵起至次年五月末日止為徵收正期以次年六月一日續徵起至九月末日止為徵收次期以次年十月一日至是月之十五日止為展限截止之期由各縣知事

各設治局員扣合陽曆月日附註陰曆先期布告週知

第二條 業戶於徵收正期內將應納地租完清者由經徵縣局

在租票上加蓋上戶二字以示獎勵

第三條 各戶若已經過徵收次期尚在展限截止期內仍未完納正稅或有蒂欠者應由各縣局發布督促令狀註明某業主欠納數目若干交由催租生持往督催如完納時已過展限截止之期應於額定正稅外加罰百分之一以示薄懲

第四條 此項罰款收據即由各縣局擬定式樣詳廳核准刊發以資憑信所得罰款分作十成以五成解省庫以五成充作各縣局催租經費

第五條 自次年十月展限截止後由是年十六日起查有民戶

正稅未清者派警傳提押追如有妥實鄉鄰出為擔保具

限交納者准免羈押惟須照第三條繳納罰金其催租傳提

人役如有額外需索情事准人民據實稟控懲治以杜弊端

第六條 如有抗租佃戶得由業主聲明理由稟縣局依法懲治

第七條 此項滯納地租係指民國四年暨四年以後應納地租

而言其元二三年未完租款仍應照常催徵由各縣知事設

治局員察酌辦理

第八條 本罰則以奉到

財政部
巡按使
批准之日實行

中華民國四年九月

日

吉林巡按使公署飭 第三四五號

為飭知事案准

黑龍江巡按使公署咨開據綏蘭道尹詳稱本道區內
濱臨松花江者尚不止木蘭一縣隨飭呼蘭巴彥通河
湯原等縣分別查覆旋據各該縣先後詳覆前來覆
加查核除巴彥縣聲稱與吉林賓縣界址分明歷經管
轄無異請免派員會勘外其呼蘭縣與吉林之濱江阿
城兩縣湯原縣與吉林之依蘭樺川兩縣通河縣與吉

林之方正依蘭兩縣江面管界向未劃分自應詳請一併
轉咨吉省迅速派員會勘以清管界而專責成等情
據此除批示外相應咨行貴公署查照轉飭會勘并
希見復等因准此查吉省沿松花江各縣轄境與黑省
各縣俱以大江為界惟江面界址向未劃分以致管轄不
能確定自應亟為勘明以正經界其勘分之法宜以水
道最深之正流為分界之標準正流以右為吉省轄境
正流以左為江省轄境管轄既明將來事實發生俾

免互相推諉之弊除各覆並分行外合亟飭行該道尹即
便遵照轉行瀋江阿城依蘭等縣派員會勘務將兩
縣江面界址妥為分定繪具圖說詳由該道尹轉報
核奪此飭

吉林巡按使王揖唐

右飭瀋江道尹准此

吉林巡按使公署飭 第三千五百六號

為飭知事案准

內務部
農商部
水利局咨開本年八月十日奉

大總統令據全國水利局總裁張謇呈稱各省興墾之區必先通治溝渠量植林木以立水利基礎等語本有所歸乃不為害愚民狃於近利不知遠圖或曲防以病鄰或貪地而障水一遇震潦為患川壅成災工賑兼施所損已鉅該總裁所陳各節懇前慈後洵為切要之圖嗣後凡新墾之地應通測地勢高下及各

近各地面積不分畛域不論官私於宣洩之途交通之路一並行
開治即其餘已經報墾處所亦應疏通溝渠以資灌溉培植
木以固隄防著內務農商兩部會同該局通行各省地方長官
督飭遵辦悉心民事以救天災是所厚望此令奉此除咨咨外
相應會同咨行遵照督飭妥為辦理並將辦理情形隨時分
報部局核辦此咨等因准此除咨行外合亟飭仰該道尹即便遵
照督飭所屬妥為辦理並將辦理情形隨時具摺候奪等因
憑轉咨此飭

吉林巡按使王揖唐
右飭濁江道尹准此

吉林全省土地清丈局為咨行事案奉

吉林行政公署飭開案據濱江道尹詳據濱江縣請將東四家子地基驗照清丈即以六月一日設立清丈事務所詳請備案等情查清丈此項地基以前未據該縣詳請有案現在吉省設立土地清丈局無論何項地畝街基一律清丈該縣亦在清丈區域以內應即候飭該局辦理以歸劃一該縣擬設清丈事務所之處應毋庸議仰即將飭遵照此批等因印發外合亟飭仰該局即便遵照辦理可也此飭等因奉此查丈放街基手續繁雜除派本局

文牘科員保准縣知事陳觀武先往調查並詳報外相應
咨請

貴道查照轉飭該縣知照此咨

濱江道尹李

局長王樹翰

副局長廉慈



為籌設墾牧試驗場擬訂簡章詳請立案事案查知事於上年條陳邊
務案內第五條擬招大農以重邊墾已畧具大概辦法並經聲明當由
知事集股籌辦俾廣招徠呈奉

巡按使分飭核辦並錄條陳詳報

道尹各在案知事即於上年邀集同志發起集股預備本年春耕即行
試辦原定資本一萬元曾經招足嗣經各界陳續投資自應擴充股份
定為三萬元已於五月實行開辦名為殖邊墾牧試驗場設於新設縣

城以西呼瑪河沿建築場所購就牛馬羊種百餘頭並購美國荳蔞麥
籽種擇地試驗十餘垧現均成熟收穫頗豐實較他種為良又經購到
俄國多里斯牛種體格高大乳汁濃厚迥異尋常牧場墾地亦已照章
承領以定基礎而樹風聲極邊墾牧向係無人講求一切需要無不仰
給於俄非但利權外溢抑亦關係民生至計現當俄糧牲畜一律禁止
出口百貨亦然華人即束手無策甚至日用飲食即有金錢情甘外溢
尚苦無從購求受制特甚似應趕緊預備先從根本着手大事墾牧以資

殖邊最為要著此知事招商集股提倡墾牧設場試驗之所由來也茲將擬訂章程轉詳

咨部立案以重實業理合備文詳請

道尹鑒核施行謹詳

計油印章程三本

黑河道尹張

代理呼瑪縣知事孫繩武



呼瑪縣殖邊墾牧試驗場章程

第一條 本場以提倡邊墾改良牧畜利用厚生為宗旨

第二條 本場設於呼瑪縣城西即古龍幹河與呼瑪爾河會
流入江之區域

第三條 本場著手試驗注重在牧以期草生繁殖預備開
墾得以減輕資本

第四條 本場牧畜以牛為主羊馬次之

第五條 本場先在呼瑪爾河古龍幹河會流兩岸之區域地
若干分劃收厥墾地首樹基礎再行擴張

第六條 本場兼辦粉房得以養指務重稼穡之艰难使無遺粒

第七條 本場集股組織定為商辦暫以三萬盧布^馬有有限股

份分為六十股每股五百元一次繳足給予股票
茲定票式如左

第八條 本場由股東公舉經理二人總司場務得用數醫一人

司賬一人庶務一人其他執事無定額責成經理隨
時任用但須董事之簽簡以足多寡

第九條 本場股東入股至三千元以上者得為名譽總理有

協理場務監督一切之權入股至一千元以上者為名

譽副董得與總董有協議場務隨時查考之權其
餘股東每屆全期均得參議查賬

第十條 本場每屆年終結賬一次定於每年一月請開股東

會由總理報告上年所辦成績及所得餘利分作十
二成以二成為公積三成為興理^費司賬人等之花紅
其餘八成按股分派

第十一條 前項分派餘利各股東不得即行提取應俟下屆賬
期再提上屆所得餘利俾資周旋其餘經理人等應
得二成花紅准於每屆支給以酬勞績

第十三條 本場經理人等額支薪俸應由全體股東議定之每月照數支給均不得於額外支借亦不准預支花紅

第十四條 本場經理任期無定如能得力准用年功計俸之法得以每外加俸亦由全體股東議定之追加至十年為限

第十五條 本場經理如有不守場規借公濟私及其他各種情弊被人指摘或經各股東查出即行撤退其餘獸醫司賬人等准由經理選用即由經理完全負責

第十六條 本場一環發達積有餘資或添股份得以兼營他項實業或就本場出產製造皮革品毛織品及罐頭

牛乳牛肉或辦火磨水磨臨時特開股東會議決進行

第十六條 本場每屆股東會議以到會人數過半應即開會所

有議決事項一面執行一面仍由經理通告未經到會
各股東不得另有異議

第十七條 本場所發股票如有遺失焚燬情事須由該股東出

具證明書送交本場登報作廢至三個月後如無轉購
再由該股東出具保證書方准補發股票

第十八條 本場股東如將股票售於他人必先徵集受主同到

本場交換股票或出具轉售保證書連同股票寄

繳本場註銷再行換給新股東股票其應享利
益定自換票之日起始生效力

第九條 本場股本祇准股東轉售不准抽還並不准售與外國人
第十條 本場稟請地方官立案並照商人通例與商業註
冊規則陳請註冊給冊

附則

第十一條 本場墾收徵集各種香界如願改良均准到場請
求換種以期普及另有規則

第十二條 本場別設公園試種花草菜蔬及果畜並畜野

獸任人遊覽

第二章條 本場得刊商人通用圖記文曰呼瑪縣殖邊墾牧

試驗場以照信用

第三章條 本章程如有未盡事宜得隨時修正之

發起人

趙維周
周子澄
戈瑞爵
張敬庵
趙座銘
謝杏田
孫燕堂

批 詳 暨 簡 章 均 悉 該 知 事 於 殖 民

實 業 研 究 提 倡 不 遺 餘 力 深 堪 嘉

評 所 訂 簡 章 亦 尚 妥 協 似 應 予 別

予 以 詳 誌 特 咨 主 案 嗣 後 仍 仰 隨

時 俾 察 情 形 廣 續 籌 辦 以興實業

此 批

中 華 民 國 四 年 十 月

六

詳為呼屬連年水患災民為數獨鉅奉撥賑洋五千不敷分布擬請俯恤准將餘洋四千六百元盡數撥賑以濟災黎乞示遵事竊奉

財政廳第二二零五號飭奉

巡按使飭以本省奉發賑款三萬三千元按照各屬災情輕重量為分配呼蘭縣給洋五千元合計各屬共計二萬八千四百元各屬前經請准墊賑各款即於此次核發賑款內撥還除此

次核發外尚餘洋四千六百元應留為分配其他被災之需等
因奉此遵查呼民蒙

賑大元五千較之他屬不為不厚惟思呼蘭居江河下游連年
水患災區之廣災民之眾超過他屬災數倍嗷嗷待哺觸目
皆然按警區本屬共分二十一派出所現據已報覆勘共十五
派出所計極次貧民二萬五千餘口未報到者尚有六處約計
總在三萬口以下按前次會同金孟兩查災員覆勘預計以次

貧與小口平均折為極貧大口二萬人每人一元約需二萬元
業經會詳在案茲奉

撥洋五千即以極貧大口二萬人計算每人平均僅食賑二角
五分若再將前准拯救難民之墊款一萬餘吊由五千元內扣
抵為數愈少杯水車薪何以拔流離餓殍之刳劑自九月九日
至十六日連日大風兼以急雨凡東北兩鄉未被水未稼籽粒
磨落及坍倒鋪地者平均計算又減二分五六之年景三十日

復據馬家船口水上警察巡官報稱大江之水較知事興調查員覆勘時立水復漲二尺五六寸張家甸水上警察亦報水漲三尺二寸似此前波未息巨浸復來沿江居民凍餒呼號朝不保夕知事伏思九十冬臘由秋而冬迄於明春青黃不接來日方長無禾無衣何以卒歲查上年水災本輕於今極貧大口每人賑米五升迨至今春因饑寒無措先後遷走九十六戶厯報有案及今若不設法厚恤饑民何以保全知事身膺民牧目覩

時艱之慘狀萬難緘默伏懇

鈞使俯念呼屬連年水患深丁眾民瘼堪憐准將餘洋四千
六百元盡數撥發以拯蟻命至前次詳准拯救難民臨時所發
賑錢一萬零八百五十七吊三百五十文亦請另由他款撥抵
准予核銷現募無可募急切待援知事為數萬饑民請求生命
起見除分詳轉請外理合具文詳請

鑒核俯准示遵施行謹詳

黑龍江巡按使朱

呼蘭縣知事鍾毓



吉林巡按使公署飭 第三三三四號

為飭知事舉報吉長道尹詳稱案照積穀為備是安以
前經道尹通飭各官所屬各縣以向有存儲者應編列清
冊其未有儲積者應即一律設法勸募按照區域大小
口多寡核定應儲谷數若干一面籌設倉廩限期彙集
至將來所儲谷數每年祇准於春間息借貧民於秋
成後本利收還不得有變通員及分存情事其經管倉
谷人等並須遴派殷實紳民由縣隨時查察

流弊暨定調盡積必盡武飭後各縣遵式查報在案
爾據各屬詳復以比項積谷從前辦法各有不同
雁查有經存儲而侵蝕者有因壞價而動用者有因
發商生息而本利未能全收者有因巡亭挪移而有
無費者甚或有未舉辨而帶待措施者種種原因
殆難枚舉道尹懲前毖後竊以成周之制都鄙倉
有委積以備凶荒隋唐仿之以為社倉而後
年饑歲民多利賴以道屬各縣應積谷非

未籌辦即已籌辦亦強半歸諸無何有之鄉其何能利
濟民生而收有備無患之效且查閱所報各表各縣對
於此項積谷勸募既多任便而每向應募谷數亦俱
自為風氣殊不足以昭慎重整齊而劃一之自應從
速改良另訂辦法比經酌擬規則暨查照各縣所報
原辦積谷情狀列具一覽表於此次各縣來道會議
後發交會議當經各該知事議決照辦第是各縣
尚有情形不同復恐不能完備如有應行補苴之處

亦飭依據大綱分別另訂詳細規則詳報核定以期盡利
推行除分飭外所有酌定道屬各縣籌辦積谷經費
分抄錄規則一覽表備文詳報彙核示遵等情查有近
年災歉迭見議賑議糶每乏善政率由平日籌備無方
以致臨時措置失當吉長道尹擬飭所屬籌辦積谷被
現今急要之圖所擬規則亦甚妥洽亟應通行合省以
廣善政除分行外合函抄錄原訂規則飭知該道尹即
便遵照轉飭所屬查照辦理仍將辦理情形隨時彙報

切切此飭

計開題一併

吉林總督使三拜唐

右飭濱江通尹陳九

查通運尹郭崇熙謹將擬訂通屬各縣辦理積谷規則繕
相送請

初稿

計開

第一條 各縣籌辦積谷係為救荒而設其所積之谷應按

數抽收之

第二條 每兩收谷二升五合以二升交倉存儲以五合交價建

倉盈餘貸商生息為經管倉務人等夫馬辛資如果不敷由縣
倉正谷發放生息提用

第三條 籌辦積谷事務應於縣署籌設董理一處酌派總
董一員並於各區分設區董一員以資辦理

第四條 各縣應按區域大小戶口多寡合計每年能收積谷若
千再以合縣人民計之共需糧食若干總期一縣所籌積谷須

足敷一縣人民三個月計口糧食之用其一時不能抽足者即由
各縣按照人口地畝多寡酌定積谷年限長短分年抽收其年

限若干須先行計算詳報察奪

第五條 吉林各縣積谷多有未建倉廩以致諸多流弊茲應由

該省區設倉備存積谷至已經報倉者如有不能敷用或因

庫雖過遠取携不便並應酌量增修以資存放但不得藉口未經設倉將積谷分存他處致有損失

第六條

谷存過久易致損壞應有推陳出新之法茲擬訂

辦法如左

一遇青黃不接之時如有貧民無力播種應准計息貸給於秋

收後本利俱還

一年遇豐收倉谷即不易出售其有糧人戶亦自不能借貸應雇

夫役隨時翻晒多次以免霉爛

第七條

經管倉谷須選公正紳民由縣監察但此係應盡義務

每年祇能酌給夫馬若干不得開支薪水其餘役人等應發給

等工此項開支俱須按年先期核實造具預算詳報察奪

第八條

其未經籌辦及已籌辦而高須添募各縣應即派

員於秋收後分送性種所需經費應先設法挪移俟籌定積

存慶價發商生息開下餘款是還至已定有他項的款者不在

此限

第九條

從前各縣如有積谷分存各處應於本年一律收回歸

倉不得帶欠倘有不能掃數即由縣酌予懲追俾維民食至

未設倉及勸募各縣均須從速建築開募

第十條

此條大概辦法應由各知事查照另訂詳細條規詳

報核定以期切實推行

詳為陳覆事中華民國四年九月八日奉

鈞尹第一千三百六十四號飭開為飭知事案奉

吉林巡按使公署第三千零四十號飭開案准

農商部咨開本年六月二十五日承准政事堂片交國務卿面奉

大總統諭籌議森林辦法等因封交到部當經遵轉咨行飭屬認真
提倡在案茲由本部遵諭籌議森林辦法並將提倡造林情
形縷陳具西復奉

批令呈悉所擬責成各道尹及各農會分別籌設苗圃之處

應准照辦即由該部通行遵照此批等因奉此相應恭錄
批令抄附原呈咨行查照轉飭各道尹及各農會切實籌辦
並將辦理情形隨時詳請咨部查核等因准此除分行外合
函飭仰該道尹即便遵照並轉飭所屬各農會切實籌
辦隨時具報以憑咨部查核附抄件等因奉此除分行
外合亟檢同抄件飭行該縣仰即轉飭所屬各農會切實
籌辦隨時具報以憑轉詳此飭等因奉此遵查縣屬設
治未久地僻人稀風氣既未開通經費亦極困難是以縣

境地方尚無農會之設立惟地處山陬各種木林林徧地皆是不過未加人工培養以致天然美產多未成材甚至愚民無知急於開地將一切樹木焚燬消滅絕任放棄未免可惜知事有鑒於此隨經擬定兩種辦法一為保護主意一為干涉主義對於培養森林各戶多方維持不使稍受損失或用名譽獎勵以鼓舞人民企業之心或飭講演人員俾宣講中西種植之術將來推行日久一般農民咸知森林利益優厚不待勸導自能發達

否則空言提倡亦屬徒勞無補一面對於燒燬林木各戶酌加限制非萬不得已不許遽行燒燬似此雙方進行庶於林業前途不無裨益奉飭前因除仍由知事隨時認真辦理外所有知事籌辦林業大概情形並縣屬並未設立商會無憑飭遵各緣由是否有當理合具

文詳請

鈞尹鑒核彙轉並乞批示祇遵實為公便謹詳
吉林濱江道道尹公署

縣知事張允升

吉濱江道尋旗哈爾濱交涉員李

鐵路交涉局總辦

李



十月



日

案由批同賓縣第一百六十六號洋

據詳籌辦林業情形尚屬可行仰即認真辦理
並候彙案轉詳以批

吉林全省土地清丈局為若行事案照本局具詳旗地續報升科請由本局核明填給部照以期畫一候飭立案等由一案奉

巡案使批開如詳立案候飭民旗各署一體遵辦仰即知照此批等因奉此相應抄錄原詳咨請貴道尹查照飭屬施行此咨

濱江道尹

計抄原詳一件

兼辦清丈局事務柴維桐

會辦清丈局事務張 桐

為詳請立案通飭遵照事案照

財政部呈准清理官產案內凡屬強民各項地畝清丈溢出即屬官產應按官產處分條例辦理查例開變賣租佃墾荒三項一律由財政部頒發執照等因是現在願荒墾墾與已墾之區熟應報升科者均當一律發給部照方與定例相符因思旗地續報升科一案自應截止第四結為止如有本年續報升科尚未報准給照各戶與原應列入第四結升科者有別似無須再發者照擬請由本局核明按照部頒

條例並根據清文章程俟勘文後再行填給部照較為妥
一體合詳請

鑒核辦理立案通飭施行實為公便請詳

吉林巡按使王

詳為第七分局具報第三牧場段內水勢甚大刻難丈撥
請鑒核事案據第七清丈兼招墾分局馬局長振銘詳稱
前奉飭開案准牧畜籌辦處咨開為該處第三牧場清
理界址業派該場場員崔英桂守候立待派員繩丈等情
飭令該局迅速查照辦理具報以憑咨覆等因奉此遵即
飭派第八起起員張永祥赴段丈撥去後據報該處水
勢甚大不能下繩等情茲奉前因又飭該起員詳細調

查復據報稱水勢仍未見消實難即時勘丈一俟水勢
平落即行前往丈撥等情前來理合詳請鑒核轉詳施
行等情據此除飭該分局一俟水勢平落即速會同丈
撥繪圖具報外理合詳請

名譽局長金純德

名譽局長何煜

鑒核施行謹詳

局 長杜蔭田

巡按使公署

名譽局長于駟興

名譽局長張壽增



據詳該屬連年水患災民為數獨鉅尚係實情

應准再由奉頒賑款內撥給大洋二千元以資賑

撫至拯救難民臨時所發賑錢一萬零八百五十七元

七吊三百五十五文應即在此數內開支不敷之數

應由該縣就地設法籌募仰即遵照仍候飭知

財政廳綏蘭道知照此批

為飭知事據呼蘭縣詳稱奉財政廳云云等情

據此除批云云等情印發分行外合行飭仰
該廳即便知照此飭

巡按使

右飭

財

政

廳

准

此

詳為呼蘭應留學田改由訥河劃撥請鑒核事案據第五
清丈東招墾分局錫局長壽詳稱奉總局第七百二十一
號飭奉

巡按使公署飭開據綏蘭道尹詳稱各縣均應劃留學田
三千晌呼蘭開闢最早并無餘荒可以撥留應在訥河拜
泉兩縣區域以內大段餘荒照撥等因飭行到局奉此本
應遵照辦理以維教育惟分局主管區域雖經預算浮
多約有十餘萬晌現在統盤綜核除利貞兩段冊照不

符浮多每晌補價三元暨安插有照無地各戶以及現丈
各段因水多割已恐難符預算且各井浮多均係零星
不成片落業均放給埃荒續領本縣學田僅虧千晌尚零
星湊集始撥足數即使稍有餘荒局長在省曾奉面諭擬
留安插龍拜交界起空之戶若再劃撥呼蘭學田三千
晌實屬無荒可撥可否統由訥河撤佃地點給該縣劃撥
一段以便經理之處出自鈞裁所有呼蘭學田拜泉無荒
可撥各緣由理合備文詳請鑒核轉詳施行等情據此查

呼蘭應留學田拜屬既無荒可撥除飭第一分局統由
第一區以內遇有大段即予劃撥并批覆暨飭第二
分局呼蘭縣知照外理合具文詳請

鑒核俾案施行謹詳

巡按使公署

名譽局長金純德

名譽局長何煜

局長杜蔭田

名譽局長于駟興

名譽局長張壽增



詳為荒火蔓延擬請通行嚴禁事竊查索境四面環山草木叢雜
居民牲畜咸處其中一有荒火發現勢必蔓延無救生命財產胥
受損失而蒙民習慣每於秋冬之際赴山游獵放火尋獸只為一己
之利不顧萬姓之害慘無人道殊堪痛恨當經出示嚴禁以冀
先事預防乃於十月十五日突見西南一帶山頭火起勢甚猛烈一
噴數十丈越山燎原接續流行兼之大風陡起以致火乘風威銳不可
當延燒三日直入奉省洮南山境始行熄滅本屬金銀扣草根台烏拉

斯台等處四圍連山之地所有房屋牲畜森林草萊俱被焚如牧場
秧草二萬三千餘捆亦成灰燼滿山童然可憐焦土本局及牧場皆受
影響極為危險當經委員督飭察防連附孫玉琳帶領目兵協同也
長住戶分打大道極力救護並飛飭哈防連附孟寶恩督率目兵就
近馳往牧場設法防範分頭撲救得保無虞查此大係由圖什業

圖旂山境而來蔓延五百餘里以致本屬咸受其害自應亟為嚴禁
以免貽禍無窮除由委員隨時曉諭勸禁蒙民不得再蹈前轍致干

查究外擬請

鈞署通行蒙旗一體嚴禁蒙民嗣後勿再擅放以免生靈塗炭倘

該蒙民怙惡不悛一經查覺或被告發並擬查照現行新刑律第

一百八十六七八等條從重科罪以儆將來委員為注重生命保存森

林起見是否有當伏候

裁奪所有荒火蔓延擬請通行嚴禁各緣由除分報外理合
備文詳請

鑒核批示施行謹詳

黑龍江省巡按使朱

駐索倫山宣撫委員周召棠



吉林巡按使公署飭 第四百一十號

為飭行事案據同賓縣詳稱民國四年十月十五日據
縣屬夾信子鎮民戶遲全等聯名稟稱本年陰曆八月
初十前後縣境連日陰雨河水漲發以致沿河兩岸禾苗感受水
害迨至天晴水退查看禾苗雖受有水傷幸夏間雨水調和結粒
較早全體平均計算損失尚不甚多其中即有顆粒無收者
究屬仍居少數彼時因思國家財政艱窘萬分但能敷衍支持
生機未絕決不呈報災款希圖減省租捐是以前奉飭區調查

民等當以災情既不甚重如不再受他災即擬隱忍不報無如
天不從人災祲屢至竟於本年陰曆八月二十四五等日民等正
在割打殘糧之際忽見狂風四起草木搖拔一晝夜間禾苗
多已拆毀籽粒大都無存似此奇災從來未有前此河水為患命
已難圖存今又繼之以風生計何堪設想總之高崗之地水災
雖輕風災極重低窪之地風災雖輕水災又重二者終有其一
收成咸難指望民等再四思維別無良策惟有叩懇隆施
詣勘轉詳將應完租賦均捐准予分別免緩以紓民力而沛

國恩柳民等尤有請者現在天氣漸寒災情甚烈既無糊口之米又乏禦寒之衣困苦流離莫知所措可否酌請賑濟以恤災黎如蒙允准則感荷大德尤無既極矣等情並開具被災地戶花名清單附稟呈送前來據此知事當於陽曆十月十六日親詣該處詳細勘明正擬回城詳報聞乃於十九二十三二十五等日迭於途次接據縣屬黃泥河鎮民人劉鄉魁等桃爾山屯民人丁寶德等長興崗大遂河等屯民人潘景泰郝萬才等各聯名稟同前情並分別開具被災花名清單請求

勘報緩免租捐並設法賑濟以全生命等情知事隨由中途繞
赴各該被災地點傳集被災各戶調驗契照逐一查勘均與
原稟大致相符綜計全縣被災地畝約有三千餘垧詳核成災
分數最重為十分次則九分八分七分不等此次受災原因雖
由河水氾濫田禾損傷然彼時籽粒業已長成水退尚能收穫
設不再受風災當不致減收若此是以前於本年陰曆八月間
知事公出期內經本署代行科長劉景遲因縣境雨水過多
誠恐沿河兩岸並低窪之地受有水災遂分飭警察各區

切實調查詳候核辦據各區陸續詳稱被水田苗雖畧為受淹尚能收穫不致成災民間亦均不願呈報免涉虛妄等情詳報到縣該科長未及核辦通知事已由省公舉回署原擬親自覆勘以昭核實詎甫欲前往或回在中途即據各該災戶稟經知事分路查勘明確委係被災屬實惟通盤核算全境被災地畝不過二十分之一似可毋庸公家賑濟擬由知事就近勸令紳商富戶酌予周恤即不致流離失所知關憲注據實上陳除分詳並俟道委下縣會同覆勘審定

被災分數造具都圖清冊另文詳道核示外所有勘明縣屬
夾信子鎮等處被水後又受風災大概情形理合先行具文
詳請鑒核俯賜飭道迅速派員覆勘並乞批示實為公便
等情據此除批詳悉仰候飭該管道尹派員覆勘仍由該
縣依限造冊詳道加結具報核辦此批等因印發外合亟飭行該
道尹即便遵照派員覆勘務該縣依限造冊由道加結具報切切此飭

吉林巡按使王揖唐

右飭濱江道尹准此

为得报事、案卷

的界、仍开、案卷、系、按、河、城、如、无、事、款、之、案、律、法、云、此、所

行、抄、办、河、城、如、原、得、呈、批、互、修、文、忠、互、修、甘、恩、奉、此、是、即、修

事、是、案、主、员、任、保、初、修、在、去、外、若、按、该、主、员、修、案、

河、城、如、原、段、今、殿、三、行、文、十、间、中、殿、早、任、保、塌、去、存、在、殿

案、以、失、修、将、倾、地、外、全、扶、中、修、并、程、通、用、罪、而、殿、内、外

考、称、坚、固、而、以、小、墙、再、建、一、层、时、地、基、不、宽、且、而、外、倾、斜、到、老、使

之、案、亦、如、何、理、可、以、成、案、不、宜、住、房、而、间、与、
补

更難居住。查以公廩房產之情形。又

四百七十五石四斗五升二合二勺。計折合市斗九

八升零八勺。內有七釐。應除穀三石九十餘石。未應色除穀六

石。石有奇。平均約可借去。計回米餘中。此查以公穀約計價值

之大概也。又查穀食者。意用積累者。故俾穀園章程。征穀放

穀。事而便利。年征斗放。不必除朽。既既俾穀。俾為他日備

養。士用征穀。實為便利。征所。況有地租。租引。將支放。極必款

知事。原得。更在。在。之。為。實。應。請。擬。請。以。二。斤。經費。而。免。

折耗概歸債主承提
林保 爲身生息以便通商備災
救
直提概歸債主承提
如河系分之系
道甲以便控扣
仍仍該員承往合同新任
施知事暨袍出
報外所有
該
族保係由理會具文
詳核

吳林保承提

吳林保承提

中華民國四十四年十一月



日王

詳為嫩江縣詳請劃撥鄂倫春生計地檢同圖冊轉請鑒核飭
查事竊查本年一月八日道尹轉詳嫩江縣詳請准呼瑪正白
旗佐領察爾吉善咨請於邁海附近劃留鄂倫春生計地一案
旋奉

鈞批詳悉俟將劃留地畝查明詳到核辦等因當經轉行該縣
知照茲復據署嫩江縣知事姚明德詳據佐領察爾吉善詳稱
佐領原係呼瑪路鄂倫春所屬在前游牧於嫩江邁海地方百
有餘年後於前清光緒三十一年在該處築蓋房屋二間嗣後

由佐領多方勸導本佐兵丁陸續建築房屋十間開墾熟田二十餘畝迨奉飭准留生計地畝之後本佐牲丁鑒於地方荊榛已闢禽獸無多生計艱難美佐領之盡力田畝每歲有秋且免奔逐之苦於是羣向佐領央求請撥荒段以便棄獵歸農之用再本佐牲丁雖為呼瑪路所轄然在嫩江境內歷有年所而盤桓於遼海地方為時亦最多相安已久緩急可通惟該處山大河多可墾之田為數無幾故請撥地段面積較寬而佐領等已在該處築有房屋萬難移易其佐下牲丁羣相附隨均願歸農

茲請將邁海地方東至舍吉訥山、西至坤洛溝、南至蛤蟆溝北

至鎔石山在此限界內劃留可墾之荒三井、惟南至蛤蟆溝係

龍門界內併請飭知該設治局劃留荒段俾免膠轕計每官兵

一名給荒二方請飭清丈局丈撥以正經界俾鄂族早安生計

實為德便等情並檢同段圖一份花名冊一本轉請核示前來

除批示詳登附件均悉查收撫鄂倫春自應代籌生計惟佐領

察爾吉善前詳所稱龍門設治局業將邁海左右毛荒劃給該

族為生計地畝一節雖經詳奉

巡按使批示俟將劃留地畝查明詳到核辦等因在案迄今已
否據龍門設治局查明詳覆尚未奉到行知據詳各情仰候轉
請分飭龍門招墾局暨第一清丈分局查明圖載地段是否未
放官荒再行詳擬辦法原圖冊隨文轉詳等因印發理合檢同
段圖花名冊備文詳請

鑒核施行謹詳

巡按使朱

計段圖一紙花名冊一本

龍江道道尹何煜



謹將呼瑪路正白旗頭佐官與花名數目詳細開列
鑒核
乙請

計開

雙	錫	金	成	壽	佐領查爾吉善	領催折布都善	披甲香匡	壽	剛
福	壽	盛	姑	川	托拉哈善	崔	蘭	都拉博產	
丁	突	錫	英	托	英	姑	武	駝	林珠
考	撲	福	姑	哈	武	駝	駝	林珠	蜃
興	烏	錫	武	善	崔	蘭	都	拉	博
哥	拉	布	駝	匡	香	匡	壽	剛	
布	圖								
興	蘇								
哥	卯								
春	玉								

訥	埃	埃	常	博	笑	吉
錫	善	吉	明	里	木	木
恍	善	善	黑	葛	魯	得
捏	爾	折	山	狼	懷	博
罕	革	羅	恩	笑	福	勒
	布	的	吉	產	懷	沙
		善	善	奔	模	夏
	圖	善	巴	吉	皆	笑
	立	善	彥	善	明	訥
	善	德	善	常		布
	慶	保	善	故		得
	爾					
	多					
	產					

以上共佐領一員領催一名披甲四十八名

為詳送催征租賦續限考成清冊事案查本縣應征民國三年分租賦及節年陳欠租賦自民國四年六月一號起至九月底止自應遵章詳報續限考成期內催征已完未完各數目暨承催督催街名分晰造具清冊一本除分詳外理合隨

文詳請

鑒核備案施行謹詳

黑龍江巡按使朱

代理慶城縣知事劉善錡



計詳送清冊一本

慶城縣造報民國三年分續限考成冊

慶城縣謹將民國三年分額徵租賦並接催節年尾欠續限考成已完未完各數自登
承督催銜名造冊詳送

鑒核

計開

前報考成案內未完

一民國三年分未完地租大洋二萬二千七百七十九元零二角五分今續已完大洋二千九百零二元
七角五分二厘每元按十八吊核錢五萬三千六百零九吊五百三十六文又完一千八百五十二元九角

五分五厘按十五吊核錢二萬七千七百九十二吊八百二十六文又完五百零八元六角五分八厘按

十七吊核錢八千六百四十七吊二百八十六文

以上三共完地租大洋五千三百四十四元二角六分五厘仍欠未完地租大洋一萬七千四百二十五元

九角八分五厘

承 知事 劉 善 錡
督 催



一按催民國五年尾欠地租銀一千零三十三兩七錢四分五厘十吊核錢一萬零三百三十七兩四百四十

文內已完地租銀三百十八兩五錢三分二厘十吊核錢二千一百八十五兩三百二十二文仍欠未完銀六百

十五兩二錢一分二厘十吊核錢八千二百五十二兩二百二十二文

一按催民國元年尾欠租銀一萬零五百二十三兩五百七十二文內已完租銀四百七十二兩二百二十文

仍欠未完錢一萬零零五十一串三百六十二文

一按催宣統三年分尾欠租錢五千二百二十八串二百九十八文內已完錢四百零三串八百二十二文仍欠未完錢四千八百二十四串四百七十六文

以上民國三年及宣統三年尾欠地租大洋二萬二千七百七十九元二角五分地租錢二萬六

千零八十九串三百一十文內續完大洋五千三百四十四元二角六分五厘已完地租錢三

千零六十一串三百五十二文仍欠未完大洋一萬七千四百二十五元九角八分五厘仍欠未完租

錢二萬三千零二十七串九百五十八文

右冊星

黑龍江巡按使朱

蘇清江道署委員張耀明
同賓縣知軍張允升為會詳事案奉

飭委內開據同賓縣詳報縣屬夾信子黃泥河等處連被
風水成災地畝三千餘垧請委員覆勘等情前來合行飭

委該員遵照迅赴該縣會同覆勘冊報等因奉此知事並奉飭

同前因委員遵即馳抵同賓會同知事週歷各該災區詳加覆勘委

勘得被災地畝共三千六百七十八垧四分每垧徵大洋三角共徵大
洋一千一百零三元六角五分二釐內計成災十分地二千一百六十九垧五
畝五分每垧應徵大洋三角共徵大洋六百五十九元零八角六分五釐

擬請將本年租賦一律蠲免九分或災地一百五十八垧零八分每垧
應徵大洋三角共徵大洋四十七元四角二分四釐擬請緩至民國五
年秋收後分限三年帶徵八分成災地一千一百八十八垧四畝七分每
垧應徵大洋三角共徵大洋三百五十六元五角四分一釐擬請緩
至民國五年秋收後分限三年帶徵七分成災地一百六十二垧七
畝四分每垧徵大洋三角共徵大洋四十八元八角二分二釐擬請
緩至民國五年秋收後分限二年帶徵查條例內載被災十
分蠲正賦十分之七被災九分蠲正賦十分之六被災八分蠲正

賦十分之四被災七分蠲正賦十分之二各等語茲查縣屬災
傷各地委係成災十分九分八分七分不等應請查照條例
分別蠲緩以紓民力所有覆勘被災地畝審定分數暨應
蠲錢糧數目理合分造清冊會銜具文詳請

鑒核施行再此詳係由委員主稿合併陳明謹詳
吉林濱江道道尹公署

計詳送

清冊十二本



印結五紙

甘結五紙

委員張耀翔

縣知事張允升



黑龍江巡按使公署飭第 以三號

為飭知事准

農商部咨開准咨據黑河道尹詳據呼瑪縣知事孫繩武詳稱創辦殖邊墾牧試驗場擬訂章程詳請核轉立案等因到部查該場注重畜牧於黑省情形尚屬相宜自應准予立案惟核閱所擬簡章如第七條所附股票式樣按照公司條例第一百二十九條規定應行載明事項尚有缺漏應參照改

訂又股分有限公司之董事監察人應由股東公舉其額數
被選資格任期年限均應分別訂明原章並未提及應詳補
訂第十二第十三兩條所稱薪俸及計俸加俸等字樣應改
為薪資及計薪加薪以上各條統應飭該場遵章修改以符
條例相應咨請貴巡按使轉飭遵照辦理可也等因准此合
亟飭仰該道尹轉飭遵照部咨各節迅速修正詳候核咨此飭

巡按使

右飭黑河道尹准此

為稟覆事案奉

飭委內閣案據該員查復阿城縣倉廩現狀積存穀
數修倉用款積穀變價等情均尚詳晰合亟飭仰該
委員仍查照前飭速往該縣會同知事公估價值監
視出糶並將糶出穀數價值詳細單報候核至所擬
變通辦法已具詳請示仰即知照此飭等因奉此遵
即馳抵阿城會縣協同商會公估糶價預備投標正
商辦間准施知事世杰函奉省電開現在省城籌辦
平糶亟須購糧該縣所存倉穀九百九十餘石萬勿

變賣按署庚印等因委員現已由阿回署理合稟覆
道尹鑒核備案謹稟

委員張耀翔



年
未
系
印
特
詳



為詳報事民國四年十二月六日奉

按台飭第四四零五號開以現在各縣本年收成若何明春
應否籌辦賑糶其向有備荒機關者應如何整頓進行其
尚未設有備荒機關者應如何籌畫臨時辦法飭縣遵照
詳報等因奉此知事 自奉檄赴任後沿途諮詢民間疾苦僉

稱錢歲兩荒生活艱難等語錢法毛荒情節甚為複雜且置

無論（註）荒緣由委因今年自春徂夏霖雨連綿播種愆期

迨至放花之時天寒地濕子粒不實兼以風雹摧打莖折子

落平均收成約計三分有奇中戶僅足自用大戶視為奇貨而一般貧寒小戶缺乏糧石幾至有錢無處購買因此糧價益形昂貴若至明春青黃不接之時勢非賑糶不可誠如

按台諭飭倘非未雨綢繆必致臨時竭蹶惟查縣屬向無備荒機關原有積穀二百四十四石三斗三升存儲殷實商號隨時可以提用然為數有限杯水車薪於事無濟以言勸辦積穀如在豐年尚易為力若在凶歲頗難着手蓋民鮮蓋藏自顧不暇遑問其他况際此庫款奇絀之時議賑議糶斷難

仰給公家左右思維唯有及時籌措或者尚可補救於萬一
當經知事召集紳商討論辦法議論紛歧莫衷一是知事以
為全境人口二十萬左右實在熟地二十餘萬畝以平均收穫
三分有奇計之亦似足供食用何患缺乏不過殷戶居奇富
商萬疋積成恐慌治標之策一宜禁止食糧出境則殷富無所
使其伎倆而糧價自能平準一貧寒小戶大抵佃種地畝十居八九
應由地主接濟食糧加三生利秋收歸還如逾限不還鳴官追
償並免訟費一極貧小戶每多傭工度日年內稍有積蓄無

虞匱乏一俟來春一二三等月無所事事勢非救濟不可擬
將存儲積穀飭知商會易以色米取其廉而且多（穀子一石能
易色米二石之則）一面諭知紳商協同鄉正副分投勸捐積有成
數買收色米藉資計口投實反反覆推求該紳商等僉稱舍此
則別無良策云知事身膺民社責無旁貸目睹現狀憂
心如搗為今之計祇得於無可如何之中作萬不得已之舉
除諭飭紳商趕緊籌辦並逕詳外
鑒核俯賜示遵施行謹詳

吉林濱江道道尹李

署理五

署理五
署理五
署理五



吉林濱江道道尹李

為詳覆事案奉

鈞署第一千六零三號飭開案准黑龍江省清丈招墾總局咨開案查本省辦理墾招迭經示知在案現在各屬清丈將次告竣歷年出放民荒未開墾者尚多而各屬未放餘荒暨招墾規則內原指安插墾戶各區域大而未放放而未竣者亦復不少亟宜繼續招徠興墾殖茲特刷印招墾告示貳百張除分發外相應咨送貴公署請煩查照飭屬張貼施行等因准此除分發外合亟檢同告示飭發該縣仰即遵照分別張貼並將張貼處所具報備查此飭計發招墾告示貳拾五張等

因奉此遵即檢同告示飭發警察所張貼具報去後茲據覆稱奉
發告示業已分區擇要張貼理合將張貼地點具文詳覆等情前來
覆核無異理合附列地點具文詳覆

鑒核謹詳

吉林濱江道道尹公署

賓縣知事李德鈞



計詳送

張貼告示地點清單一紙

清單

謹將張貼告示地點茶呈

鑒核

計開

- 一區四門四張 二區八里川一張 二道社一張
三區滿家店一張
四區滿井一張
五區夾板站一張
老營口一張
德源恒一張 教家溝一張
新甸一張 猴石一張 六區九千五一張
腰崩子一張
會井恒一張 七區陡嘴子一張 元寶河一張
五道林子一張
對店一張

以上共貼告示二十四張

黑龍江省清丈兼招墾總局

照得清丈佈告 合那清丈章程 自上年清丈局成立後 就宣佈週知 你

們各處人民 想該都知道

人 也有終未到段的 也有超戶分開的 也有由他人手中買來的 或由

他人原照內分劈的 彼此邊界 你侵我佔 其中糾葛越釀越多 此次清

丈 原爲正經界起見 保全民戶的產業 你們就該攜帶原照 或是劈契

到清丈員所在之處 把照驗了 就協同地鄰 把界指明 清丈員行細

勘丈 各立封堆 丈完以後 領了小票 丈費就隨時到分局交清 再領

信票 你們本段浮多地 丈出幾坵 可就地備價承領 爲你們永久的產業 從此邊界既然清楚 彼此的糾葛也都沒了 先前的官司也都完了 豈不是好嗎 現據酌河第一清丈分局 報到本總局公事 說上年丈過地畝 原領各戶 合那劈戶 至今未到段的不少 票也沒領 丈費也沒交

簡直是不成事體

那地界處處相連 若本戶不到 不

過是憑著毘連底冊 按畝查丈留出 其中賣買過割彼此分劈的小界 那能夠劃分清楚趕到清丈完事 局子也撤了 誰的若干坵 誰的若干畝 那時再劈 你們更是辦不清 若再鬧起爭訟來 那時後悔可就晚了 還有一層 段內丈出浮多 本是官產 若你們終久不來 也就招戶另放

了 你們遠近的領戶買戶都應知道 趕此時候 趕快到段 把應繳的丈
費或承領浮多的地價 如數繳清 千萬不可再誤 自貽後悔 切切特示

名譽局長金純德

名譽局長何煜

局長杜蔭田

名譽局長于顯興

名譽局長張壽增

中華民國四年五月

日

詳為隆冬嚴寒饑民因迫目覩號哺深堪憫卹爰擬救濟辦法數端業已電稟續陳詳情請

鑒核事竊以隆冬嚴寒饑民因迫目覩號哺現狀實有慘不忍聞之慨爰擬救濟辦法數端業由真電稟請續陳詳情如左

一查本年災疫為害甚重雖經請款賑濟在案但杯水車薪不敷遠甚倘非籌辦平糶力圖善後則災黎萬

難幸獲安全而地方將不堪設想 知事前以平糶需款
請將本縣地照抵押向廣信公司轉借以便開辦惟是時
間促迫緩不濟急擬懇暫由駐湯清丈分局撥款六千元
以資早日開辦則災黎幸甚地方幸甚以俟地照收齊即使
詳省抵借就近撥還一舉數得裨益多焉

一查地方連遭荒歉十室九空迺境內燒鍋竟有五六家之多
值此凶年粟貴如珠而各該燒鍋每日耗糧釀酒專供奢

侈之用尚不急速限制殊與撫卹災黎宗旨大相背馳擬
即詳請暫飭各該燒鍋一體停止營業即以奉准出示之日
起限半年或一年內不得營業以維公益而示限制

一查禁糧出境本非湯原所宜出此但經調查地方蓄積
之家尚有四五十戶擬即暫時禁運出境以備平糶局就
近購買以省運費而節時間以上數事均為目前切要之
圖所有擬行之處是否有當除分詳

綏蘭道尹外理合詳請

鑒核示遵實為公便謹詳

黑龍江巡按使朱

試署湯原縣知事李映庚



為詳請事竊查縣屬清丈分局遵於本年十二月一日開辦業已詳報在案當將奉發文話各告示復由 等 添擬白話通告先期分飭城鄉各警區分處張貼週知暨遴選委員各起並飭將章程則要旨分別研究遵守一面飭農務分會召集各鄉會員分投演說清丈利益并以本年阿屬秋收歉薄准予酌量緩期收價明白勸導去後旋據 等 委員等回稱如果准予緩期收價各鄉均無阻攔等語面覆前來 等 復告誡各起員務須和慎從事並隨時嚴加約束繩雇不得稍有需擾遂於本月十一日分飭各繩起出發赴段開丈去後並無阻攔情事旋因風聞竇榆兩縣鄉民聚眾抵抗影響所及是以各鄉民

亦羣起效尤於十四日鄉民聚集千人來城峰擁至署以今年秋收歉薄民生困難頗連要求停文知事開誠布公剴切勸導謂民力拮据固屬實情惟既准緩期交價在民則無所需似亦無為難之處何必停文飭即解散安度該民等猶不服勸導曉曉不已知事當許以如果地質瘠薄將來定予酌量減價該民等非允停文不可當飭該民等各舉代表赴農會將要求理由具稟聽候轉該辦始各散退嗣以該民既有要求深恐各起在鄉釀事且現值冰雪封地勘丈亦非其時隨分飭各起暫行回城籌議進行辦法十四日間該鄉民等在農會恃眾輒肆強暴知事會同陸軍公團長並督警正擬前往

彈壓間詎該民等竟將該會會長姜渭濱羣毆致傷綁送來署

知事深

恐激成事端猶復力主和平會同公團長反復開導舌敝唇焦始各靜息
當飭該民等迅速解散並曉諭各自回屯安度聽候詳請核示飭遵一面驗得
受傷人姜渭濱左右眼胞及右額頰項頸胸膛等處各有拳毆及手指抓傷數處均
皮破血出左右胳膊各麻繩綁痕左脇右脊背各有踢傷一處右臀有拖擦傷一處均
紅腫又驗得受傷人農會副會長王子明額門近右有烟袋鍋打傷一處皮破血出
分別開單存卷飭醫傷痕務痊一面飭警佐赴本城各店勸令各鄉民回屯安業並
添派崗警會軍彈壓地面維持秩序以防意外之虞迨十五日晚五鐘忽據警

報稱第一起雇員劉樹棠由鄉回城行至城內德勝街被眾鄉民迎截毆打等情
聞報即往彈壓未及出署即據該劉樹棠來署自首各鄉民亦蜂擁前來當
將劉樹棠羈押亮器手槍存庫並飭令各鄉民散去等隨即親往查勘得德
勝街寶生館門首有已死民人那永慶頭部受傷身死訪詢地隣人等僉稱
該劉樹棠由鄉回城行至該處眾鄉民撞遇認係清丈人員即被迎截圍毆劉
樹棠即用身帶手槍施打致傷那永慶身死等語雖時已昏黑撥警看守
屍身候驗回署提訊該犯劉樹棠供詞大致相同惟據稱伊一時情急順用
防身手槍嚇敢一下不料適傷那永慶身死伊即奔逃來署投案等語當

驗得該犯劉樹棠左右上下眼皮各有拳毆及手指抓傷數處均皮破青腫開單附卷除將該犯還押擬辦並傳第一起起員張德潤嚴加申斥立即撤差外嗣於今晨督同檢驗員詣驗屍傷飭屬棺殮領埋業將大概情形先後電稟

巡按使暨清丈總局查核在案本日復據商農兩會代表稟稱為瀝陳苦況懇乞代請緩期清丈以恤民艱事竊土田闕乎國課清疆即所以清賦稅凡屬公民共負義務本不應妄行干預惟本年收成過歉民力實有未逮者謹將本農民困苦詳請敬為我監督覲覲陳之

軍署大電稟積有

注下之處率皆數尺今春雨水又多種地之時尚

種地之時尚

地皆各泥塘空人高且不能行走馬能種直至五月初間方見晴燥

始能種地以致苗生過晚不能暢旺方苗之初生也恰值乾旱二十餘日苗死大

半及至劇地之時正大雨之日半月有餘未開晴霽既因耕種地晚而

為時迫促又因爭僱人而工價昂貴並且阿境自前年荒旱為吳十

室九空民間元氣自今未復籽粒人工類皆息借典鬻頃囊倒篋盡拋地

內希冀秋收歸還不料未稼將成籽粒半熟之日狂風雨晝夜已成之稼碾

落滿地未熟之苗摧折盡死以致收成數薄往年上好之田種谷每畝可得

四五石每谷一石可磨細米五斗今年上好之田每畝僅得一石餘每谷一石出米不過三斗餘具有顆無粒種谷十畝僅得十餘石所在多有不可枚舉至低窪之地以及沿河一帶夏雨淹沒者更不待言矣現在民間打場甫完缺糧乏食已居多數來日方長哀哀衆生轉為活餓殍漫

野即在目前人心惶惶呼籲無門亦知賦稅為國家切要之圖但值此天降凶年民皆失所顛沛流離急待賑恤此時清丈民命何堪再思無計惟有仰懇恩施轉轉請俯察閭閻困苦緩期清丈以恤民難丁茲

國體奉新尊崇憲政凡百庶績皆以民意為轉移我轉模範

溯為懷諒不能認颺焉計算於遲早間也為此匍匐來轅哀切具呈
伏乞恩施轉詳等情前來據此當批仰候據情轉詳核示飭遵掛發
去後正具詳間復據警報稱該鄉民等復將農會及姜渭濱家房屋
器物概行搗毀立即督警會軍前往彈壓
竄散惟該眾民尚逗
留在城守候查該鄉民等恃眾逞刁行為強暴反復鬧導仍不解散
實屬藐法已極除一面督飭警佐前往城內各店切實勸導該民等立
即解散並一面訪拏為首之人按律嚴懲以儆刁頑暨理詳

巡按使暨清丈總局外所有縣屬清丈暫緩進行緣由理合具文詳請

憲台鑒核備案施行謹詳

吉林濱江道尹李

署理阿城縣警務清丈局局長施崇



詳為縣屬學費支絀擬將江通柳通劃歸學校以資補助謹請

鑒核俯賜轉飭事案查縣屬初等高等小學校歷年虧款既已甚鉅而本年春間擬籌款項因受水災又難以起收若不急籌善後辦法匪特虧款抵補無期即擴充學校亦恐無永久堅固之日查民國元年九月間奉

前提學司涂通飭各屬凡沿江一帶遇有柳通江通未曾出放者均應派員調查繪圖呈報劃歸學費以資推廣等因

又前肇州廳龍江府兩處以學費不足曾請將沿江柳通
劃歸學堂經費由勸學所招戶承辦為學校永久基本金
業經奉有通知在案查湯邑河流交錯且又南近松花江洶
為多產柳通之區此次清丈荒地擬請將沿江沿河之柳通江
通前未放出者一律劃歸學校由勸學所招戶開墾為學
校永久基本金所得租糧一可抵還虧款一可大事擴充
雖與

國家收入稍有妨碍究竟所得荒價亦屬無幾庶與學

務前途大有裨益正擬具文詳請間復據勸學員長馬
蔭午詳同前情除批示印發並咨行駐湯第十一清丈兼招
墾分局暨分詳綏蘭道外所有縣屬學子費支絀擬將
江通柳通劃歸學校以資補助各緣由理合具文備由詳請
鑒核俯賜轉飭清丈總局核議飭行駐湯清丈分局勘撥
實為公便謹詳

黑龍江巡按使朱

試署湯原縣知事李映庚



為詳報事案奉

鈞署尹字第一千六百零七號飭將該縣籌辦積谷情形詳報候核等

因奉此

知事

查縣屬向無存儲備荒積谷之舉奉飭前因爰按境內現

在地數共三十三萬四千八百餘畝每畝收谷二升五合除五合變價發商生

息作為建倉及一切費用而外每年可得谷六千七百石以之分倉慎重積

儲如遇旱可收有備無患之效茲經

知事

按照地方情形悉心擬定

本縣義

倉積谷施行細則十二章六十一條除一面遵委董事倉董等着手辦理外

是否有當理合備文詳請

鑒核批示遵行謹詳

吉林濱江道道尹李

計詳送 義倉積谷施行細則一本

雙城縣義倉積谷施行細則

第一章 名稱

第一條 各區倉庫定名曰雙城縣義倉

第二章 宗旨

第二條 建倉積谷以救濟荒歉為宗旨

第三章 機關

第三條 縣公署為辦理積谷總機關各區分倉為辦理積谷分機關

第四章 員司

第四條 總機關設監督一員由知事兼充之分設董事九員由



監督委充之

第五條 各區分倉設倉董一員名譽倉董一員由監督委充之

第六條 設勸導員十員由監督委查學演講各員兼充之

第七條 設調查員九員由監督委各區區長兼充之

第八條 總機關公署設雇員一員專司繕錄積谷一切公牘由監督

委充之

第九條 公署及各分倉各設倉役一名以供積谷一切使用

第十條 備具左列各資格者得任為董事倉董暨名譽倉董

一品行端方者

一信用昭著者

一辦地方公益有年允孚衆望者

一在該地住居滿十年以上者

一有一萬元以上資產者

第十一條 有左列事實之一者不得充第十條第一項各職

一失財產上之信用者

一家道寒微者

一不孚衆望者

一曾受刑事及預戒之宣告者

一 褫奪公權尚未復權者

一 年在二十五歲以下者

一 有精神病者

一 武斷鄉曲確有實據者

第五章 職權

第十二條 監督管理全境一切積谷事宜並有指揮各員司之責

第十三條 董事承監督之命令有籌畫全境情形補助監督辦理積谷一切進行事務之責

第十四條 關於人員之臧否及谷類之出納認為必要時董事承監督

督之命令有臨時調查報告之責

第十五條 倉董及名譽倉董承監督之命令有募積保存貸借

谷類之責

第十六條 勸導員承監督之命令有勸諭紳民俾知積谷利益

之責

第十七條 調查員承監督之命令有調查各谷倉利弊之責

第十八條 催員承監督及員司之命令有

第十九條 各員司對於積谷或有建議時得

第二十條 各員司除催員倉役外均係義

車馬川資等費

第六章 設置

第二十一條 暫照警區每區境內設分倉一處以便民戶就近輸運取携

第二十二條 前條之規定如因區域遼濶認為不便時經監督之許可於

適中地點得設支倉一處但須受分倉之管理

第二十三條 舊有倉廩如不堪用或不敷用時得借就近富實紳商

之倉暫行使用

第二十四條 倉董及倉役等均在義倉所在地常駐經理

第二十五條 名譽倉董時往義倉所在地照料之不得常駐以節經費



第二十六條 義倉之號數暫照警區排列如第一區境內之倉即命名曰第一倉其餘倣此

第七章 募積

第二十七條 每地一晌收谷二升五合以二升交倉存儲五合變價發商

生息作為建倉及一切公費

第二十八條 農戶如地不及十晌或受災區域概行豁免以示體恤其仍

願輸納者聽

第二十九條 各村所積之谷由該村首戶送交倉廩不得稍有推諉

第三十條 送谷之車馬不給腳價但須酌給夫馬川資

第三十一條 如村屯戶數零星之處其所積之谷應送鄰屯求為代送
或聯合數屯組合輸送

第三十二條 每年十二月以前須將谷數積成
前須將谷送至倉

廠以示限制

第三十三條 出人之量器須遵部令製造不得任意大小致有爭執

第三十四條 各戶所出之谷須擇成實者繳納令其耐久

第八章 保存

第三十五條 倉廩之覆蓋及地基須修理堅固以免雨濕土潤致谷有

腐爛之虞

第三六條 倉廩須設通氣窗春秋乾爽之時時常開啟將谷內之熱氣放出以免腐敗但遇暑熱陰雨不得開啟免致濕氣浸入

第三七條 夏末秋初之後將倉存之谷擇乾燥地方更番翻晒但收納須在日夕之時令谷之熱氣淨盡免致毀敗

第三八條 倉廩左近不得堆集一切燃料用防火險

第三九條 每值雨雪之時倉廩附近不得積雪瀦水以防潮濕

第四十條 倉廩之鎖鑰由倉董收執不得交給外人以防抵盜

第九章 貸借

第四一條 年景荒歉發放谷類按當時情形另行核定

第四十二條 谷存經久慮有毀壞可借給就近民戶以便推陳換新

第四十三條 非有左列情形之一者不得貸借

一民戶確係不能播種者

一青黃不接之時民戶確無資力購糧者

一須有確實保證者

第四十四條 貸借之谷按一五加息償還

昭一律而免參差

第四十五條 貸借之戶無力償還由保人負

第四十六條 貸借之數若按人戶計算每人一



第四十七條 摺詐之徒如藉貸借從中漁利者應予嚴懲

第十章 經費

第四十八條 常年經費均由抽出五合變價數內開銷不得稍有溢

支以示撙節

第四十九條 臨時費用認為必要時得稟明監督核准方能開銷

第五十條 各分倉之用款由監督酌量支配

第五十一條 義倉預決算均依照行政預決算辦理

第五十二條 購置關於倉廩之物品須經監督核准並另簿註明

以防遺失而便保存

第十一章 獎罰

第五十三條 應行給獎之事項列左

- 一 募積整齊者
- 一 保存得法者
- 一 貸借合宜者
- 一 不辭勞瘁者

第五十四條 辦理前條各項一年以上不稍懈弛者由監督記大功
一次二年者記大功二次三年者由監督題贈匾額

第五十五條 遇災荒之年特別勞績者由監督隨時酌獎

第五十六條 應行懲罰之事項列左

一募積不力者

一保存無法者

一貸借失宜者

一辦事規避者

第五十七條 遇有前條各項情事之一者一經查覺即行更換

第五十八條 辦理倘有舞弊情節查明即行撤懲

第五十九條 第五十三條至五十八條之獎罰各員司均通用之

第十二章 附則

第六十條 本細則如有未備之處由監督酌量增刪

第六十一條 本細則自公布之日施行

黑龍江省畜牧調查報告書

民國四十八年軍官牧畜場狀況

敬啟者竊

錫編

於十二月廿二日奉派赴各牧畜場調查畜牧情形

日出有赴各專署團軍畜牧場調查畜牧情形
由專署引看各所牛馬厩舍牧地並調查各種畜牧辦法計行三日
場四日以三十日甲有銷產共行八日所有調查事項條具在左

(甲) 牲畜之生活狀態

一、種牝馬之生活狀態

本場繫畜種牝馬九頭種牝馬六頭在牧場外其管理

查其受胎比例、孕育比例及倒裝比例其大管理例示之方、戶候、素
之宜、當、明、該、場、職、業、等、以、便、宜、於、繁、息、上、留、心、注、意、至、其、去、歲、所、生、幼、駒、亦
詳、詳、滋、強、健、馬、母、之、體、系、亦、佳

(二) 種牛等之生活狀態

飼養之法尚稱宜、其、蹄、振、之、飼、水、等、項、委、矣、始、親、見、其、遊、草、施
行政之馬、正、均、不、有、衰、頹、污、穢、疾、病、之、徵、惟、種、馬、中、有、二、頭、不、免、有、搖
頭、撓、耳、等、癖、宜、飭、該、場、職、員、隨、時、矯、正、此、種、馬、則、去、歲、產、駒、三、頭、今、年
受、胎、五、頭、善、矣、即、而、論、該、場、主、任、職、員、受、胎、之、徵、確、實、不、確、實、均、不
確、據、此、則、六、牝、而、產、五、胎、不、知、幾、孕、似、此、繁、息、上、必、有、大、得、特、爾

種牛三頭此二壯一現尚壯者皆被販販種牛三十七頭此九頭壯二十
八頭弱依美利加種其適育立相其體貌似起中歲以上不堪種用之
物概之修自軍用被販販種牛購入本精神之活操操造之自整亦不及

中國羊畜十分之二

(三) 普通牲畜之生活狀態

其餘牲畜則皆分群放牧大雪風雨之際則分圈畜飼馬厰仔二百餘
頭此百方十三壯三十四幼駒方十五匹體格大小外觀而劣劣強強比例
僅微半群約三百餘頭羊群亦七百餘隻亦均分群放牧前年
日本國團小若井農場參觀見其繫畜種壯牛三頭此牛八十餘頭序生幼

一字佈置不俗

(二) 營房

一棟之間土築駁防衛軍隊一排

(三) 治療室

一棟南洋式內建手術檯一張架一地面用三合土築

淺條亦合法

(四) 種牡馬厩

一棟間正南向土壁玻璃窗樞以木建踏到土築口

使之射空氣、直通合衛生要旨掃除甚勤故異常清潔
草由秀楷一馬一夫厩外有牧犬室二間土築

(五) 種牝馬厩

一棟二間土築樞用板窗用低構造不華

而衛生清潔與上相同二馬一牧厩外有草尾場一所

六、馬圈

一所約容四百餘頭建棚六架現在牛馬同樓內有

收夫室一間土築

七、羊圈

一所約容七八百頭有棚十架收夫室六間

八、轆馬廐

一所約容二十餘馬車四輛牛車十七輛供本場運

輸往來之用內有收夫室二間土築

九、井

二眼大者約深二丈徑五尺小者約深四丈徑三尺取水最費

富水質極佳水温九度以井深一丈徑三尺者向上一井距各

廐均道中有葦牆遮其北以避風雪

丙、畜病之種類

(一) 外科病 腫壯者多 咬傷 跌傷 踏傷 垂角 玄尾 而齒 之外
科傷 馬房 則多 蹄 惡腐爛 及一切 外科傷 若冰雪 凍
之際 遂滑 於石 行因 跌致 此脫 心轉 抵折 有流 痰等 症 亦
復不少

(二) 內科病 水潦、候敗 革因 滯在 敗言 類食 傷多 積 腹脹
貧滯 等病 常病 則多 肺 胸 膈 矣 肺 氣 腫 難 產 或 有 等 症、
三四 歲 馬 尤 多 下 頸 脹 腫、 疾 似 為 腺 疫 症 病 及 下 廐 轉 少
昆 虫 之 咬 蛇 之 類 寄 生 寄 難 痊

(三) 傳染病 鴉口疫為羊傳染性一次蹄冠前上部膿液

筋糜爛食不能咽計犯此病者羊百數十隻又付近屯戶

畜牛以傳染性肺胸膜炎 倒斃者常年有之為害不小

(丁) 副產物之種類

(一) 羊毛 年約九萬餘斤 長約五寸餘無光澤甚粗剪量

不豐(羊一頭年不過三斤) 缺乏軟性

(二) 小麥 本場現已墾地三日二晌因土力過貴所產尚青

(三) 秧草 全量仔產十萬餘車 (重約五千萬斤)

(四) 葦草 產量約六萬餘車可供織蓆編蓆之用

五 蒲 俄

成 飼 養 標 準

每頭日量表如下

種別	種別	種別	種別	種別	種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別
種別 種別	種別 種別	種別 種別	種別 種別	種別 種別	種別 種別



食鹽三量方仔隔十日給共一次每次馬兩半
牛一兩羊半兩駱駝三四兩

(己) 場內之野草

(一) 名稱 秧草 三稜草 葶草 桂針草 茵陳

(二) 用途及性狀 秧草為飼料要品本畜馬牛羊皆俱
以此為常食 初夏莖芽可供放牧秋季刈熟可作
乾草宿根地下葉細長扁平莖長尺餘不花不實

(庚) 氣候

最高九十三度最低零下四度陽曆十二月及正二月極
寒風雪甚七八月之間最熱蛇蝎極夥水潦時發
雨量夏季不多夏多南風冬多北風雨雹霜雪秋冬甚
右報告書恭祈

鈞鑒批示存案

詳為核議山巡生計地畝應於官荒段內撥給請鑒核事案奉
鈞署第六七一八號飭開案准

鎮安右將軍行署咨開案據署陸軍部第九團團長袁慶恩



詳稱為本團第三營請撥山巡隊荒地俾資墾植列表請鑒
核事案據本團第三營營長于琛澈詳稱查本營附屬山巡
隊向駐拉哈蘇口子地方該隊兵辛苦備嘗餉糈微薄前蒙

將軍恤其生計艱難復憐其室家之累曾經賞予護照川資
全具遷來家眷以便撥予生計荒地得各安生業該兵等感

敦莫名所有家眷皆經先後由阿龍河遷至該隊駐在地之
附近英額氣頂子山下三麥街地方距景星鎮西北約二百
五十餘里其地即為景星鎮設治區域當經營長赴興安嶺一
勒捕馬賊時道經該地察視遷來各戶已有二十五戶男女丁口已
達百有餘名牛隻馬匹皆足為墾地之資是以代為陳情撥予
荒地該處之荒地向蒙將軍准許撥予該兵為生計之處所荒
雖出放已蒙允將為原領戶撤地換段斯地即分撥各兵等開墾
其牛犂一節除自有之外將軍尚允為借給牛隻似開墾不難

主就時值初冬正宜早為之備轉瞬春融俾其着手開闢是以擬請由三麥街起東南至鳳凰窩沿山麓河流長約十數里寬一二里不等之荒地足資分布是以擬請撥予該隊隊長荒地三方外士兵隨戶皆為撥予荒地二方倘蒙允准庶荒僻伏莽之區而為蕃殖之場且使受領荒地各隨戶丁壯編團自衛列入山巡隊兵冊籍遇事可臨時招集以厚該隊兵力師寓兵於荒之往事於邊要軍事不無小補列表詳請核轉等情前來理合檢同原表備文詳請將軍鑒核

營附屬山巡隊原係招募蒙

應撥給



資墾植除批示外

查照轉飭清丈局核辦施行等因以此合應照撥原奉飭行該

總局即便核議具覆以憑轉咨此飭等因奉此查恤兵恤民同

一重要該處既已放歸民有若撤作兵隊生計必滋糾葛即將

原領各戶另段撥補仍恐無以折服民心此項生計需地六十七

方應飭於



放官荒段內擇腴劃撥期於兵民兩無虧負

所有遵飭議覆緣由理合詳請



鑒核批示施行謹詳

巡按使公署

名譽局長金純德

名譽局長何煜

局長杜蔭田

名譽局長于馮興

名譽局長王杜



吉林巡按使公署飭 第四千八百三十七號
為飭催事案准

農商部咨開本年七月間本部呈復善議森林辦法一
案奉

批令 所擬責成各道尹暨各農會分別善設苗圃之虞應准

照辦即由該部通行遵照等因奉此當經通咨轉飭切實

辦理並將辦理情形隨時詳報咨部備案在案貴屬
各道尹辦理苗圃情形如何尚多未據詳報惟現交咨令

轉瞬春融即近植樹節期播種移栽須費時日向於整
理苗圃事項應請轉飭各該道尹選定地畝安建規畫
切實辦理如之此項技術人員不諳苗圃經營之法或苗本
種子等從購採均應由該道尹詳請咨部以便飭員司指
導或設法散給予種事向地方興業疊奉

諭令

認真舉辦全賴內外相維實力倡導庶足以策進行而免樹
藝相應咨行貴巡撫使查照布即轉飭遵辦並迅將病
理情形詳請咨部備查等因准此除咨復外合亟飭作

該道遵照先後飭文迅速籌設進行並將辦理情形隨時具報以憑轉咨事閩林政毋得玩延切切此飭

吉林巡按使王揖唐

右飭濱江道尹 准此

詳為克山縣踏勘學田地點繪具圖說請予飭局照章劃撥并分別劃留補給肇州大賚兩縣學田事案查前據克山縣詳請劃撥學田作為學校基金等情到道當以該縣屬地政字九十一號并北邊綫夾荒舊有訥河縣學田七百一十五畝五畝前據訥河縣詳請拍賣另購熟地等情已奉

鈞署批飭撥作該縣學田批飭該知事查明聲覆其不足之數仍一面踏勘地點詳請劃撥去後嗣據覆稱遵即派員踏勘共得兩處一三站河南有夾荒一段東至和字段西至印京河南至元二

號界北至呼爾河計縱二里半橫十五里約可墾地九百餘垧
即去歲于德文等八戶與三站民人李秀春等所爭墾之地一三
站迤北南自二百零八號起北至四百一十四號止又平行線南
自二百零九號起北至四百一十三號止計共八排井兩線中間
有夾荒一段南北長四十八里東西寬約五里五繩確係未放之
地現經訥河第一清丈兼招墾分局第十七起員甄佐臣文記
該員現因荒地涉訟聞已停繩無論何人接辦均可如數照撥應
請轉詳

巡按使飭知清丈兼招墾總局轉飭駐訥第一清丈兼招墾分局
查照辦理剩餘之荒宜如何處分職未便擅擬應由鈞座另行主
持是否有當理合檢同荒圖備文詳請鑒核等情前來查所稱三
站河南暨三站迤北兩處夾荒既確係未放之地自應請予飭局
照章劃撥惟該縣屬地政字九十一號井北邊綫夾荒所有訥河
縣七百一十五畝究竟該縣曾否踏勘已否接收現在詳請
劃撥學田是否就此項學田內不足之數而言未據聲明無從懸
揣復經批飭該知事明白聲覆以憑核辦去訖茲據覆稱查飭發

職縣訥河縣剩餘之學田曾經派員踏勘並咨行訥河縣將此項地照移交本署以憑管理旋准訥河縣呈覆據趙前知事聲稱訥河縣夾荒無多公產亦少此項學田仍擬暫留訥用等因復據踏勘委員覆稱地點距縣城較遠經理不易等情先後到署是以請撥職縣學田之時並未將此項飭發之學田算入至今並未接收等情據此查該縣屬地內所有訥河縣學田七百一十五畝五畝該知事既尚未接收又稱其地去縣較遠經理不易應俟飭行訥河縣查明具覆再行詳請核辦至三站河南暨三站迤北兩處夾

荒既經該知事踏勘應請飭知清丈兼招墾總局轉飭該分局劃撥該縣學田三千晌以符定章再該處餘荒尚多道屬肇州尚無學田大費學田亦未足數而本境又均無閒荒可撥應請併案飭知該局轉行該分局就此段內分別劃留再行出放除飭知訥河縣具履疊批示外理合檢同圖說備文詳請

鑒核批飭施行謹詳

計圖一紙

廵按使朱

龍江道道尹何煜



為咨行事前准

貴行署咨以陸軍騎兵第四旅第九團第三營營長
于琛激詳請在三麥街至鳳凰窩等處撥給山巡隊荒塚
請轉飭核辦等因當即抄表飭行清丈兼
覆去後茲據覆稱查恤兵恤民同一重
民有若撤作兵隊生計必



撥補仍恐無以折根民心此項

於該處附近未放官荒段內擇

無虧負所有遵飭議覆緣由理合

呈核批示等

情據此除批示外相應咨行

貴行署查照轉飭施行此咨

鎮安右將單行署

光緒二十六年七月
方
檢
期
比
兩

詳為轉報湯原四年秋收定不及分情形請鑒核事案據湯
原縣知事李映庚詳稱詳為查報湯邑本年秋收定不及分
情形謹請鑒核轉詳事本年十二月九日奉財政廳第五六
零零號飭開為通飭事案查本省每歲收成分數向由各屬
於秋分時節勘報到省彙核轉報歷辦有案現屆四年彙報
之期自應及時確查以憑核辦如該管所屬界內收成不及
五分者在戶部則例為歉應即叙明歉收理由並應趕速遵

照吳歎條例辦理



按署備案并分別咨飭外合亟飭仰該縣立即遵照查明詳
由道尹核轉案關題報要件勿得稍延致干懲處此飭等因
正在核辦間復奉鈞署第七一四九號飭同前因奉此查湯
邑地處窪下枕山面江境內大小支河不下二三十道每值
霖雨時虞水患尤以自冬徂春迭降大雪甫至開江積雪融
化高阜低窪沃水俱盈及至水勢漸退早已逾種麥之期方

期天時晴霽趕種黍穀雜糧俾資餬口詎於五月上中兩旬始以陰雨繼以水雹彼時調查全境播種者十不獲一幸交六月雨水漸少低窪者雖有積水而高阜者農民藉少布種不意七月初交以後連日陰雨至二十八九三十等日大雨傾盆歷三晝夜之久而八月上中兩旬又復大雨不止水勢洶湧江河暴發一圯汪洋盡成澤國其受災最重者如縣屬之臨江宅中西河等鄉平地水深丈餘為歷年來所未有未

稼淹沒廬舍冲塌其次如花市西嶺兩鄉災情亦不為輕低
窪淹沒高阜禾稼亦所贖無幾派員調查計被淹墾地二萬
三千一百一十五畝七畝此外雖稍剩一二加以九月八九
十等日暴雨狂風相逼而來十



前復又風雪大作所

有縣屬高阜地方未被淹潦之禾稼正待收穫盡被挫折籽
粒無存農民望疇哭泣萬狀誠令聞者傷心覩者慘目迭經
知事週歷查勘以全境先後被災情形秋收寔不及分體察
民情大為失望所受浩劫已達極點除將被水成災應行緩

徵地租數目另文加結造報外奉飭前因理合具文備由詳
請鑒核轉詳實為公便謹詳等情據此查該縣上年被災情
形迭經據情轉報在案茲復據詳前情核其情形至堪憫惻
地方疾苦未敢壅於上聞除批示并將分數彙咨財政廳外
理合具文詳報伏乞

鑒核施行謹詳

黑龍江巡按使朱

綏蘭道尹于如典

詳圖均悉查三站河南暨三站迤北兩處夾荒暨據該知
事跡勘明晰確係未放之地所請於該處劃留克山學田
三千垧並將餘荒劃撥肇州大賚兩屬以資補助事尚
可行應准各擬分別辦理候飭清丈兼招墾總局查照
圖併發此批

為飭知事據龍江道詳稱為克山縣兩勘學田地點繪具
圖說請予飭局照章劃撥

云鑒核批飭施行等情計圖

一紙前來除批云此批等因
該總局即便遵照此飭
外合亟檢同原圖飭

附圖一紙

巡按使

右飭清丈蕪拓墾總局准此

詳為巴彥縣賑款應否仍照原撥數目由奉頒款內撥付飭縣賑撫請

核示事案據巴彥縣知事馬六舟詳稱為詳覆事竊於十月三十日奉綏
蘭道署第六四五五號飭奉

巡按使批該縣受災情形較呼蘭蘭西等屬稍輕如尚無辦理急賑之必要
應由該縣就地設法安撫所有前撥賑款即免動用以補助災重各屬仰縣
遵照等因奉此查此項賑款前於九月二十五日奉

巡按使第五二三四號飭給洋一千五百元並於十月三日奉鈞廳第二三

零五號飭准在應解地租款內就近劃撥各等因遵即一面由九月份應解地租款內劃撥三年賬款大洋一千五百元詳報鈞廳在案一面出示宣布德意民間感頌萬衆同聲茲奉鈞廳飭免動用仰見移緩救急之至意自應遵照辦理惟查巴彥災歟連年生計大非昔比知事於本年八月到任伊始適值靈雨半月繼以早霜當時所以止報諸禾受傷甚重未請急賑者以稼未登場收穫尚不知成分幾何並覺此間為素稱產糧之區倘使農民能知耕九餘三耕三餘一即偶有偏災水旱糧食當不至過於缺乏演成

荒年且以被災各戶大半多傍江河而居逆計地畝縱或被淹尚可藉航
漁為生初不料沿江沿河地畝一片汪洋水消後所有禾稼十九顆粒無獲平原
高阜地畝亦復因苦雨早霜每均至多不過得糧兩石且粟少壳多大戶既
苦留食不敷小戶更苦購食無自就目下而言黑山後一帶居民已多有以
糠稗充饑僅日食一餐者至沿江沿河各戶封凍後航漁兩業早經停歇困
苦更不忍言現狀如此來年青黃不接其為窮餓更何堪設想前據
查災委員先後詳報到署復經^{知事}親赴各鄉調查均屬寔在蒿目蚩

祇善策毫無此固由於天災使然亦寔由農民習慣向不知於豐收年歲稍留儲蓄之所致也言念及此深為慨然蓋上年既經歉收本年又復更甚非徒貧者餬口無資即富者亦多出於典當是故前次奉飭劃留之賑款一經公佈所有農戶無論被災與否皆額手相慶以為長官寔深愛我茲奉飭令就地設法安撫前項賑款免即動用留以補助災重各屬在我憲斟酌災區本自一視同仁並無所厚薄於其間在愚民望澤情殷私心未免向隅亦知巴彥人稠地廣水旱頻仍無論急賑緩賑決非大洋一千五百元

所能出水火而登衽席第恩惠出於上施雖一票一將不必人人身受至其
盛德寔有未可言喻者籌思至再惟有仰懇恩施格外將劃留賑款一
千五百元免予提撥仍留縣用俾得分別散放以恤災黎如蒙允准寔為
德便除分詳外理合備文詳請鈞廳鑒核准予據情轉詳施行等情據
此查該縣原撥賑款緣奉

鈞使批示以受災較輕將原撥大洋一千五百元免予動用留備補助災重
各屬等因業經飭知有案茲據詳陳各節尚屬寔在情形應否仍照原

撥數自由奉頒款內勻撥以資賑撫而蘇民困之處出自

鈞裁除批示外理合具文詳請

鑒核批示遵行謹詳

黑龍江巡按使朱

黑龍江財政廳廳長唐宗愈



詳為據實陳覆事中華民國四年十二月二十六日奉

鈞尹第二件零九十號飭開為飭知事業查前據該縣詳送志城懇植公司修正規則並表簿概算等件請核轉一案茲奉

巡按使批開詳及附件均悉既據該民等聲明所領之荒係為民產自應准其創設公司惟查該荒地畝計有七千晌之多面積過廣其中有不無糾纏响數是否相符應由道飭縣調照切實查明詳候核奪不得敷衍搪塞致候將來至此次所送更正公司規則等件尚無不合惟漏送公司註冊稟請書仰即轉飭該公司遵照公司註

冊規則施行細則第三條規定補造詳候咨部立案仰即轉行知照此批附件暫存等因奉此合亟飭行該縣仰即遵照批內所指各節迅速分別辦理具覆以憑轉詳此飭等因奉此遵即轉飭該公司遵照補送註冊稟請書去後一面提取該公司大照詳加調查茲查得該公司大照均係購自同屬民戶只有坐落四至並無胸數溯同竇放荒之時民戶稀零又以地方不僻外戶裏足故名為勘放究之放荒委員並未親履荒界第由局出示招墾遇有報領者既憑該戶指明地點四至隨報大租少許即發給印照收執至界

內實有坵數若干不第該局員茫然不識即該領戶亦從未履
勘以故一照之內僅有大租三二坵而界內佔荒往往有多至數
十方或至百餘方者該公司所購者即係原照其界內坵數不
明自然事同一律至該公司此次所報七千坵之多不過彙集
諸照按地點廣狹自行履視約計言之實亦未詳加勘丈也但
就^{知事}調查該公司所報之數雖未能實符亦所差無幾况現
在清丈已經實行無論其坵數能符與否一經詳勘即不容含
混如有浮多該公司自應遵章繳價倘有不符自應續報立案

是該公司之荒面積雖廣其响數不難立明者此也至其界內有無
糾葛一節查該公司原報荒地六段內有七道河子一段係購自民
戶凌富庠原領之段現有該處墾戶毛殿仁等出為爭執此項訟
案已經全省土地清丈局將原卷發交本縣清丈分局就近處理現已由局
派員前往勘丈無論如何糾纏不日即可消結其餘五段實未聞有界
址不明之說是該公司荒界雖小有糾纏不難立解者此也以上二端應由
會同清丈局一面分段詳勘務求均數之核實一面趕緊結案務俾糾纏之
早消似此實事求是庶不至遺誤將來切懇轉請准予註冊以示維持俾固

基礎餘有何事發生俟再隨時清理為所有遵查志城公司之荒現經清丈其
均數不難明了糾纏亦可速清各緣由除將該公司補造註冊稟請書附送核
轉外理合具文詳請

鈞尹鑒核俯賜轉詳並乞批示祇遵實為公便謹詳

吉林濱江道道尹公署

計詳送

公司註冊稟請書一份

孫知事張允升



同濟縣志城墾殖股分有限公司謹啟

公司註冊稟請書

具稟志城墾殖股分有限公司謹將稟請事項開列於後呈請

鑒核

計開

一志城墾殖股分有限公司設在同濟縣華沙河站

一註冊之要日期核准發給執照以資信守並通行地方官廳保護註冊之事由

本公司股款無限務將所有荒地開墾成熟為終結

一民國三年十二月一日成立

一同賓縣註冊所

志城墾殖股分有限公司


印

中 華 民 國 四 年 月

日

詳為核議湯原縣請將未放之江通柳通劃歸學校應准
由縣價領請鑒核事案奉

鈞署第六十四號飭開據湯原縣詳為縣屬學費支絀請

將湯屬沿江沿河未放之江通柳通一律劃歸學校由勸
學所招戶開墾為學校永久基本全一案除原文免欵外
尾開候飭清丈兼招墾總局核議具覆再行飭遵等因奉
此查各屬劃留學田三千晌為教育基本財產經部核定
有案該縣額定學田已否撥留現未據湯原分局詳報該
縣請撥之江通柳通是否即指額定之學田而言未據聲
敘若以此項柳通抵撥該縣學田自可照准若
定學
田以外再請劃撥則其他各縣局援案以請又將何以應

付况全省預算案確定在先各縣劃留學田案成議在後
全省學田撥竣後預約已在百井之譜所撥又多係擇優
約虧預算收入為數已鉅該縣如於學田以外請留此項
未放之江通柳通應准由該縣勸學所籌款價領以重公
產而維預算所有遵飭議履緣由理合詳請

鑒核批示施行謹詳

巡按使公署

名譽局長金純德

名譽局長何煜



局長杜蔭田




名譽局長于興

名譽局長王杜


詳為招商試辦牧場藉興實業據情轉請

鑒核事竊查黑河道轄區域地廣人稀除金礦產額尚佳養活


邊民不少。此外商銷物品，大抵專販成貨，絕無工藝可言。窮究其原，本地實鮮足供製造之原料，故今日不言振興實業則已。素則墾牧尤為根本之圖矣。夫礦產之蘊藏，有時

而盡，人工之發達，歷久彌增。道尹履任以來，迭與所屬官商

力籌進行方法，僉謂實邊之策，墾殖為先，肥料所需，牧與墾

尤互相表裡。惟近來稅捐日重，生活程度日高，若非

官廳許以特別利權，不敢輕於著手。察核所陳各節，尚屬實情。

當經道尹面許維持。並囑廳縣商會分別提倡。去後。茲據愛璉縣知事孫蓉圖詳稱。案據上海駐黑南祖農業公司經理甘國治稟。為接辦牧場。擬以半價承領。懇請免稅三年。准予轉詳併案咨部註冊。以興邊陲實業事。竊思強國應先實邊。而籌邊宜倡游牧黑河地。接俄封民。鮮土著荒蕪未闢。生計多艱。百貨來自遠方。皮革尤為缺點。且耕以牧。俾盡人力之所能。維羣維特。藉壯邊圉之生色。茲查治下卧牛河有荒山窪甸三井水草豐美。宜於

牧事前經潘知事殿保詳辦牧場批准有案嗣因經費難籌迄未開辦國治挾厚貲以出塞具企業之熱忱擬將是項牧場妥

籌接辦名曰愛琿商辦畜牧公司為



章程地圖稟請轉詳

併案報部註冊可否准予半價承領並將購買牲畜磚木雜糧種籽洋沿農具及一切開辦應用各物經過關卡概免捐稅三年以示體恤而資提倡庶幾啟文明於邊塞戶做家喻示拓殖於隣邦遠來近悅馴



繁盛富庶可期既足為地方謀樂利之一

端亦未始非為國家籌實邊之一助所有擬請接辦牧場半價承
領免稅三年准予轉詳併案咨部註冊以興邊陲實業緣由理合
具文稟請知事長鈞鑒批示祇遵謹稟等因據此查興辦牧場
實為籌邊要圖卧牛河地方水草豐美最宜牧畜前任潘知事
當經詳准劃留荒地三井專備辦理牧畜有案惟以艱於籌款
久未興辦知事前因公經過該處留心查看以如此之大好牧場日
久曠廢殊為可惜屢擬招致紳商籌辦茲該公司既能招集鉅

資承領創辦自應設法維持以為振興沿邊實業之嚆矢至請
以半價承領並購置各物免稅三年各節當此極邊荒蕪辦理牧
養適在萌芽時期尤宜格外優待以示提倡惟事關國庫收

入知事未敢擅



據情詳陳伏乞垂念是禱辦理實業之

不易俯賜允准之處出自逾格鴻施


此檢同原章程地圖

備文詳請核轉計抄章程三份地圖三紙

前不查該縣卧

牛河官荒三井為紳商籌設牧場經

批



准有案閱時已久該紳商等尚未籌有的款稟請開辦棄利
於地誠為可惜茲據前情除批詳悉候將送到圖及簡章分
別存轉此批印發外該公司擬繳半價請領牧場並懇免稅等
情如蒙

俯念實邊要政准予特別維持殊於振興實業前途影響
甚鉅所有招商試辦牧場緣由是否有當理合檢同章程並
地圖各二份具文詳請

鑒核訓示以便飭遵謹詳
計送章程並地圖各二份

黑龍江巡按使朱

黑河道尹王杜



瓊瑯商辦畜牧股份有限公司簡章

第一條 本公司以振興畜牧事業為第一宗旨俟辦有成效即行兼辦墾務

第二條 本公司由商氏集資創設定名商辦畜牧股分有限公司

第三條 本公司設于瓊瑯縣境卧牛河地方草甸內由縣知事詳請 道尹轉詳

地按使批示照領

第四條 本公司資本定額共洋三萬元每股一百元計三百股

股本金額分二期交足每期繳納五十元一次全額繳齊者聽第一期在公司成

立時第二期在五年九月朔日

第五條 本公司為永久存立性質不規定營業期間非有特別事情不能解散
如辦有成效再行推廣設立分公司

第六條 本公司設董事五員監察三員經理一員會計庶務各一員工役若干名
俟臨時酌定

第七條 董事總理全体事務監察稽查全体事務協助董事進行經理承
董事之指揮執行全体事務

第八條 董事監察經理由股東票選但須有十股以上之股東方有被選舉
權董事任期二年監察一年經理三年任滿仍得公舉連任惟董事監察既
係股東祇盡義務以省費用

會稽庶務各員由經理派委如有遺誤經理須負完全責任

第九條 本公司應辦各事秉公辦理發起人不受特別利益

第十條 本公司股本以本國人為限不入洋股並不准售與外人或抵押違者

將原股充公

第十一條 本公司每月開股東常會一次研究進行方法每年開全體股東大

會一次議決分配紅利及其他應行典革事宜會期前一日由董事通告各

股東遇有重要事項須開臨時大會者必得股分總額十分之一以上之

股東同意方可

第十二條 發行股票分為三百號每號票面銀數以一百元為標準

第十三條 股票為記名式轉讓他人時須將承受人姓名住址報告公司記載於股東名簿並將姓名記載于股票加蓋公司戳記方為有效

第十四條 各股東應繳股本以現銀錢為限不得以財產抵作股銀

第十五條 每年息銀按六厘計算此外盈餘紅利分作十成以七成歸股東按股均分以一成提作公積金以一成為經理酬勞以一成分給各員役惟存

儲公積金以達資本四分之一為止

第十六條 股東支取息銀以股票為憑如股票遺失須股東覓取妥實商保向公司請求補發但須三月後無他項纏輻方為有效

第十七條 股東如委託他人代領息銀須先具函蓋章通知公司並將股票交由受託人帶來以憑查驗照付

第十八條 股東會每股有一分議決權如有十股以上之股東其議決以十股為限

第十九條 各股東皆得隨時質問公司營業情形但以能提出疑義者為限

第二十條 股東大會議決盈餘利息及各職員應行造具簿冊等項手續均

應查照公司條例辦理

詳志按稱各縣額定學田均係擇優撥柳通既
非廢荒當世不在學田範圍之內該局擬請抵撥
學田未免誤會惟所稱由縣籌款價領一節事
尚可行應准如擬辦理候飭經蘭道尹移飭湯
厓縣知也并將該縣應留學田依額妥速劃撥
此批

為飭知事核清文兼格壘招局詳報為核議

湯原縣請將未放之江通柳通劃歸學校應准
由縣備領云云鑒核批云施行等情據此除批云
此批著因印發外合飭該道即便轉飭知照
此飭

巡按使

右飭綏遠道尹准此

為詳請事。洪憲元年一月十日。案准商會函開。逕啟者。案據永遠機礮麵粉無限公
司正經理李雨亭副經理綦曉山稟稱。為組設公司。懇請立案轉詳註冊事。竊維東西
各國由商戰業已變為工戰。汽機製造日益精良。人工土製日見淘汰。優勝劣敗已成天
演。邇來俄人擴張利權。在哈埠暨東清鐵路沿綫一帶。機礮林立。以我國之產奪我國之利
吾東省農產向以麥豆為大宗。此中利權又被彼以製造攘奪而去。若不急圖補救。為
害何堪。設想晝夜思維。惟有急起直追。庶為挽回利權之策。第舉重大事業。固非
獨力能成。招股集資。不獨非常困難。尤且難期速效。爰經高等四疏。磋商就緒。會集
資。凡洋五萬元。在公司未成立以前。經全體股東先行用福泰昌名義。以股分作租賃租

債阿城停業恒發裕機磨麵粉有限公司地址房屋機器鋪墊等項組成永遠機磨
麵粉無限公司合同訂明七年為限限滿再行續議惟因機器停歇日久諸多損傷滯
不堪用現正從事修理籌備試演之際俟手續完全即訂於本年三月初一日為開辦
營業之期茲經全體股東推定李雨亭為正經理蔡曉山為副經理先行試辦七年為限
限滿隨時再請續辦公司現仍專製麵粉為業將來如能擴充添設機器製油各
種事業臨時再請註冊公司本店設阿城夫店設塔埠以為銷售麵粉之廠茲遵會
條例擬具公司簡章二十二條營業概算書六本抄錄福泰昌與恒發裕訂立合同各
一併具文稟請鑒核准予立案照章轉詳註冊實為公便計附簡章營業概算書

福泰昌與恒發裕訂立合同各六分等情前來據此相應檢同函送貴縣查照立案轉詳註冊施行計函送簡章四本營業概算書四本合同四份等因正在核辦聞覆准該會函稱據永遠機磨麵粉有限公司稟稱竊查本公司經股東合力集資洋五萬元以股分租賃阿城已經停業恒發裕機磨麵粉有限公司地址房屋機器鋪墊等項組款永遠機磨麵粉有限公司定於本年三月一號為開辦營業之期業經稟請立案轉詳註冊在案茲查註冊規則第三條五萬元以下者繳註冊費二十元稅保俱指大洋而言本公司資本係屬俄洋按照市價折算僅合大洋四萬元之譜今照章備齊註冊費大洋二十元理合具稟送核核轉詳寔為公便等情據此相應檢同並送貴縣查照註冊

并希見覆施行計函送註冊費大洋三十元各等因准此查此項公司係為提倡實業挽回利權起見所擬簡章及概算書合同核與公司條例尚無違誤除批准轉請註冊暨照章扣留註冊費大洋五元並逕詳

按憲核轉外理合檢同該公司所擬簡章暨營業概算書合同各件具文詳請憲台鑒核備案施行謹詳

吉林濱江道道尹李

計詳送簡章一本營業概算書一本合同一份

署理阿城縣知事邱正夔



永遠機磨麵粉有限公司謹擬簡章繕呈
鑒核

計開

第一章 商號

第一條本公司由全體股東組合而成名曰永遠機磨麵粉無
限公司自刊圖章以昭信守

第二章 宗旨

第二條本公司專營機磨製造麵粉為業圖與洋商競爭以挽
回利權發達實業為宗旨

第三條嗣後營業發達再行擴充添設機器製油等項事業臨時再請註冊

第三章 股東

第四條本公司股東姓名住址列左

一哈爾濱福聚興投入資本美洋壹萬元經理人李雨亭山

東黃縣人

一哈爾濱德聚永投入資本美洋壹萬元經理人綦曉山中東

掖縣人

一哈爾濱福和太投入資本美洋貳萬元經理人鮑福堂山東

招遠縣人

一煙台永豐昌投入資本美洋壹萬元經理人王子岐山東牟平縣人

第四章 地址

第五條 本公司在未成立以前由全體股東先行以福泰昌名義以股份當租賃租賃吉林阿城縣已經停業恒發裕機磨有限公司地址房屋機器鋪墊等項組織營業另有合同訂明七年為限限滿再行續議即以此處為公司本店地址

第六條 本公司支店設在哈埠以為銷售麵粉之廠

第五章 資本

第七條 本公司由全體股東共集投入資本美洋五萬元完全繳足並無折扣短欠

第八條 本公司共作資本股七份勞務股四份租賃股四份
統作股份十五份

第九條 本公司營業所獲紅利每年結帳時按十五股先將租賃股四份應得紅利分派外再提出十分之二為公積金以備擴充營業之用餘按資本勞務等股十一份平均分派

第十條本公司因錢法複襍訂明所有資本營業結帳盈虧悉按英洋為本位以便計算

第六章 責任

第十一條本公司定以一年為結帳之期所有盈餘按股分派倘有虧損全體股東按股負完全責任

第十二條本公司所定之勞務股四份係充酬勞執行業務股東之用俟結帳時由股東會議仍按勞績分別支配應享分派盈餘之利益不負虧賠之責任

第十三條本公司所定之租賃股份以股份作租賃仍享分

派盈餘之利益不負虧賠之責任除享訂明股分之利益外
倘無盈餘亦不另給租資另有合同訂明

第七章 職權

第十四條 本公司全體股東推選李雨亭為正經理
蔡曉山為副經理

第十五條 本公司正經理有執行業務代表公司處理財產
之權副經理有幫同正經理執行業務之權倘正經理缺
席之時由副經理代行其職務

第十六條 本公司股東皆有監查公司之權利並負無限之
責任

第八章 年限

第十七條 本公司先行試辦七年為限限滿再請續辦

第十八條 本公司在七年限內所有股東不准任意退股亦不得將自己股份轉讓他人除結帳時分派盈餘外不得挪支款項如得眾股東同意不在此限

第九章 法規

第十九條 本公司所有應負債權債務解散清算續辦進行一切事項悉遵公司條例各條之規定辦理

第十章 員額

第二十條 本公司人員不設定額隨時自行酌設以期活動

第十一章 效力


第二十一條 本章程自公司成立之日即生效力

第二十二條 本章程如有未臻完善之處隨時再行酌改

詳為西布總管公署劃留學田溢額之地應令照章價領或劃出另放
請鑒核事案准西布特哈總管公署咨開准貴總局咨開案准貴總
管咨開案查本署前以學田週年概況報告書咨送龍江道署查核一

案旋准咨開貴處開墾學田將來擬用劈墾辦法則原定三千晌之數
開熟後只餘一千五百餘晌查前據林甸設治局詳開墾學田辦法亦
擬採用劈墾預計三千晌學田開墾成熟僅劈得千五百晌致較各縣虧
少半數詳奉

巡按使批令再由該局籌劃領以符三千晌之數期與他縣相合等因在案

茲准咨開前因正典該局事同一律自應
辦理以符定章而資興

學等因准此除咨覆龍江道外相應咨請貴總局再行俯准由布西未

放官荒內劃撥學田寔荒三千晌以符道咨將來墾熟後得劈學田熟地三千晌之數為此備文煩為查照劃撥施行等因准此查各屬劃留學田經部核定原案係額定官荒三千晌至於咨部文內聲明逾額多領者仍照章繳價以示限制業於三年九月通行在案各縣暨各設治局同此辦理布西額定學田三千晌係於何段劃撥應免地價若干未准繪圖報省應即查明見覆以便列除預算等因准此查本屬學田一在剛字段內仍照章繳價以示限制業於三年九月通行在案各縣暨各設治局同此辦理布西額定學田三千晌係於何段劃撥應免地價若干未准繪圖報

省應即查明見覆以便列除預算等因准以查本屬學田一在剛字段內
宜斯力西南共荒一千零八十晌七扣實地七百五十六晌按一元二角合價計九
百零七元二角一在剛字段內庫木爾東南共荒三千二百零五晌七畝一分五
厘七扣實地二千二百四十四晌按一元二角合價計二千六百九十二元八角共
應免收荒債三千六百元茲准前因相應繪具草圖咨送煩為查照等
因准此查劃留學田各縣暨各設治局額定三千晌經部核定有案布西
已經設治應留之學田自應照額劃撥茲核未圖於剛字段內計劃留官

荒四後統係國老十五畝七畝一分五厘除額定三千畝外計多撥一千二百八十五畝七畝一分五厘此項多撥荒地應由西布總管公署自行籌款照章繳價承領否則劃作官荒另行招放以符定案除咨行查照額定學田另繪一圖見復再行轉請外理合詳請

鑒核備案施行謹詳

巡按使公署

名譽局長金純德

名譽局長王 杜

名譽局長何 煜

局 長杜 蔭 田

名譽局長于 駟 興



詳為具報劃留綏化慶城暨綏楞等屬額定學田請備案事案據第四
清丈兼招墾分局石局長麟詳稱查綏化學田於民國三年在克音劃

留二千晌計正白旗十二井一百晌十二井南河套二百晌正白旗二井南河套一百
响七井夾荒六百晌七井南餘荒五百晌九井南餘荒五百晌以上六段共上等地
一千二百晌免征地價大洋四千零三十二元中等地八百晌免征地價大洋二千
零一十六元又於慶城踏定頗伊潭十三道崗地點劃留綏化學田一千晌以
足部定之數計免征下等地價大洋八百四十元又查慶城縣應留學田地尚
未劃撥茲與縣屬協商於木克東段踏定土門子城場溝兩處各劃留學田
地一千五百晌共三千晌免征下等地價二千五百二十元又查綏楞設治局應
留額定學田該局管轄區域確無閑荒可撥業於勘丈慶城界內踏定頗

伊渾十三四道崗東段地點劃留三千晌免征下等地價大洋二千五百二十元
所有免征各段學田地價統請列除以符預算除分咨外理合繪具各段
學田地圖五紙詳請鑒核備案施行等情據此本局覆核無異除彙案
列除預算並批示外理合照繪原圖五紙詳請

鑒核備案施行謹詳

巡按使公署

附送

克音正日旗劃撥地學田二千晌地圖一紙
慶城額伊渾土去地學田一千晌地圖一紙



廣城本縣城門子屯劃撥學田一千五百畝地圖一紙

廣城頤伊潭十三道南木段劃撥耕設治局學田三千畝地圖一紙

名譽局長金純德

名譽局長何煜

局長杜蔭田

名譽局長于馮興

名譽局長王杜



洪憲元年三月

日

如詳備案候飭綏蘭道尹轉飭綏化慶城綏楞設治局知照圖存此批

為飭知事據清丈魚招墾總局詳稱為具報劃留

綏化慶城暨綏楞等屬額定學田請備案事云詳

請鑒核備案施行等情附繪圖五紙前來除批如

詳備案候飭綏蘭道尹轉飭綏化慶城綏楞設治局

知照圖存此批等因印發外合飭該道尹即便

轉飭知照此飭

巡按使

右飭綏蘭道尹准以

為詳送事本年二月二十七日案奉

財政廳飭開奉

逕按使公署飭開以吉省向來發放森林局自為政并不分別詳咨彼此隔閡漫無限制飭將已放林照區域及承領人姓名務即查明彙案冊報並分咨該管道縣立案等因轉飭到局各等因奉此遵即檢查從前發放林場原案填列表冊以便稽攷除分別詳咨外理合檢同表冊備文詳請

鈞署鑒核備案謹詳

濱江道尹李

詳送林場集

哈爾濱木石稅費總局局長孫德升



哈爾濱木石稅局發放林場一覽表

已放林場地點管轄縣久承辦商人姓名區城里數

帽兒山 同省 縣俄商協結斯 由帽兒山至烏吉密順鐵道兩旁各四十華里長五十六華里

烏吉密 同省 縣同 上 由鐵路對面烏吉密至一號站小站處長各四十華里又由鐵路北面與班達林克連界長二十華里寬四十華里

一面坡 同省 縣同 上 由一面坡至元家池順鐵路長三十華里南面四十華里

大高力山 同省 縣華商楊光輔 在一姑娘站之北即大高力山小站近地方

大高力山 同省 上 華商楊光輔在大高力山西與楊光輔本名林場投界長八十七華里半南長二十四華里北長十七華里

葦沙于河 同省 上 俄商協結斯 在葛羅天至魯加爾天鐵路兩旁各寬四十華里長六十華里

招馬溝 同省 縣同 上 在招馬溝站向西三俄里向東至小站止南北各四十華里

細鱗河 同省 縣同 上 在細鱗河站向東各二十華里南北各六十華里

大小瓦珠河同 賓 縣 俄商葛瓦斯基 在前道縣銀行林場之北即大蛟河及大小瓦珠河各支流

螞蟻河同 上 俄商富利德 在螞蟻河之北南北寬三十華里東西長四十華里

三道窩集寨 興 縣 同 上 在三道窩集附近由鐵路至山脊止順鐵路計長十俄里寬四俄里

未得為此奇站 同 上 俄商別樂為此奇 在未得為此奇小站東北南北長四十華里東西寬三十六華里

三道窩官項房子 同 上 俄商茶中 在三道窩官項房子南溝南北長十四華里東至鐵路西至山

磨刀石站 穆 琿 縣 同 上 在磨刀石站長六十華里寬十五華里

都道一孑站 寧 安 縣 俄商四鄰親 在都道一孑站東沿鐵路長十華里兩旁寬二十華里

橫道河孑站 同 上 俄商歇甫慶春 在橫道河孑站東鐵路南面分面八俄里

海林站 同 上 俄商河結耶夫 在海林站北溝東西寬二十華里南北長三十華里

海林站北溝 同 上 華商黃兆麟 在海林站北溝北五百華里



磨刀石南溝穆稜 稜 縣俄商尼格來也夫 在磨刀石南溝 寬三十八俄里

穆稜河同 上俄商車林卡斯 在穆稜河兩岸西至長嶺子寬二十五俄里東至太平嶺寬三十俄里共長八十俄里

馬橋河同 上華商伍連興 在馬橋河站北溝東西長六十華里南長六十華里

鐵路官林場附近同 省 縣 俄商葛瓦里斯基 在元寶頂子一帶東西長六十華里南北長二十華里

元寶頂子同 上華商楊光輔 在元寶頂子一帶東西長六十華里南北長二十華里

大青川五常 縣 俄商楊光輔 在大青川一帶東南長六十華里南北寬四十華里

二道海龍河寧安 縣 華商成夢聖 在二道海龍河西岸寬各二十華里長達各支流

穆稜河兩岸穆稜 縣 俄商車林卡斯 在穆稜河兩岸與該商前領林場同

合 計 二 十 六 處


華商伍連興
俄商葛瓦里斯基
俄商楊光輔
華商成夢聖
俄商車林卡斯

詳為轉報羅北遵飭填造牧畜調查表事案據羅北縣知事宋錫恩詳稱業奉道尹
第一千零二十三號飭開案奉

巡按使第十五號飭開照得周宣考牧旒旗占家室之祥秦谷開基汧渭植富強之效秦東
西各國講求牧政直與農桑並重誠以畜牧者為致富之真源生財之大道也江省土壤肥沃
水草豐富其地宜牧顧民間牢守舊習聽其自生自長遂致天然美利終成遺棄殊為
可惜本巡按使有鑒於此曾於上年呈准特設牧畜籌辦處並分設各場購種試辦冀以
立其模範然非地方官合力提倡廣為勸導初無以興闢大利此事應先從調查入手究竟各



該地方如畜產之種類牧養之方法需給之狀況購銷之價值以及牧場如何建築飼料如何調劑
疾疫如何預防子種如何購求凡茲各端均宜切實考查用實報告以便次第推行茲特厘訂
調查報告表式三種並於表內各欄加以註釋印發各屬限文到一月內據實填報除分飭外合
亟飭仰該道尹轉飭所屬一體遵照依限具報勿任延宕切切此飭計發表式等因奉此除分行
外合行印刷表式飭仰該縣即便遵照限文到十日內具報以憑彙轉勿延切切此飭計發表式
三紙等因奉此查蘿北草昧初開人民未集非獨牧養之法無人講求即所飼牲畜亦屬無
幾故耕地稅車需用牛馬多半由他處運來其各種牲畜病疫暨醫治方法僅就所知詳為

填註至乙表並副產表係按現在情況據實填列茲奉前因理合遵典頒發表式各造一
分具文詳請道尹鑒核施行謹詳計表三張等情據此
外理合檢同原表三張具文
詳請

鑒核施行謹詳計表三張

黑龍江巡按使朱

黑河道尹王杜



薩北縣調查牧畜報告表甲

牧畜生產狀況 養飼 養食 料病 疫 情 形 用途概況

種類地方方法飼料種類給食數量購料價值病疫種類發生原因預防警治方法
 各屯皆有以
 按東城先食周羊草餵麥
 羊草鈴 每頭每月食羊草每兩斤有乳銀兩
 草三十兩子菜僅百半文各
 大木十兩子大麥每兩子
 凡洋一元
 於此有分別者為
 則飲水不飲行
 之大忌驅馳
 指於獲用對之
 大善小使用即愈

馬 宜食平瀨 羊草 每頭每月每兩先洋一兩餘以草料
 同 上 深茂之草 羊草 二十兩子百半文 不化等症
 瘦用短畜養
 即愈 耕地拉車

羊 無

豚 同上 每百張立文每日為於著練 母口每月為於著每百頭極牙疼 飼喂失時 頭極對耳痛
 加食鹽有藥草 皮等類 五兩子 凡洋五百文 等症 或因食物過 出此即愈等症
 扶出圈外 或因食物過 換去食子即愈
 能飲食

鷄 谷大麥 每隻每月 七八粒 食用

鴨 無

羅北縣調查牧畜報告表乙

牲畜估計 價值 需給狀况 購幼情形 畜牧利益 備考

種類 最高度最低度平均數 常用概數 生產概數 購入情形 應費成本 應得淨利

馬
每匹見 每匹見洋 每匹見現 有一千五百 全年約有 每匹由吉林 購入二百匹
洋百四十四元 洋九十元 六百匹 五六十匹 運費每匹十元上下
無 每匹需五六 每千獲利 一二元
購於境內者馬房因 便於調製批事故 購者甚少獲利無多

牛
每頭見 每頭見 每頭見現 有八九十 全年約四五 由吉林購入 三十頭每頭 運費三四元
洋八元 洋二十元 五十元 十頭
無 每頭需二三 每千獲利 二十餘元

羊
每隻見 每隻見洋 每隻見現 有八九十 全年約四五 由吉林購入 三十頭每頭 運費三四元
洋八元 洋二十元 五十元 十頭
無 每頭需二三 每千獲利 二十餘元

豚
每尾見 每尾見洋 每尾見現 有八九十 全年約四五 由吉林購入 三十頭每頭 運費三四元
洋八元 洋二十元 五十元 十頭
無 每頭需二三 每千獲利 二十餘元

鷄
每隻見 每隻見洋 每隻見現 有八九十 全年約四五 由吉林購入 三十頭每頭 運費三四元
洋八元 洋二十元 五十元 十頭
無 每頭需二三 每千獲利 二十餘元

鴨
每隻見 每隻見洋 每隻見現 有八九十 全年約四五 由吉林購入 三十頭每頭 運費三四元
洋八元 洋二十元 五十元 十頭
無 每頭需二三 每千獲利 二十餘元

向無畜鴨之家 故未填列

考查全境多係佃農 墾戶並無蓄羊之家 故未填列

蘿北縣調查牧畜副產品報告表

種類	種類	用途	途價	值銷	產
					品
馬					
牛					
豚					
鷄	鷄	那	食用	三四分	每箇見洋
					本境

備

考查全境養馬之戶遇有倒斃全體掩埋向不
售賣皮毛未內無從填列

考查全境畜養牛隻專為耕墾使用向不屠宰
故無皮毛售賣表內無從填列

全境屠猪甚少故無收買猪鬃猪毛之家各屠
戶均皆拋棄表內故未填列

考

為轉詳事案據景星設治員李暹詳稱竊設治員前因本屬西境新到墾戶甚多亟待安插而歷年與蒙旗生計地糾葛亦應速為清理當將親身查勘及前赴王府交涉并離局日期具報在案遵於上月二十八日馳赴本屬西界週歷查察見該地新到墾民二十餘戶皆携有犁杖當即指撥泉眼溝六九山夾荒各一段共計三十餘方飭令分投墾井蓋房一面并將應行接濟佔墾各戶查明開單取具連環保結咨送駐景招墾分駐所照章資助促於本月內外從事開墾旋又轉赴各喇嘛廟暨各蒙民生計地界查察

一週以為清釐糾葛之根據原擬於安插墾民之後即赴札旗王府辦理生計地交涉嗣因凍解路濘不便前往乃於本月六日回局照常視事一俟道路可行仍擬親赴王府辦理糾葛除安插佔墾各戶統俟各段辦竣以後再行開具花名詳報等情據此除批示外理合詳請

鑒核備案謹詳

巡按使朱

龍江道道尹何煜



具稟同賓縣公民

張文衡
張殿臣
王樹椿

等為稟請示遵事竊查吉省土地清丈命令頒發

各縣設立分局按地行繩當此饑饉年間日不聊生之際獨我縣屬人民尚能依法驗照領界勘丈者以奉縣知事開誠布公詳細演說猶蒙詳請

列憲分別允准減緩地價故耳然利於民即不利於公是以數月之久地若干收入毫無此固執行公務者困難萬分無可如何者也惟現值春耕按地行繩雖有繞越之規定不無踐踏之處春耕一失秋收無望各鄉人民正擬聯名請示開忽聞縣公署張貼布告以奉

軍
按憲電飭停文俟陰曆九月禾稼登場再行一律行繩民等披覽之下

無不同深忭舞感戴

列憲愛民之至意前副局長龍業已整理交代遵飭回省不意於上月三十日各起員傳知民等仍行領界勘丈細詢詳情得悉由分局函知清丈仍不停辦新副局長李炳文於奉文停丈後仍行到局視事竟欲步武前規繼續進行民等聞此新令驚駭萬分莫名竅要前日奉文停止今日奉文施行命令變更不致如此之速孰是孰非實屬難從一面遣人領界一面來局稟請復蒙李副局長招集面飭清丈不停辦雖未奉有明文

伊在省已奉

列憲面諭已施行之縣分萬不能停止等語恭讀

軍

按憲電飭清丈停止為民力無暇格外體恤指全省而言並非以同賓為例外也而副局長李在於奉文停辦以後仍然接事進行核與

列憲體念民艱之命令不免背道而馳况奉

列憲電飭清丈停止副局長調省起員擇優送所傳習分局應有事件專交正局長經理有官荒旗地城鎮街基之縣分酌留一二起員由縣知事督率陸續進行云云該副局長李不但不肯回省而且入局接事一致進行不知其意何居如云清丈旗產本縣並無旗產如云清丈城鎮街基本縣城內基

地去年開始行絕業已文訖其餘各屯鎮基地均係民間照地按年封納租捐斷不能以國有基地論也又云又放官荒我縣土地雖未盡數成熟第清賦四五次均已按段頒照雖各照內不無浮多各縣皆然如無浮多此次清丈何為並無成段官荒亦無成段開荒堪歸國有者以上三項地畝本縣一無所有而該副局長竟有懸棧不肯歸併之舉何也況且分局多設一日多得一日之開銷民間本無款度生收費一層勢難作到國家當此饑饉年間收入頓減又難於補助已銷之款尚無法彌補而再支經費將何以為繼該副局長不顧國家之現狀不體

列憲之用意不察民間之疾苦公然任事專為營謀薪餉位置私人之囊篋實為國家地方第一大障礙况我

列憲命令一出傳遍全省盡人皆知彼縣停辦此縣進行相形之下怨譴頻生時下各鄉人民以清丈停又不停暴動風潮躍躍欲動當此國家政

治變更之際安服民心為第一要務我縣上年開辦伊始風潮四起良莠

不分幾致釀成意外百計安服始克進行民等近在咫尺知之甚悉誠恐再蹈前轍地方治安誠有不堪設想之虞情急勢迫是以不避越俎

之咎冒昧稟陳伏乞

憲台鑒核批示祇遵如蒙 俞允懇乞速為電飭該副局長李炳文即
刻回省以安民心而保治安除分稟

軍
按憲外為此謹稟
局

吉林濱江道尹公署

張文衡

張殿陛

范炳寰

王樹橋

李紹唐

曹城志

徐桂丹

孫耀庚

王炳辰

張殿魁

陳繼周

張珍玉

周義以

梁珍亭

張振東

公民等

任文玉 徐萬鵬 常仁中 李鳳閣 陳顯亨 倪德寬 趙翰卿 趙成功 史采風 郝玉堂 劉雅庭 張元泰 藍珍木 王子斌 王德玉 忠

李璞玉 郭惠東 李廷文 霍殿芳 譚雅庭 吳振東 劉國琛 沈廷金 于龍寶 楊長春 劉振鏞 張廷殿 毛殿祥 黃文萃 劉鄉魁

為物知子桑按法文並招墾總局詳稱桑按前龍內
招墾局全幫辦疏麟詳稱家查典與家旅東遼河為
雲雨天已放未放荒地幅帳寥廓久為空曠已放之
地在餘戶知大地點天為五十五一二未放之荒又因僻
在邊鄙人多視為畏途設如擇地設局辦理招墾事
宜殊不遠以促墾殖而察邊圉亦幸局長鈞簡出於
於主為款用人章程并備送進加核算方因這酌
和招墾簡章并概算等詳請呈核示遵施行等情

按此查興安縣東遜河亦係龍門該局於民國三
四五年出放原係各戶竟至不知其地且亦放換社放
業定章第九條之規定將以察有未合但前各員
于該地現任佃賦而自誤錯誤已成過去事實已
未外以之原係各戶此次若不持要該局皆與社
並行則利棄於地終之云然殖之望惟龍門招墾局幸
各員開辦之初業將此項荒地規定在該局區域以內但
龍門亦放四換業區土曠人稀招集各插已於一二年所結

病後而蘇東之遼河區匪徒追遠龍石案甚難推測
吐羅房烏拉嘎河以北之烏雲區業經湯原十一分局
附設之龍北分駐所協起勦未完畢查該區匪蹤北
三百餘里若由十一分局或龍北分駐所協起勦亦有鞭長莫
及之虞以上烏雲遼河兩區自應另組機關不單以資
便捷而便進行茲擬於溫河鎮設立招墾分局區漸推
行於遼河區各縣兩區招墾督墾事宜其湯原已放之
案即將異連冊送溫河分局督催原戶開墾其未放

出之地亦將已去。查國咨送詳核放承蒙核准即派
委奎麟前往試辦以資熟手。將原呈修正彙集改
編再候奉示。另文請查辦所有各處漫河招墾分局
係由理合附抄文件詳請呈核批示施行。等情。核此
係批詳查表簡章。概算均悉。核批設漫河招
墾局。徑進烏雲。避河兩區。業經自係為發達墾殖起見。
惟查羅北和距榮澤西約一千一百里。地當通商。路線東
長。漫河鎮地方。適中。現擬撥地。前周在該設民有原業。

添設烏雲該處局以管轄理後轄區域大致東臨黑龍
江西界與吉林南抵寧興鎮迄南烏拉嘎河北至克不
木河龍門已放業果業任規畫妥協分別咨陳飭行
存案其遼河與福壽遠闊僻在旗東龍愛瑯烏雲
各旗局均屬鞭長莫及且參與未詳及該遼河松壘
均已易文物身全缺麟為該局者惟遼河亦已歸龍
門招聖局去放餘戶現難即時到案若遷另招聖戶
恐多窒碍所有擬片即由原送簡章第四條之規

定辦理一面仍將烏雲所屬批放道幹旗基及烏
 雲北西等喇嘛旗批墾局撥放以便安置現業墾
 戶另置批墾遊河松墾局由北而南烏雲所屬
 自南徂北而為批放荒地皆以雅溫河旗為界
 河百里新設之遊河旗為界以免彼此參雜致多
 凡烏雲全區荒地均係批墾不准墾官地
 批墾例每犁一具准撥墾四方於墾戶實行墾建
 房墾者予之日給撥批墾小業暫緩交係限年墾
 墾至第三年交半係第四年交全係由局分別

給予收條執照以便營業倘定限屆滿並未營業仍
行撤地另放此皆係進行自可杜絕條議以及條而不
聖之樂原如附加經費現難辨別應即由原區執
算數目營部請予追加至詳細章程區圖及新子
機限應由該區局查該區人員分別查逐若其
詳務務委仲即送區並轉行龍門招望局湯原
第十一分局知照仍應分送

營商部查核登飭烏定設治員巡河松壘局查報
內務部查核登飭烏定設治員巡河松壘局查報

送與五候飭財政廳備辦道及里河道飭飭安
彈羅北兩孫知也表及核算簡章均暫存此批
甘因印發並分行外令飭該道尹即便轉飭遵照此飭

巡按使 朱廣瀾

右飭黑河道尹 准此

吉林巡按使公署飭 第千台字號

為飭行事案准

農商部咨開接准咨稱轉據詳稱商人李雨亭
集合羗洋五萬元在阿城縣地方設立永遠機磨麩粉
無限公司具報章程合同營業概算股東名簿懇予
轉咨註冊據情咨請核辦等因前來查該商所具
章程等件關於公司組織大致尚合准予註冊相應
填發執照一紙咨行查照轉給具領此咨附註冊執照

一紙等因准此合亟檢用
照飭仰該道尹即便轉飭
給領可也此飭

附發部照一紙

署理吉林巡按使郭宗熙

右飭仰濱江道尹准此

為詳轉漠河設治局遵飭填送調查牧畜報告表事前奉

鈞署第十五號飭發調查牧畜報告表限一月內據實填報一案遵即分
飭各屬查報去後茲據漠河設治員趙春芳詳稱竊於本年三月十日案
奉道尹第一千零一十八號飭發下調查牧畜報告表飭局查填一案除原
文邀免減敘外尾開合行印刷表式飭仰該局即便遵照限文到十日內
具報以憑彙轉毋延切切此飭計發表式三紙等因奉此遵即按照頒發
表式查填完竣理合備文送請鑒核批示存轉施行謹詳計送表六張

等情據此道尹覆核無異除將原表各留存一份備案并批示外理合
檢同原表具文詳請

鑒核施行謹詳計詳送表三張

黑龍江巡按使

黑河道尹王杜

漠河設治局調查牧畜報告表 甲

牲畜生產牧 養飼 養食 料病 疫情 形 用途概況

馬

全境計一 無牧場均係商 芬大衆 每區每月計食 芬大衆每兩子 馬症以糞因患此之際 糞草已供不應求 酒明此處無水 用

百七十匹 民在家育養

豎草

芬大衆十五兩 每兩子先 洋三角五

截為最多 食草過多而生

酒明此處無水

牛 無

羊 無

豚

全境計七 無牧場係商 豆餅豎 每口每月 豆餅豎子先洋 豚眼症最 得此症須 商民養豚預備軍 用刀割 食亦間有販賣者

十八口 民在家育養 黑黃豎 均食五兩子 子均先洋二元二

全境計一 無牧場係商

小 未

每隻每月 每兩子先洋 食半兩子 二元二角

商民養雞預備軍 食亦間有賣者

雞

百九十隻 民在家育養

鴨

漢河設治局調查牧畜報告表 (乙)

牲畜估計價值需求狀況採購情形牧畜利益

備考

種類 最高度 最低度 平均數 需用概數 生產概數 購入銷 售 應費成本 應得淨利

馬
 每匹差 每匹差 每匹差 全境現有
 洋二百 洋四十 洋一百 馬一百七
 元 元 二十元 十匹
 無
 由吉地 林購入
 平均每匹 每匹除去成
 價差洋六 本應獲淨利
 十元 洋五十六元 費者
 查商民所用之馬 多係自用並無販

牛

豚
 每口差 每口差 每口差 全境現有
 洋五元 洋十五元 三十元 豚七十八口
 無
 由江莊俄 在漢河
 境購入 呈銷
 平均每日 是洋二十元
 每口除去成本 查商民所養之豚
 均應是幼別 多係自己宰食是
 是洋十餘元 無大宗販賣者

鷄
 每支差 每支差 每支差 全境現有
 洋二元 洋四角 洋七角 一百九十隻
 無
 由江莊俄 在漢河
 境購入 呈銷
 平均每隻 是洋五元
 每隻除去成本 查商民所養之鷄
 平均應獲淨利 多係自己宰食其
 利是洋二三元 無大宗販賣者

鴨

漠河設治局調查牧畜副產品報告表

牲畜副

產

品備

種類種

類用

途價

值銷

路

馬

馬尾馬鬃

馬尾可作繩 馬尾母的毛

江以北俄人買

馬鬃可織雨 洋西角馬鬃

者最多

每斤美洋三角

牛

豚

諸鬃

諸鬃可織 絨布

諸鬃每斤 美洋一元

江以北俄人買 者最多

鷄

鷄子

鷄子為食

鷄子每個毛

漠河街既江 北俄均能 銷售

品中最佳者

洋三分

鴨



考

為飭知事案據清丈兼招墾總局詳稱案奉鈞署第二三四
七號飭開據綏東城縣佐涂廷協稟稱窵查綏東全境原放
荒地二十餘萬晌現在丈出浮多暨原有未放各段約十餘
萬晌此次應納地價各費每晌以一元計算約共三十萬元
有奇以荒榛未闢之區而預增三十餘萬之擔負民力有限
其何能繼兼之上年春夏多受水患水患之後繼以畜瘟畜
瘟之後又被霜災目前生計艱苦異常如不設法維持則已

經到段之戶恐不免流離失所而現在未到之戶必致因而
裹足匪特地方發達永無希望且於邊務前途大有妨害擬
請將綏東全境荒價援照從前訥河暨現在廢城兩縣分年
收價并限期促墾各辦法藉紓民困以資招撫在國家收入
不過暫緩一時而社會經濟即可藉以流通按諸招墾寔際
亦相符合較諸移民政策尚須由公家籌款補助者尤為事
半功倍是否有當伏候鈞裁示遵等情據此除批稟悉該處

荒價分年收納係為体恤民艱起見所擬甚是候飭清丈總局核議復奪此批等因印發外合飭該總局即便遵照此飭等因奉此查綏東民欠價費該縣佐請分年緩收自係為体恤民艱起見惟查綏東原放地畝從前僅收勘撥經費此次清丈每畝令原戶補價六角原較各屬地價為輕至此次承領淨多暨報領新放餘者非本省富有蓋藏之家即外籍携有資本之戶上年災歉損失在土著貧苦之農民而不在外

省購荒之領戶若一律准其緩年交納殊不足以昭平允前
據湯原分局電請以湯蘿兩屬民欠十萬元改作民戶借貸
之款當經詳奉鈞署批准并經本局飭令妥訂章程專以湯
蘿原領各戶之已經到段蓋房鑿井開墾者為限是貸款之
籌備即所以體恤在段之災黎現在該分局裁撤在即兩屬
民欠自應分別催收以期結束其撤局未能收清之款再行
另擬辦法詳請核定該佐治員所請一律分年繳納碍難照

准除飭湯原分局知照并迅將貸款章程會商縣署妥擬覆
奪外理合詳請鑒核批示施行等情前來除批示外合亟飭
仰該道尹轉飭遵照可也此飭

巡按使

畢桂芳

右飭黑河道尹准此

中華民國

國

五年

六月

廿日



日

詳為轉報劃留肇東縣額定學田請備案事案據第三清丈魚
招墾分局于局長駙華詳請肇東縣應留學田三千晌分
局所丈界內實無大段餘荒足敷額定之數現就肇東縣原留
學田丈撥上等熟地一千七百四十七晌每晌十元零八角核
免地價大洋一萬八千八百六十七元六角應請列除預算其
尚應補撥一千二百五十三晌應請飭由訥克等段照數撥留
合併陳明等情據此當經批准照辦并飭駐訥第 一 寫 查 照 辦
理在案茲據該分局支局長壽銘詳稱分局遵查政字二百七

十八號身內有餘荒一千二百六十九畝地稱膏腴劃留肇東
縣學田一千二百五十三畝外去不可墾十六畝每畝按七扣
核價共計免收大洋四千九百一十一元七角六分應請列除預
算除咨行外理合繪圖詳請鑒核備案施行等情據此查肇東
縣額定學田既經先後撥足應准備案除批示外理合照繪原

圖二紙詳請

鑒核備案施行謹詳

黑龍江省長公署

附 肇東縣又昌字五井刻留學回地圖一紙
由洮河南段政字二百七十八號井刻留學未縣學回地圖一紙

名譽局長 龔金純 德

名譽局長 張青 增

局 長 杜 蔭 田

名譽局長 于 勳 興

名譽局長 王 杜



為詳報事業據縣境警察第八區詳稱據區屬二分所管界馬鹿溝等屯眾戶來
區報稱於舊曆五月十三日陰雲密布電驟至將民等所種田苗均被電打成災
秋收無望者核計共地三百一十四垧之多請轉報請緩租賦等情由區詳報前來據此
遵照勘災條例隨赴該區勘驗狀況實在被電成災惟輕重不等除詳報

吉林巡按使暨吉林財政廳查核外理合先將被災大概情形備文詳請

鑒核批示祇遵實為公便謹詳


吉林濱江道道尹李

中華民國五年七月十六

日雙城縣知事魏紹周



詳為轉報通河分局出放鳳山鎮鎮基辦法請備案事案查
本局前據駐通河第十一清丈兼招墾分局詳稱案查分局前
詳擬由鳳凰碯子地面改名鳳山鎮開放鎮基請鑒核示遵一
案奉鈞局批開詳圖均悉該局擬於鳳凰碯子撤已放未墾之
民地改放鳳山鎮鎮基係為振興地面起見自屬可行仰即妥
擬分等出放價格並繪具街道丈方詳圖覆候核奪等因奉此
遵即親往該處查看



照南北二里東西二里半將鎮基分
別文明共佔民荒五方除去街道城圍校基公地計可放上等街

基五萬七千八百八十丈方每十丈方收正價大洋五角合收大洋三千一百九十四元中等街基六萬七千七百六十丈方每十丈方收正價大洋三角合收大洋二千零九十二元八角下等街基八千二百五十六丈方每十丈方收正價大洋一角合收大洋八十二元五角六分以上三項街基正價共可收大洋五千三百六十九元三角六分惟該鎮街基沿岔林河西岸正當水陸要衝故甫欲出放而領戶頗見踴躍正可酌收加價藉以籌集招墾經費查本局經費係由清丈預算剩餘項下開支原案

十個月經費截至本年八月底止然彼時招墾放荒正在進行之際勢難中止若非寬籌的款則招墾機關無以持久即招墾事業亦必廢弛局長查酌地方情形擬請將鳳山鎮上等街基每十丈方收加價大洋二元中等街基每十丈方收加價大洋一元下等街基每十丈方收加價大洋五角共可收加價大洋二萬零一百六十四元八角局長每與各領戶接見不憚再三諮詢故敢酌中定擬分等加價不但招墾經費可以籌集而於地方發達亦無窒碍如蒙允准再由本局編具收支預算書

詳請追加立案以便出放而事經營所有擬具鳳山鎮鎮基
分等出放價格是否有當理合繪具詳圖詳請鈞局鑒核示
遵施行等情當查該局所擬鳳山鎮鎮基分三等每十丈方徵
收正價價格核與定章鎮基浮多定價相符應准照辦至
所擬按等加價作為招墾經費自屬可行但此項加收之費
應撥各屬成案改為領戶報効由該局刊發收據免與庫款
相混仰將收支概算書迅速送核以憑轉報備案等因批示
去後茲據該分局覆稱查此項鎮基係由本局兼放無庸支

款除將報効經費另文編具收支概算詳送外理合編具鎮
 基收入概算書詳送鈞局鑒核施行再者似此條借用高等
 檢察廳之印合併聲明附收入
 准照辦並將概算存局彙案
 鑒核備案施行謹詳

省長公署

附圖一紙



名譽局長金純德

名譽局長張壽增

局長杜蔭田

名譽局長于馮興

名譽局長王杜



詳為陳明籌辦牧畜經過事實擬改籌辦處為模範牧場附營
墾植並請另撥常款以期經久懇請

鑒核示遵事竊本處於民國三年八月開辦先後由

公署發給籌辦牧畜開辦費共大洋十萬零五千八百六十一元
九角一分當即擬具簡章編造預算書奉

核准咨

部在案惟開辦伊始諸事草創所有採估地點修建房屋圍
築圍牆搭蓋厩棚購買牲畜鑿井做槽等費均在在需款故未
敢過事鋪張至牧畜方法雖各國均著有成書而用之本地相
宜與否尚須先試驗而後實行政故未處於所擬簡章第七條牧

法一項曾經聲明處用新法牧養一時恐難辦到仍擬沿用本省習慣法逐漸參以新法以圖次第改良等情亦在案計未處自開辦以來共設三場第一場先在省東九道溝東沿嗣以地勢不宜現已移於省西北百八十里歸驛山地方從新建築事務所一棟計正房五間牧夫室一棟廂房五間幼畜育成室四間牛馬廐棚二十二間圍牆一百七十七丈牧地一萬五千六百餘畝第三處設於省西南百四十里奇克奈地方建築事務所一棟計正房五間幼畜育成室一棟五間牛馬廐棚十五間圍牆一百三十八丈水

井二眼牧地一萬一千三百狗第五場先在索倫山係歸宣撫局
兼解近因管理失宜損失過鉅加以道途寫遠兼顧為難曾經詳
請批准收歸第三場合併牧養統計三場現存佳種牛七百二十
八頭馬六百八十五匹羊一百五十五隻俱經按季造報有案其
第二第四兩場因无適當地点尚未設置計自民國三年八月
起至今經營學畫已粗具規模幫解上年十二月到處迄今亦
六閱月參酌各國成法証以本地習慣詳驗現存牛馬羊隻周
勤各場地点所有本處經過事實均尚可觀惟改良辦法

及時進行查各國對於牧政其在軍政方面則有馬政局有軍馬補充部有種馬牧場有種馬育成所陸軍獸醫學校其在農政方面則有畜產局有種


種所且大學高等牧畜設為

學與農林兩科並重力求改良

遺餘力我國牧政廢弛日久雖極力經營不過萌芽方始萬不

能與各國解有成效者驟爭美觀亦未嘗不可仿而行之江省

牧野天成草肥土壯馬牛羊隻素稱繁盛只以墨守固習竟



一聽其自生自長無論軍用馬匹絕少佳產即農飼牛羊且日見凋零發展無望長此以終可惜殊甚現在本處籌辦牧場基礎既已成立自未便仍用土法茲擬將籌辦處改為模範牧場駐址即在西布特哈所屬之歸驤山地方與第一場合併作為總場其第三第五兩場之在奇克奈合併收養者作為第一分場先於總場附設種畜所實行配種擬以西布特哈為配種實行第一區域俟有成效再行推廣務期達到養成新種畜之目的并就本場附近利用場內牛馬從事墾植以為補助

冬春兩季草料之用、其在籌辦期間、需過經費、及建築房井
 鹿棚等項用款、應即於實行改設模範牧場以前截止、以清款
 目、而副名賢處長純德幫辦馮福一再磋商意見相同、惟此次改設
 模範牧場常年經費、每年約需大洋一萬七千餘元、尚無以

否答

部指撥、抑或由省另行籌給、以資經久之處、出自

鈞裁、抑有陳者、處長奉委籌辦牧畜、近將二年、幫辦到處裏理

亦經六月、凡改良之方、繁殖之術、無不詳細研求、苟能認真

經營堅持不懈上益國計下便民生其收效雖不敢謂計日可待而
有利無害發達之期望實在意中倘再附以經營墾植似尤
足以輔牧政而闢利源也愚見如此未識當否所有擬將牧
畜籌辦處改為模範牧場緣由理合擬具簡章編造預算

備文詳請

鑒核批示施行謹詳

黑龍江省巡按使畢

牧畜籌辦處處長金純德



牧畜籌辦處幫辦張錫福



詳為第七分局查覆甘井子一帶并無大段閑荒可撥收場請鑒核
事案據第七清丈兼招墾分局馬局長振銘詳稱案奉總局飭開案
查前准牧畜籌辦處咨開案查本處第一牧場原擬與軍畜牧養場
同設於九道溝子嗣以該場界狹不敷分用詳請

巡按使另行採地收放茲已採妥布西甘井子東北一帶閑荒東至嫩江
西至河倫河南至莫力科北至官荒水草適宜堪作收場除詳報并分
咨清丈第七分局外相應備文咨行貴總局請煩查照施行等因并奉
巡按使公署飭同前因查此案前以擬留第一牧場本總局無案可稽所

指布西甘井子一帶開荒究竟面積若干有無已放民地在內未准繪圖咨送無憑查核該段係何等次應免地價若干咨請查覆去後茲准覆稱查本處第一牧場改採於省城西北甘井子教寶山一帶東至嫩江西至阿倫河南至莫力科屯北至布特哈未放官荒全場面積二萬八千四百九十晌零七畝查該處係甘井子前放之荒茲按照原放章程每晌大洋五角再按七成折合共計應免地價大洋九千九百七十一元七角四分五釐惟內有已放逃佃之荒未經清丈尚不知若干一俟劃撥清楚共有荒地若干再行咨明相應繕具草圖一份備文咨送貴局請煩查照施行等因前來

除分行外合亟飭仰該局即便查照飭赴勘撥具報并原咨所稱內有甘井子已放逃佃之荒究有若干何時出放曾否報者有案詳細聲覆計發原圖一紙等因奉此當即飭由第八起起員張永祥遵照丈撥去訖茲於本年七月十一日據該起員覆稱起員於本年丈到該處當即會同甘局引界人員並甘井子佐治局佐治員趙德輝指稱該處並無大段官荒等語嗣經挨段驗照勘丈計共丈過該處東段原放荒地二千餘畝其西南一帶丈過原放荒地一萬餘畝甘局續放荒地四千餘畝其中尚有撤佃等項荒地三千餘畝清丈到段經各戶領回者實居多數以上統計原放續放荒地一萬九千餘

响段內並無逃佃之荒所剩零星官荒為數無幾實不敷劃留牧場等情詳
報前來查該員所稱該處除原政績放荒段外所餘官荒無幾不敷劃留
牧場等情尚屬實在情形理合具文詳請鑒核分別詳咨施行等情據此
查原指劃撥牧場地段既經該局勘丈明確多係已放之民地所餘零星官
荒為數無幾不敷劃留牧場自應取銷原議除批覆并咨牧畜籌辦處查
照外理合詳請

鑒核施行謹詳

黑龍江省長公署

名譽局長金純德

名譽局長張壽增

局長杜蔭田

名譽局長于駟興

名譽局長王杜



呈為會同勘報災數事本年七月三十一號案奉

鈞署毅字第一千三百一十四號飭開案奉

省公署批發該縣詳報縣境第八區田亩被雹成災副詳一件

批示內開詳悉仰濱江道尹迅即遵派委員會同該縣復勘明確審定被災分數依限造冊加結

詳候核辦此批等因奉此除委福委劉壽勳備圖復勘外合飭該縣即便遵照依限會同詳報以便加

結轉詳此飭等因奉此遵即會同親詣各災區覆勘被災地畝數目核與原報均數其中不無歧異緣

雙城地畝完納租賦有向按七成折扣者本年報災均減實數填造且有原報地主姓名並被災地名與繳

租底冊種種不符造報殊形棘手等語等此次赴段覆勘時帶同徵租催員詳細詢問隨代更正折

扣迨至四著復按繳租底冊核對清楚除將被災較輕各戶現時未獲陽茂免請蠲緩外其餘通計淨被災
地一百九十五垧三款業經遵照報災冊式填造繕齊理合檢同災冊切結會同備文呈報伏請

整核加結匯轉
施行
再查部定勘報災數條例內載
勘造再兩限共計三十日
以委到

雙之日起算截至八月二十九日限滿
造報災情尚未逾限合即聲明謹呈

吉林瀋江道道尹專

計呈送 災地印冊六本 災地台冊二本 切結三份

瀋江道署署黃福平安



雙城縣知事魏紹周



中華民國五年八月

二

十

六

日

呈為具報本屬大興川大肚川等處電災大概情形仰請

鈞鑒事於本月十八日據大興川大肚川等屯墾民于耀趙國璞等

來局報稱本月十六日下午四鐘後陰雲突起風雷交作水雹降至

二小時之久將所有禾稼打毀甚多秋收難望等情前來設治員當

即馳赴災區詳細查勘見有馬鞍山屯迤東起至大興川迤南止南

北寬一里東西長八里除包米之外其餘一切禾稼實被水雹打毀

過半統計秋收約減去十分之六七除分呈財政廳暨龍江道查

核並一面造具被災地畝清冊另案呈報外理合先將本屬被災大

概情形具文呈請

鑒核施行謹呈

省公署

設治員李暘



呈為轉送龍江縣調查自治戶口清冊事案據龍江縣呈稱查籌辦
第一二兩期自治事宜所有每期應辦事項業經填具期間表并

查酌縣境城鄉面積廣狹戶口多寡劃定調查戶口區域繪填圖表具報暨依期分別進行辦理在案惟查第一期所定應行調查之戶口暨地方公益興革狀況地方公款公產各事項原分三區調查以省城為第一區遼委陶紳怡卿霍紳恩慶調查以東官特穆富裕寧年四鄉為第二區遼委郭紳連財調查以興讓甘南齊台卧龍四鄉為第三區遼委梁紳文瑞調查該紳等均係義務遵照施行規則第二十二條每人每日酌給川資錢二十五吊其戶口冊紙以及刷印雇工繕寫等費均皆隨時由縣購備需款將來

事竣即由國民會議選舉案內籌定之自治羊草刀捐項下核實

開銷自本年一月一日實行起至六月底止為第一期內所有應
行調查事項業據該紳等調查完竣先後具報前來除事宜表所
列按照規則第九第十及第十五等條應行調查之紳董所辦公
益事宜興廢因革狀況暨規則第十一十五等條應行調查之地
方公益事宜規則第十二十三及十五等條調查之地方公款公
產公益捐事宜以及規則第十四十五等條應行調查之私人捐
助財產事宜四項據該紳等報告事實均為境內所無免造冊表外

其戶口項計第一區內共三千五百四十三戶男女共壹萬八千八百七十一口共編三十六冊_{每冊百頁}第二區內共八千零四十一戶男女共五萬一千一百零八口共編八十七冊第三區內共五千零九十七戶男女共三萬八千四百一十八口共編五十七冊總計以上城鄉三區統共一萬六千六百八十戶男女十萬零八百九十七口共編戶口冊壹百八十本現已雇工清繕完竣除第二期應辦事項遵照前表期間分別進行外文具報外所有第一

期內辦理自治事宜理合檢同戶口冊本開具各區戶口數目清

單具文呈請核轉施行再調查戶口一項原定自本年一月十六日起至四月底竣事委因復查糾正及雇工繕錄清冊稽時以致造報稍遲合併聲明等情據此本署覆核無異除指令外理合檢同原冊清單具文呈送

鑒核施行謹呈

省長畢

附冊一百八十本清單一冊

龍江道道尹張壽增

龍江縣公署謹將調查全境自治戶開具清單呈請

鑒核

計開

第一自治調查區 即有城內

有城三千五百四十三戶共男九千六百三十名共女九千二百三十五名

以上第一區三千五百四十三戶男女共壹萬八千八百七十名共編三十六冊

第二自治調查區

即東官特穆富祕寧年四鄉

東官鄉二千一百五十一戶共男七千六百八十二口共女六千二百六十二口共編二十三冊

特穆鄉二千四百六十二戶共男八千一百五十九口共女七千三百零六口共編二十七冊

富裕鄉一千九百九十戶共男六千九百九十三口共女五千八百三十六口共編二十一冊

昇年鄉一千四百三十八戶共男四千七百五十口共女四千一百二十口共編十六冊

以上第二區共八千零四十一戶男女共五萬一千零八口共編八十七冊

第三自治調查區

即興讓甘南齊白外龍四鄉

興讓鄉一千九百戶共男六千八百三十六口共女五千九百四十二口共編二十二冊

甘南鄉一千零九十八戶共男四百二十二口共女三千七百三十一口共編十二冊

齊台鄉一千零三十戶共男七千七百六十口共女三千四百四十七口共編十一冊

卧龍鄉一千零六十九戶共男三千七百四十五口共女三千零三十七口共編十二冊

以上第三區共五千零九十七戶男女共三萬八千四百十八口共編五十七冊

以上三區共計三區總共一萬六千六百八十八戶男女十萬零八千三百九十七口編戶口冊一百

八十四冊

呈為擬訂招墾簡章懇請

核示祇遵事竊查烏雲轄境東臨黑龍江西界與安嶺南至寶興鎮迤南之烏拉嘎河北至克爾芬河與龍門已放荒段為界曾經

前按署咨陳

內務農商各部以溫河鎮為城基地點創立設治局兼辦招墾事宜並分別通飭委任各在案

設治員



轄之荒原隸清

丈第十一局上年曾聞勘丈一次開局伊始當即派員前赴該局檢取荒圖表冊各一份以備參考而資依據復又實地查驗

與該荒圖對照大致不甚相遠大抵興安嶺自北走南黑龍江沿於東麓山水相連無所謂荒山荒而已又以地僻路遙招徠不易故向來邊荒作為最下等出放亦有不得不然之勢惟設治即為設縣之基而招墾又為興通之輒設治員責任所在不得不

籌謀辦法從事進行依據該圖總計全境荒地三十萬零零五百餘晌除遵前飭撥歸遜河稽墾局大教萬六千七百晌與該

局已放一萬六千三百餘晌暨劃留學田兵田二萬一千晌外尚餘二十萬零六千五百餘晌謹遵照招墾定章參酌邊荒通則

擬訂本局招墾簡章並繪製全境總荒圖編造收支預算一併附呈備查如蒙

核准俟奉

批後即行實施招放所有本局擬訂招墾簡章暨編製荒圖預算各緣由是否有當除逕呈

省長暨清丈總局財政廳外理合連同簡章預算荒圖各一份備文呈請

道尹鑒核示遵施行謹呈

黑龍江黑河道道尹王

計呈簡章預算荒圖各一份

烏雲設治局設治員孫佛三



烏雲設治局擬訂招墾簡章

第一章 總則

第一條 本局兼辦招墾事宜其區域遵照公署飭令東瀕黑

龍江西界興安嶺南至烏拉嘎河北至距溫河鎮八十里新設
之遼河鎮與遼河稽墾局分界

第二條 本局擬訂招墾章程所有手續及一切辦法均遵照清文總局
定章參以全省招墾分局成例斟酌邊境情形為標準

第二章 辦法

第三條 本局招墾荒地分官荒民荒兩種官荒准於劃出段內
自由踴躍稟請承墾已放民荒局限不墾者亦准指段承墾

第四條 無論官荒民荒每犁一具祇准承墾四方並限定三年

墾齊六年升科

第五條 本局轄境遼潤先擇土質膏腴交通便利之處劃出數段每段酌分數井先行勘丈清晰豎立標誌分定界區作為招墾入手地點戶口增多逐漸推廣

第六條 承墾荒地無論官荒民荒均須報由本局查明地點發給承墾小照指引上段方得實行開墾

第七條 承墾小照專為准墾荒地之證據如地未墾熟或價未繳齊有轉賣抵押情事者查出即依刑律第三百九

十三條之規定處罰并將承墾之地歸公不發還所繳價費

第八條 承墾官荒倘屆四年價未繳齊而地已墾至十分之

四按所繳荒價將已墾部分撥給承領餘荒另放不退還
附加經費或價雖繳齊而地未開闢者即將認墾荒段
另行招戶開墾不退還所繳荒價

第九條 承墾民荒屆滿三年成熟後其與原戶墾地辦法得
適用避河稽墾局簡章第七條之規定惟原戶自行招戶分

墾者不在此限

第十條 由局委託誠實農商就便給予荒園章程並淺近
白話布告等件託赴奉吉等省招集墾戶不另支薪能招
到若干戶以上到段實墾者驗明後其津貼及獎勵辦法按照招
墾規則第九十兩章辦理

第十一條 凡到段墾戶犁具及鑿井蓋房墾地各數目均照規定
考核簡章月報季報結報表冊辦理

第三章 價費

第十二條 官荒不分等次每晌收正價大洋六角繳價後發給
執照

第十三條 每响於正價外收附加費大洋一角以五分為招墾及墾經費以五分為興辦交通之用均由局刊發收據

第十四條 願墾官荒祇先收附加費其正價緩至第三年繳納半價第四年繳齊惟自願先繳者聽

第四章 附則

第十五條 出發城鎮屯基辦法及價目另案規定呈請核辦

第十六條 本簡章如有未盡事宜得隨時修改呈請核定

第十七條 本簡章自呈奉核准之日實行

呈為拜屬頁字段遼東夾荒墾殖公司佔領之段應准照普通加價十分之二核收請備案事案據第五清文魚拉墾分局錫局長壽呈稱案查分局前以頁字段遼東夾荒墾殖公司佔領之段擬請照下等浮多定價並照普通加十分之二核收出放等情呈奉鈞局第二七九號指令內開呈悉頁字段遼東未放夾荒准照下等浮多荒價核收仍應照加十分之四俾歸一律候即呈報備案并分令拜泉縣知照此令等因奉此本應遵照辦理惟查該公司經理於具呈懇請減等之先曾會同局長面求照下等并按普通加十分之二核

收已經局長面准因該公司催票甚急已查照而准價格填票發給該公司
矣茲奉前因遂向該公司索還繳換據該公司經理聲稱已經分發各戶帶
往荒段去訖且據稱如照十分之四核收亦必由公司具呈再懇核減先求代
請等語伏思此案既經局長面許在前可否俯念該公司經營數年地多樹
根開墾不易仍准照普通區域加十分之二之處出自鈞裁是否有當理合
備文呈請鑒核示遵施行等情據此查此案業經本局呈准照加十分之四
茲據稱地多樹根開墾不易應准照普通區域照加十分之二核收除指
令并分行拜泉縣知照外理合呈請

鑒核備案施行謹呈

省長公署

名譽局長金純德

名譽局長張壽增

局長杜蔭田

名譽局長于駟興

名譽局長王社



呈為彙報木蘭縣并綏楞設治局本年秋



數請鑒核事案據木

蘭縣呈稱查本屬全境六、七兩月雨水稀少高上之處不免略呈早
象而低窪及平川等地實較高處為多平均計算收成約在六分餘
等情并據綏楞設治局加結呈稱設治員親履各區查勘窪下之地
收成不過四分以上惟高岡之地收成六分有餘平均本年收成在
五分以上等情前後據此除分別指令外理合檢同綏楞設治員原

結呈請

鑒核施行謹呈

計呈送結一紙

黑龍江省長畢

綏楞設治局設治員徐國順今於

與印結事依奉結得本年屬境

秋收分數窪地僅有四分岡地六分以上平均五分以上業經親

履查勘明確並無查報不實之處所具印結是實

呈為第五分局擬將墾殖公司指領夾荒撥補他戶段內如有已墾熟地應自
相商換辦法轉請備案事案據第五清丈分局錫局長壽呈稱案查分局前
勘拜泉四社井荒有有照無地者有確係窪域者以井田內無地可補曾由
墾殖公司指領段內撥補千張發交該各戶信稟嗣又與七局會商擬
仍在該段安插龍拜重複附郭原戶五井即附郭戶不認承領分局仍擬將
此段撥補拜泉未換窪域之原領不能再給公司現據墾殖公司呈稱本公司
承領貞字夾荒係於民國三年二月二十日稟准於四月七號蒙

巡按使電飭拜泉縣石知事內稱貞字



前曾批准墾殖公司承領

備設模範村之用段內原有佔墾之戶仍舊不動其所



均歸與公司各

半分墾惟新入之戶概不招收仰即查明原佔戶若干並速曉示該戶等週

知免致誤會省長朱陽印等因公司遵將界內已墾熟地畝數調查明確即

與佔墾各戶立有墾契按年納租矣不意本年丈後貴局竟將公司指領

之荒段遷補他段原領數千畝復又商將墾牧公司附郭所虧地撥補五

井以致將公司領界範圍縮小若果如貴局長商訂由依字段贖荒換給公

司固無不可惟公司指令段內劃出各井無論撥補何戶凡有墾熟地點均請如數繳納以免轉轄而符原案為此函懇貴局希即查照辦理見覆施行等情據此查分局補地以前並不知有此項案據迨撥定後始據該公司函請前來前此既有省電凡其段內熟地與佔墾各戶立有劈契自應仍照原案辦理以符省令且此次為各戶補地原係補荒亦無撥補熟地之理被補之戶當亦不致過事爭執惟分局現已撤省立待報銷所撥各段又係丈後結束時在圖面劃分究佔該公司熟地若干碍難懸揣亦無暇再

往勘查茲擬由該公司持圖往勘究係劃出若干補給某戶自向後補之戶以公司之荒商酌換回抑或換墾以昭簡捷用特專案聲請轉呈

省公署備案并分令拜泉縣知照俾事後有所稽考理合備文呈請鑒核施行等情據此除指令并分行拜泉縣知照外理合呈請鑒核備案施行謹呈

省長公署

名譽局長金純德

名譽局長張壽增

局長杜蔭田



名譽局長于駟興

名譽局長王杜

呈為彙報通河湯原兩縣本年秋成分數請鑒核事案查本屬
木蘭綏化巴彥慶城綏楞鐵驪等縣局本年秋成分數業經呈

報在案茲復據通河縣呈稱查縣屬本年地畝豐熟惟因上年
災歉今春民力困難雖經知事出放接濟仍有未能種齊者平
均合計全境秋成不過八分半之譜所有未種之地本應詳細
冊報惟當豐稔之年既難



征似不必過事詳查致啟刁

民藉延租賦之惠等情并據湯原縣呈稱查湯邑今年天雨合
時播種得宜三時勿失西成可望豐登百穀告成蒸民斯見乃
立惟夏間禾苗稍受風災又間有被雹雨損傷之處秋後復受
風災以致禾稼倒折籽粒受損故未能充分收穫知事調查本

年內秋收成僅及八分等情前後據此除分別指令外理合
呈請

鑒核施行謹呈

黑龍江省長畢

綏蘭道尹于駟興



呈為景星設治局查覆濟沁河電災情形請鑒核備案事案查景
星設治局轉報濟沁河電災情形一案當經本署轉呈一面指令
該局將人民報告日期及被災地畝响數並受災輕重飭即詳查
具覆去訖茲據覆稱查本境天降電災乃七月二十二日據本境
百家長齊希孟來局報稱係七月十四日下午六時由西北至東
南斜長約五十餘里寬二十里許降電為災大如雀卵所種玉黍
大豆蕎麥青菜等類多被損傷各等情據此專員當即躬親履勘
被災大概情形與該百家長所報相符視其電傷玉黍大豆蕎麥

青菜等類半皆枯槁將來收穫諒能及半伏思本處新荒甫闢招
墾攸關專員於二十三日旋局是日即將履勘被災大概情形具
文呈報鈞局備查茲奉前因遵將各戶被災地畝畝數造具詳細
清冊外所有據人民報告日期各緣由理合備文呈覆核轉施行
再濟沁河地畝文放不久未屆升科年限故蠲餘蠲緩各數均暫
從闕合併陳明謹呈等情據此除指令外理合檢同原送清冊具
文呈請鑒核前來除令委泰來設治局會勘被災地畝是否與
冊報相符並指令該局知照理合將查覆情形具文呈請

鑒核備案謹呈

有長畢

龍江道道尹張壽增

補發興隆縣代印




呈為轉報愛琿縣本年秋收分數請予備案事案據愛琿縣知
事孫蓉圖呈稱案奉鈞署訓令三三五號內開案准財政廳咨

開案查本省每歲收成數向由各屬於秋分時節勘報到省彙核轉報歷辦有案現屆五年彙報之期自應由各縣局及時查明呈報以憑核辦如該管所屬界內收有不及五分者在前戶部則例為歉應即將致歉情形詳細申明並照災歉條例趕速辦理除詳報

省長備案並分別令示外相應咨請查照施行此咨等因准此除分行外合亟令仰該縣即便遵照此令等因奉此遵即咨行警察所轉飭各派出所巡官分別勘查去後茲准該所咨稱案查前飭

各派出巡官分勘本年秋成分數迅速具報旋據各巡官先後呈報到所彙核勘查縣屬一百一十五屯計分三等上等數佔三十屯中等數佔四十三屯下等數佔四十屯按穀子大麥小麥蕎麥畝種遵章細勘上等屯地每晌收糧九斗許應得五分一厘年成中等屯地每晌收糧七斗六升許應得四分三厘年成下等屯地每晌收糧五斗應得二分八厘年成統計本年全境收成平均計算四分厘有奇相應咨請核報等因前來知事覆核無異除被災地畝

業經會勘分別冊報外所有堪查本縣本年秋收分數緣由理合
具文呈報鈞鑒核轉施行謹呈等情據此除被災地酌派員復
行加結具報暨咨行財政廳查照並指令外理合具文呈請

鑒核備案謹呈

黑龍江省省長畢

黑河道尹王杜



呈為轉報呼蘭縣本年秋收分數請鑒核事案查前據木蘭綏化巴彥慶城通河湯原綏楞鐵嶺等縣局呈報本年秋收分數業經先後轉報在案茲復據呼蘭縣呈稱竊照本縣管轄境內每年應將秋收分數遵章查報歷經辦理在案茲查該屬今年入夏以來晴雨無愆迨至秋成天氣稍早禾稼尚無損害平均核計實有七分九厘年景據警察各派出所先後確查據報前來知事覆核無異正在飭查間九月二十九日奉財政廳第六三五二號令催前因所有本縣秋收分數緣由理合具文呈請鑒核稟轉施行再本屬西南兩鄉窪田因

上年被澇水無所沒本年自春徂秋未獲布種者尚有若干嗣已令
查未據報齊此項澇水窪田應否報災並請指遵等情據此除指令
外理合呈請

鑒核飭廳查核施行謹呈

黑龍江省長畢

綏蘭道尹于如典



批

原具是董道霖等

呈研為核據匡崇甚晚未獲耕種解請歸免

呈悉查該處被災地畝業經核計道里心區實勘不

別呈候存案將來如有蠲免應即定案擬條例

擬理尔等毋庸延慮也為四里在業列之氣介念

財政廳龍仁道和道批

批

合

財政廳
龍仁道

葉板甘井子東區高郵縣土而社林木公量

廣芳桐別庄一寫水周等三為程際區大甚晚未

蕨耕種宜注錫免社賦以熟區所等注昔未除

批入批等自批為解分后行合何該取印

任抄出此令

抄抄存呈

呈為請咨軍署轉飭軍畜牧養場及早還牛免誤耕作事案奉
省長八百四十九號訓令內開准

軍署咨開案准貴公署咨開前准咨據軍畜牧養場請將前借牧
畜籌辦處牛隻暫緩撥回一案當經轉行核辦去後茲據牧畜籌
辦處呈稱查民國三年十二月軍畜牧養場拉運秧草缺少壯健
牛隻曾由本處借用耕地剉牛二十頭當接有該場收據為證所
稱由前將軍朱撥給等情本處無案可稽不知該場從何根據列
入場冊又查此項牛隻由本處直接借出復由本處直接索取自

係正當辦法手續並不紊亂至所稱撥給一層恐係出於錯誤但既經該場詳准軍署暫緩數月交還本處自應遵照辦理以重公誼惟本處現正經營墾植需用孔急擬俟明年正月以內即行派員前往收取至於倒斃二頭應即由該場負責賠償以昭公允理合照抄該場借牛收據呈請鑒核等情據此相應檢同鈔件咨請貴署希即轉飭查照計抄件等因准此當即轉行軍畜牧養場查照去後茲據該場覆稱查此項剗牛二十頭係於民國三年十二月十六日經前將軍朱派委員張緒義衛士陳鳳閣驅送來場云

係將軍派由牧畜籌辦處撥來運輸秧草用者本場以為軍署派員送到即列為撥入項下迨至四年一月三日復准牧畜籌辦處來函查對本場以與張委員等所云並牛之毛色數目相符始經函覆該處但此項創牛本場既無以公文直接相借又係軍署派員送場雖經該處直接來函查對此牛實為間接收到何能竟註該處之賬况雖列入本場撥入項下亦未作為本場所有且本場前次詳文內用以請轉該處暫緩取回字樣此不待言可知矣至該處云於明年正月以內即行派員來取惟查本場本年收劈秧

草甚多全恃此牛拉運必至明年四月始能運齊如於明年正月取去勢必催車運輸需款甚鉅該處經營墾植必至四五月間始

能下犁早取亦屬無益况公物公用似乎可以通融擬請轉知該

處俟明年四月再行取回實為公便再此牛前於四年一月二十

五日倒斃一頭業經報由前將軍朱批示轉知該處在案至本年

三月八日倒斃之一頭亦經前照場長洽於診斷證書內報明且

皆係因病倒斃應否賠償之處出自鈞裁至該處明年直接來場

索取此牛可否竟以付給理合具文呈請鑒核等情據此除指令

據呈已悉此項牛隻既係前由牧畜籌辦處撥給該場運輸秧草
自係暫為借用仍應撥還惟該場擬俟明年四月將秧草運齊再
行文還等語應由該場長督催趕緊拉運一俟運畢即行還還該
處以免有誤耕作仰候咨由省長公署轉飭查照至倒斃二頭既
經報明有案候即一併咨請免予賠償其餘牛隻仍應妥為喂養
仰即遵照此令等因印發外相應咨行貴公署請煩轉飭查照施
行等因准此合令該處即便查照此令等因查本地氣候嚴寒行
犁期短墾地者在冬春兩季對於套犁牲畜莫不加草加料特別

喂養以時休息使之養精蓄銳優有餘力然後能深耕厚墾地力盡而物力不窮是以冬休夏作之習到處皆然鄉村老農知之最悉以



論本處即應於今冬前往收取所以不出此者一則遵奉

督軍允准暫緩數月之令一則恐傷同寅協恭和衷之誼故於不得已之中而酌量通融期於明年正月以內若俟該場四月將秧草運完然後收用犁則是驅疲牛而墾生荒又何異置之死地不但物力易窮抑且地利難闢軍畜牧養場不少通曉牧學之人

豈並此而忘之耶本處衡情度理仍懇咨請

轉行軍畜牧養場及早設法通融拉運秧草至於本處收取之期
定於明年正月十日如能早日交還更可多予休養其倒斃二
頭既由

督軍准予免賠本處遵不置議惟以後如有倒斃概不照行為此

備文呈請

省長鑒核示遵施行謹呈

黑龍江省長畢

牧畜籌辦處處長金純德

牧畜籌辦處處長張錫福

呈為本局物產富饒招墾尤為先務擬懇轉請援照龍門設治成例酌予撥款
以策進行事中華民國五年五月八日奉

前按署飭開照得烏雲設治一事業經咨陳各主管部暨分別咨飭委任各在案
該局隸於黑河道以溫河鎮為城基地點區域大致東臨黑龍江西界興安嶺南至
寶興鎮迤南之烏拉嘎河北至克爾芬河龍門已放荒界其劃分詳細區域厘訂
權限各事宜仰該設治員分別會同鄰封及遼河稽墾局稟承該管道尹暨招墾
總局妥為籌擬並繪具圖說詳候核奪此飭等因奉此當即在首組織機關於本

年八月抵溫開局視事所有招墾各事宜業已擬訂簡章繪具圖說編造預算於
本年十月呈報

鈞署暨省城各機關在案查本局上至黑河凡五百里下至蘿北亦五百里正處黑
龍千里之適中乘時設治可以興通黑龍可以鞏固邊圉洵為提綱握要之圖又
查本局轄境關係江流勢成袤延東北西南達七百里西北東南幾及千里其境內之
天產除山貨藥材漁業等不計外最大者有三一州 二林 三荒 簡括述之
如左

請先言州曰上道幹曰下道幹曰避河鎮曰常家屯在本局之上游曰興發屯

曰烏雲河曰朝陽鎮曰寶興鎮在本局之下游遼河鎮做金者現約百餘人朝陽寶興如之常家屯約三四百人興發屯竟達五六百人烏雲河又超出興發屯之上駿大金卅公司竟在該河口拉出街基新蓋房屋數十間其發達之度幾有勃勃莫過之勢遍地黃金良用信然

第二言森林向來拌子廠之數在上游者八個在下游者七個平均每年每廠約打三千沙申全年共計約五萬沙申專銷售於江輪每沙申約合毛洋四元每年總額約得二十萬元左右此種天產任意消磨殊非固邊之計當籌保衛之法

第三曰荒數月以來

設治員

親自查察境內之荒除山荒不計外平坦岡荒約分

兩種曰內部之荒與沿江之荒內部之荒曰克爾芬河曰烏雲河曰烏拉嘎河在

該數河上游懸於山內距江岸百里乃至二百里為索倫棲息之所共計遠二百井

以上山水環繞幾同世外桃源洵堪欣羨沿江之荒約分四部曰道幹曰溫河鎮

曰烏雲河口曰朝陽寶興共約二百井上年曾經一局勘丈有圖可查除道幹一

部遵 令撥歸遼河稽墾局招放外其餘三部約百五十井除出低窪水泡及

土質最下等者外膏腴可墾之荒足達百井以上前月曾由

設治員

擬訂簡章

繪具詳圖編造預算呈請 核示在案

以上三大特產如果逐漸振興可以富可以強可以固邊圉蓋其天然資格不僅可以設治且可以獨立自豪初不闕乎商業與洋酒也三者之中林州魄力尤雄振興保衛之道其手續比墾務尤為繁重為目下計為將來計為邊圉計提綱挈領着手之方招墾其先務矣其理由有四 一酒禁實行沿邊一帶商民頗起恐慌若不設法維持將有捲土重遷之勢此舉實行可以維持境內之原戶為目前計無逾此者 二做金苦力向有陋風半日做金半日賭錢半年入溝半年回籍往返

之勞習氣之壞惟此良法可以維持為非工計亦無逾此者 三境內木廠共計

十五年出額達二十萬觸目傷懷殊難自己推原其故一原於遊民無業二由於

保衛無方三由於保衛無人此舉實行諸弊悉去為保衛森林計亦無逾此

者 四世界祇有以墾殖邊並無以商殖邊者曰殖民曰屯田曰移民東西各國

具有同軌江省之邊實與之相反故有今日之恐慌蓋墾本也商末也墾之權

與利操諸我沿江酒商之權與利實操諸人也墾是固定的商是流動的墾

之効曰開闢商之効曰興通然未有開闢而不能興通者此舉實行為殖邊計

即為百年計也 雖然理由如此充分規畫尤須精密莽蕩千里無人固不能

變無款尤難言招議論事實相偏至此

自來得不來

鈞處設法查十年以來江省設治所在皆是

撥款招墾有例可援最近如龍

門設治尤昭昭在人耳目惟查該局簡章規模甚宏撥款甚鉅計每响由公家

墊助一元一方即達四十元以上一井約須一千五百元百井即須十五萬元以上今日之

墊助一元一方即達四十元以上一井約須一千五百元百井即須十五萬元以上今日之

江省今日之財政

設治員

雖極冒昧亦不敢以彼例此可否援照該局三分之一

每方由公家墊助十五元計每井約五百元百井約五萬元全局百餘井擬懇撥借六萬元藉資照緞由招而引由引而墾三年之後如數收還公私之便本局之幸也

設治員

學謏才疏謬膺斯職朝夕慄慄懼無以達設治之期望良用慙

悚適因酒禁實行商民頗受影響顧後瞻前自不得不從根本上研究蓋為維持商民計為本局將來計勢倂處此不得不有此一請假令他員承繼亦不能不有此一請也可否據呈轉達

省長俯念邊防地重開創事難設局招墾業已咨部導民實邊的是良規倘蒙 允准見諸施行豈但黑龍千里藉以興通邊圉之固將於是一

舉之微數善兼備洵無逾此 抑有請者屯墾手續較招墾為簡其籌

款尤易而省

設治員

從軍有年治兵一節畧有把握且招墾有方尤須護墾

有人可否撥兵若干藉資試辦對於防守事宜尤為一舉兩得所有本局
物產富饒招墾尤為先務擬懇轉請援照龍門成例酌予撥款以策進
行各緣由是否有當謹合詞呈請

道尹鈞鑒訓示施行謹呈

黑龍江黑河道道尹王

烏雲設治局設治員孫佛三



呈為轉報龍北縣屬境五年分秋收分數事案據龍北縣知事宋錫恩呈稱
本年十月十三日奉財政廳第六三五二號訓令內開案查本省每歲收成分數向
由各屬於秋分時節勘報到省彙核轉報歷辦有案現屆五年彙報之期自應
由各縣局及時查明呈報以憑核辦如該管所屬界內收成有不及五分者在前
戶部則例為歉應即將致歉情形詳細申明並照災歉條例趕速辦報



報

省長備案並分別咨行外合亟令仰該縣立即遵照查明呈由該管道尹核轉案
關報部要件切勿遲延等因奉此查龍北屬境本年秋收分數前經派員先後
勘查除所屬兆興鎮下游一帶於本年七月間因黑龍江水漲發淹成熟地畝

被災者一百零四收成不及三分前已照章造具被災地畝分數冊專案呈報鈞署
結轉外其餘龍北所管境內及所轄黑龍江下游沿岸一帶平均收成約在八分
以上所有勘報龍北民國五年分秋收分數各緣由理合備文呈請道尹鑒核轉報
施行謹呈等情據此通尹復核無異除咨行財政廳查照暨指令外理合具文呈請
鑒核備案謹呈

黑龍江省省長畢

黑河道尹王杜



呈爲積潦退出甚晚未獲耕種懇請蠲免租賦以蘇民命事竊
佃民等均任甘井子東改通郊樂土兩社墾荒自去年大水爲災以
至今夏甫經涸出正擬播種晚田蕪具秋收詎意四月間平地湧出
泉眼數道遍地漫溢復被淹沒曾蒙委員勘驗屬實在案佃等
又據高阜之地布種蕎麥鈴鐺麥嗣因種已愆期秀而不實僅
零星所獲不敷糊口幸兩次賑饑小米銀元稍資接濟是乃賴以生
活爲此據情籲懇

省長體恤民艱蠲免租賦以蘇民困實爲再生之德謹呈

謹呈

黑龍江省長

具呈人

董逢霖 割占二十

原籍 盧芳桐 冠文周 探

住所 甘井子

代書人

邢紹武



原籍 甘井子

住所

連署人

原籍

住所

中華民國五年十一月

日